


آذربایجان ماهنی غزللری



حسین زارع (حیران)

ماهنی غزللری
آذربایجان شاعر له ریندن
سَّچیلیمیش غزللر

توپلایان : حسین زارع عجبشیری (حیران)

تبریز: خیابان محققى (امین) تلفن: ۶۷۹۲۵

☐ کتابین آدی : ماهنی غزللری

☐ یازانی : حسین زارع (حیران)

☐ چاپ نوبه سی : ایلک

☐ چاپ آیری

☐ سایى : ۲۰۰۰ جیلد

☐ لیتوگرافی : رنگین

☐ حروف چینی : نعمتی

قیمت ۱۲۰۰ تومن

شابک ۵-۳۹-۶۰۰۹-۹۶۴ ISBN - 964-6009-39-5

۱- با عنایت به اینکه حقیر مدت چندین سال است با خواندن اشعار شعرای نامدار و معروف و حتی گمنام آذربایجان خود را مأنوس کرده و در غزلهای شاعران خطه آذربایجان ذوب شده‌ام و هر موقع که وقت پیدا می‌کردم با خواندن چندین بیت از شعرای روح تازه‌ای پیدا کرده و در جهت تهیه و مطالعه دواوین شعرای با لهجه خودمان (آذری) روز بروز طالب‌تر و خود را راضی‌تر نگه می‌داشتم.

ولی متأسفانه به برخی از اشعار شعرای نامی که دیوان آنان در دسترس نبوده و یا چاپ نشده بود مراجعه و با مشکلات عدیده‌ای روبرو می‌شدم و افسوس می‌خوردم مضاف بر اینکه برای تهیه یک غزل از شاعری روزها و حتی ماهها باید تلاش کرده تا موفق شد. که این عمل باعث گردید با پیگیر چندین ساله گلچینی از غزلهای شعرای آذربایجان را جمع آوری و در یک کتاب بنام «ماهنی غزلری» به چاپ برسانم، چرا که تاکنون چنین کتابی که محتوای آن گلچینی از اشعار شعرای آذربایجان باشد به چاپ نرسیده و اگر هم

وجود داشت ناقص و جهت تذکره نویسی بود

۲- زمانیکه این کتاب را تهیه می‌کردم در وهله اول دوستان صمیمانه‌ام که در رشته موسیقی فعالیت داشتند اصرار ورزیده مبنی بر اینکه هرچه زودتر چاپ شده تا مورد استفاده رانش آموزان کلاس موسیقی و علاقمندان ادبیات و

شعر دوستان خطه آذربایجان قرار گیرد.

۳- بسی مایه تأسف است که نام برخی از شعرای خطه خودمان (آذربایجان) به گمنامی مبدل گشته و حتی اسمی از آنان برده نمی شود فقط از زبان آوازخوانان و موسیقی دانان آذری می توان شنید و هر کتابی هم از اشعار شعرای آذربایجان چاپ شده بود فقط دیوان منحصر بفرد بوده و یا برگزیده ای از دیوان یک شاعر.

۴- در برخی از ابیات غزلها ناصحیح بودن وزن و یا سبک و سنگین بودن مصرع و یا بیتی از ابیات که کاملاً مشخص می باشد درج نموده و به قضاوت خوانندگان گرامی گذاشته ام که این امر فقط جهت ادای احترام با شعرای برزگوار می باشد که حقیر نخواسته دخل و تصرفی در ابیات داشته باشد چرا که از عهده اینجانب خارج بوده و برای تصحیح ابیات باید با اساتید محترم مشورت نموده و بیاری خداوند در چاپ دوم و جلد ۲ اقدام گردد، مستدعیست که در این امر حقیر را مقصر ندانسته و مرا با ارسال انتقاد و یا پیشنهاد جهت بهتر شدن محتوای کتاب یاری فرمایند.

۵- در خاتمه از همسر خودم که واقعاً مرا در این کتاب از لحاظ فهرست بندی و تهیه غزلها یاری کرده و همواره اوقات فراغت خودشان را در اختیار اینجانب قرار میدادند کمال تشکر را دارم.

حسین زارع عجب شیری

تبریز - ۱۳۷۶/۱۲/۲۵

محبت اهلينه

كۆنول وفاسيز اولان نازلى ياره يالوارما
نه اعتبار اونا بى اعتباره يالوارما
داريخما ياخشى. يامان روزگار يميز گنچه جك
بو بئش گون عومره گۆره روزگاره يالوارما
سنين ده بيرگون اولار نوباهارين اى بولبول
خزان جفاسينه صبر ايله رخساره يالوارما
فقيره عاجزه مظلومه احترام ائيله
عدويه، قان ايچه نه ظلمكاره يالوارما
وطن يولوندا اولوم مرد اوچون سعادت دير
حيات اوچون فلک كج مداره يالوارما
مخالف اهلينه باش اگمه سن ده منصور اول
انالحق اوسته چكىلسن ده داره يالوارما
محبت اهلينه (واحد) هميشه خدمت ائيله
نه تاجداره نه بير شهرياره يالوارما
واحد

اٺل آراسيندا

بـير نـغمه اوخودوم تـرجـمان اولدو
دانـيشـدى درـديـمى اٺل آراسيندا
بـير نـغمه اوخودوم بـولودتـك دولـدو
كـوره لدـى دوداقلار دـيل آراسيندا
آغلـايا بـيلمـه يـيرم گـوله بـيلمـه يـيرم
هـجران چـوخ چـه كـه جـگ هـله بـيلمـه يـيرم
حـسـرتـى انـگلـره بـوله بـيلمـه يـيرم
گـون گـنـچـير آي نـيله اٺل آراسيندا
مـن بـير حـيات اٺـديم اٺـللى اوبـالى
مـن بـير سـوگـى ايدـيم عـهـده وفـالى
مـن بـير كـاريدـيم هـايلـى هـارايـلى
سـيم قـالمـيش بـسمـله زـيل آراسيندا
نـه اولـا سـئـوينـجـدن آغلـايا گـؤزوم
نـه اولـا داغلاردا عـكـس اٺـده سـيم
بـاهاـر يـاغيـشـينا گـيره تـبريـزيم
يـويونـام عـمـانـلا سـئل آراسيندا
مـدينـه گلـگون

طیب

منه همدم گُرونور شمعیله پروانه طیب
 سالدی هجران او دینی قلیمه بیگانه طیب
 سنده من تک گُرونورم هجر اودینایانمالیسان
 غمگسارون اولاجاق الله کی پیمانه طیب
 سینه مین سوزلری افشاء اولوب اغیاره داخی
 ایمدی لازم دی ائده چاره بو درمانه طب
 جانیمه قصد ائیله دی اغیارین ایچره خوار اولام
 ١٠ سرکش منی باخ بیله عنوانه طیب
 ١١ جک کونول غرق اولدی عشقین بحرینه
 ١٢ له للره نه لر امر ائتسه فرمانه طیب
 ١٣ غیاره صبر ائتمک مگر افسانه دی؟
 گل یاناق پروانه تک شمع شبتانه طیب
 ناله نی هر چند سعی ائتدیم که آسان تر چکم
 سینه تنگیم دئدی دوزمم بو افغانه طیب

ظاهراً" در دیم‌ده اولسا هنج تاپیلماز چاره‌سی
گر ئوره‌کده درد اولایوخ چاره انسانه طبیب؟
طعنه اغیاريله دؤشدی نفسدن «حیرانین»
قیلدی ضایع عقلینی راغب‌دی درمانه طبیب

زارع (حیران) ۱۳۷۲/۴/۷

گۆروب

پای بىند اولدوم سر زلف پریشانين گۆروب
نطقدن دوشدوم لب لعل دُر افشانين گۆروب
اودا باخديم شمع وُش جانيم باخيب رخسارينه
هر چه چکديم درد دل سرو خرامانين گۆروب
گزديرير هريان گوزوم اشک ايچره باغريم پاره سين
خلعت گلگونيله رخس اوزره جولانين گۆروب
بیر زمان گئچمزکه. دل تيغيندن اولماز چاک چاک
آچيلير هر دم. توتولميش کونلوم احسانين گۆروب
کؤنلومو تنهاليق ائيلردى پریشان سينه ده
اولماسايدى جمع هر يانيندا پيکانين گۆروب
بند زندان و غم و محتندن اولموشدوم خلاص
آه کيم دوشدوم يئنه زلف و زرخدانين گورروب
ای «فضولی» بونجه کيم توتدون نهان حال دَليِن
عاقبت فهم ائتدى ائل چاک گريبانين گۆروب
«فضولی»

طیب

ئوره گیم اولدی غم یاریله دیوانه طیب
یوخدو چارم دوزهرم محنت شایانه طیب
شمعه یانما خلیقی پروانه دن ئویه ندیم ازل
تن رنجوریه دوزدوم بئله عصیانه طیب
رو به محراب اوتوروب نیت پاکیه مدام
ایسته رم تاری یتیرسین منی جانانه طیب
نقشیم ایفا اولونار گر هدفیم ثابت اولا
مست اولان وقت دولنار باشیمه میخانه طیب
من گؤزه ل زلفینه سودازده اولدوم آل آچام
بلکه ده قالسین اوزاخ عصره بو افسانه طیب
عشقه مایل اولان آختارماسا تاپاز هدفی
یانسا عاشق سالاجاق صحبتی هر یانه طیب
کیمسه قویدی بئله بیر رسمی طبابت لیک ایچون
ائوی آباد اولا رحم ائیه دی (حیرانه) طیب
زارع متخلص به (حیران)

دام تملق

مرده جسمیم التفاتوندان بولور هر دم حیات
ئولهرم گر قیلماسان هر دم منه بیر التفات
یازا بیلمز لب لرین وصفین عومورده من کیمی
آب حیوان ویرسه خضره کلّ و ظلمتدن دوات
من فقیرم سن غنی وئرگیل زکات حسنونو
شرع ایچینده هم سنه هم ده منه واجب زکات
گورمه یینجه حسنونو ایمانه گلمز عاشقین
یوز پیمبر جمع اولوب گؤستره لر مین معجزات
مظهر آثار قدرت دیر وجود کاملین
فیض فطرتدن غرض سن سن طفیل کائنات
جوهر ذاتینده دیر مجموع اوصاف کمال
بو صفات ایله کی سن، قندهاردا وار بیر پاک ذات
عشقه تا دوشدون «فضولی» چکمه دین دنیا غمین
بیل که قید عشق ایمیش دام تملق دن نجات
فضولی

اظهارات

صبا اغياردن ال چک. غمिम دلداره اظهار ائت
خبرسيز ياريمي حال خرابيمدن خبردار ائت
گتير ياريم اونون يانيندا دور گؤرسون که قهر ائيلير
خَموش اولمانيه آشنا تسقريبيله تکرار ائت
کونول غم گونلرين تنها گئچيرتمه ايسته بير هر دم
اجل خوايبندن افغانلر چکيب مجنوني بيدار ائت
چو يوخ عشق آتشي، بير شعله چکسه طاقتين اي ني
باش آغريتما دم عشق. اورما آنجاق ناله زار ائت
مني پروانه تک عشق اودونا اي شمع يانديرما
يستير خورشيد رخسارين. چراغ بزم اغيار ائت
گرفتار غم عشق اولالي. آزاده دهرم
غم عشقه مني بوندان. بتر يارب گرفتار ائت
«فضولي» باخماق اولمور اول گونوش ياديله خورشیده
نه وجه ائيليم کيم اولسا. گون گئچر فکر شب تار ائت
«فضولي»

پريشان کونول

سن زليخا سن اگر ديده گريانيمه باخ
بلبل غمزده يم لانه ويرانيمه باخ
رحمه گل كشف اولونا ديده كي اسرار نهان
بي وفاليق سوزوني آچماگيلان حاليمه باخ
مشق آلان گونلريمي ياده ساليب آغلاميşam
نيليم عاشق زارم، غم شايانيمه باخ
منده غرق اولدوم ازل گون ساچين اندیشه سینه
سنده بير لحظه ياخين لاش دم هجرانيمه باخ
يئر قبول ائيله مز عالمده پريشان کونولي
دوشدی اود جانيمه گل ناله و افغانيمه باخ
راز عشقين آچارام گرمی رام ائيله مه سن
گنج حسن اختاریرام سينه سوزانيمه باخ
قامتين خدمتینه کونلومی قان ائيله ميشم
غمزه تيرين چک ئوره کدن دم پايانيمه باخ
سینه می چاک ائيله ييب عکسینی سالدین ئوره گه
گورمه گه عکسوی گل سينه سوزانيمه باخ

جور الوب عادتین از لجه منه فاش ایله دین
دیلین آغزیندا کول اولسون غم شایانیمه باخ
عکس رخساریوی حکّ ائیلهدی «حیران» ثوره گه
سنده گل الده کی جان وئرمه یه عنوانیمه باخ

زارع (حیران)

یوخ

قسم جمالیته سندن صنورا شاهیم یوخ
سن حُسن شاهین عالَمده اوزگه. ماهیم یوخ
جهاندا بیرده نه معبود خالقیم سن سن
اطاعتیم سنه دیر، اوزگه بیر اِلَهِیم یوخ
من اولموشام سرکویینده بیراوش توپراق
بسیمدیر بیله شرر، اوزگه قدر و جاهیم یوخ
فراق آتشیته یانسام آه چکسم ده
بو خسته دیلده سنه تحفه غیر از آهیم یوخ
«نسیمی» هر طرفه باخسا صورتین گؤره جک
جهاندا اوزگه سین گؤرمه گه بیر نگاهیم یوخ

نسیمی

غملی گلستان

مطربا چانبا سازین دیده کریانییه باخ
برش قالان الله سینیق جر یرسیانییه باخ
گورنه حالت یارادیر مجلس عرفانییه می
عکس یاریم گورونور جامده مهسانییه باخ
قاش سوزور آی دولانور کیپرگی اوخ نیزه کیمی
سانجلیب دیر گوزومه لشکر مژگانینه باخ
فخریدیر گر یارادام عشقده طوفان اودینی
سندھ اختارماقا گوز یاشیمی دامانییه باخ
ائیله مضراب اوزووه گؤزده کی کیپرک لریوی
چالگیلان ساز نوا الله کی فرمانیه باخ
گر یولون باغلیدی اول جنت مأوایه طرف
باغ فردوسی بوراخ شمع شبستانییه باخ
عشق پروانه سیم شعله اوجات یانماقیبا
قوری توپراق یاتاقیم تخت سلیمانییه باخ

نقدی الدن بوراخیب نسیه‌نی نیلیر کونولون
ایاق آلتیندا اولان روضه رضوانیمه باخ
شانه زلفینده چالان نغمه‌نی حزن ایسته‌یه رم
دلی جیران ئوتاران اولکده (حیرانیمه) باخ

زارع متخلص به (حیران)

یوخدویوخ

سننیز ای گل کونلومون بیردم قراری یوخدو یوخ
سندن اوزگه نیله سین. بیر غمگساری یوخدو یوخ
درد هجرین چاره سین هر چند بیلدیم صبر ایملیش
نیلیم بالله بودریانین کناری یوخدو یوخ
لیلی لیلی سویلیوب چوخلار دیر کیم عاشقم
لیک معنون تک اونون بیر داغدار یوخدو یوخ
هر خزانین بیر بهاری اونسوز اولماز اولماسین
بو چول اولموش گلستانین بیر بهاری یوخدو یوخ
گللری بلبل لری آب و هواسی چوخ گؤزل
حیف کیم بو گلشنین بیر گلعداری یوخدو یوخ
یا هیچ عیبون یوخ گوزلیک هامی سنده جمعدور
نئیلیم اما که عهدون اعتباری یوخدو یوخ
سن نه بیلرسن بو طرلانی نباتی روز و شب
من بوداغی چوخ دولاندیم بیر شکاری یوخدو یوخ
نباتی

افسونه باخ افسونه باخ

عریان و زار اولدوم یئنه مجنونه باخ مجنونه باخ
سلطان غار اولدوم یئنه هامونه باخ هامونه باخ
داش اوسته قویدوم باشیمی عَمَّانه توکدوم یاشیمی
طوفان نوح اولدوم یئنه جیحونه باخ جیحونه باخ
وحشی یاتاقی منزلیم قوشلار یوواسی کاکلیم
افعی الیمده اوینارام افسونه باخ افسونه باخ
سولدی خزان اولدو گولوم دوشدو نوادن بلبلیم
بیر دم منی شاد ائتمه‌دی گردونه باخ گردونه باخ
آلدی الیمدن یاریمی آرتیردی آه و زاریمی
هر ایلده بیر داغ آرتیریر قانونا باخ قانونا باخ
قند و نباتی توک اوزه گل بیر تماشا قیل سوزه
بیر گۆر نه گوهر دوزموشم مضمونا باخ مضمونا باخ

نباتی

نالہ نی

نالہ دن دیرنی کیمی آوازۂ عشقیم بلند
نالہ ترکیں قیلما رام نی تک کسلیسم بند بند
قیل مدد ای بخت یوخسا کام دل ممکن دئل
بویله کیم اول دلربا بی درد دیرمن دردمند
داغ لردیر اولدو کوکسوم دن قاراسی قوپمامیش
یا ثبات عشق ایچون اؤد اوزره بیر نئچه سپند
آچیلیر کونلوم گهی کیم گریۂ تلخیم گوروب
آچار اول گلرخ تبسم بیرله لعل نوشخند
خاک راهیم دن منی قالدیرا بیملز سایه تک
قیلسا گردون آفتابین هر شعاعین بیر کمند
«جام توت» وئر ساقی گلچهره زاهد ترک جام
ای کونول فکر ایله گورکین هانسی دیر توتماقا پند
ای «فضولی» صورت فقرین قبول دوست دور
هیچ درویشی سنین تک گورمه دیم سلطان پسند
فضولی

شمعیوه پروانه آپار

باغلا زولفونله منی گوشه زندانه آپار
یا که یانماخلیقا رأفت له شبستانه آپار
آهیم آه اوسته فزون اولدو چکم بوغمی
لایق اولسام گؤزه لیم شمعیه پروانه آپار
عکس رخساریوه قاب ائیلهدیم اوز سینه می من
آی گون آغلیر منیم احوالیمه درمانه آپار
بوی پیراهن یوسف له انیس اولماق ایچون
قوجا یعقوبیوی گل کلبه احزانه آپار
پرده ستری کنار ائیله گوروم گول اوزووی
سندده یعقوبیوی مست ائتماقا پیمانه آپار
داش نوره کالر دلیر آهیم اوخون آتسام اگر
ممکن اولسا منی زنجیرله هر یانه آپار
دامنیمدن ال اوزن وقتده سلطان طرب
منی تأدیب ائله گل سوی دبستانه آپار^(۱)

۱- منظور از دبستان محل تأدیب می باشد.

سینم اوستون گزیری آهیلہ غم قافلہ سی
سندہ تعجیل اٹلہ قربانیوی میدانہ آپار
طعن اگر اولماسا اغیارین ایچینده قاچارام
بُئردہ تک ساتماقا گل درگہ سلطانہ آپار
عشق سرگشته سییم فصل خزان ایستہ مه رم
بولبول غمزہ دہنی سیر گلستانہ آپار

زارع (حیران)

ماه تابان

آفتاب طلعتیندن ماه تابان رو دوتار
چین زلفونندن خطاده نافه آهو دوتار
بیلرم حوریم سن یوخسا ملائک یاپری
کیم کی گوردی آی اوزون شرمنده اولدی خودوتار
گورموشم هر خانه ده اصلان قیلور آهو شکار
من عجائب قالمیشام اصلانلاری آهو دوتار
چشمیمه آیدیم فراقندان اونی چوخ آغلاما؟
ناگهان طوفان توپار ملک جهانی سو دوتار
مصحف آچدیم فالمه گلدی جمالون آیتی
اهل توحیدین کلامی - فالیمی نیکو دوتار
لبله ریوون شربتیندن بیر قدح سون ساقیا
لعلینی ایچدی «نسیمی» لبلری نیکو دوتار

نسیمی

خون دل

تیر غمزون قانیمه باتماز دُدیم یاندان گُچر
بیلمه دیم چوخ تشنه دیر قان ایچمه گه جاندان گُچر
قاشلارون سرگشته دور گویا دونوب عریان قلنج
کیپر یگون سربازه بنزر صف چکوب ساندان گُچر
قَصَّه شَهد لبون شیریندیر از بس گُچمه رم
ای شکر لب هاردا طوطی شکر ستاندان گُچر
اود دوتوب یاندی کباب اولدی توکندی خون دل
هر کوکل چون تیغ مژگانندان گُچر قاندان گُچر
جمعدن خارجدی بیر دیوانه دور بو سلسله
هر اوکس کیم حلقه زلف پریشانندان گُچر
لبارون وصفین قویوب او صافی کوثر دن دیر
گورتنجه حیراندو زاهد آب حیوانندان گُچر
نقد جانّه بیرجه بوسه ویرسن آلام نقد به نقد
فرستی فوت ائتمرم کیم جنس ارزان دان گُچر؟

بیر خبر دور حقدن صنعانی تکفیر ائیلین
گورسه هر کیم کفر زلفون الحق ایماندان گئچر
چاه کنعاندا اگر چه، ماه کنعان اینجیدی
ایمدی آیاگورسه بو چاه زنخداندان گئچر؟
خاک پایون لذتین درک ائتسه هر مور ضعیف
تاج جمشیدی قویار تخت سلیماندان گئچر
صراف

پريشان

لبينه اهل نظر چشمه حيوان دئديلر
گرچه اوچماق حوريلري جمله اونا جان دئديلر
سنى بو حسن جمال ايله کمال ايله گوروب
قوخدولار حق دئمه گه دوندولر انسان دئديلر
سونبولون حالي پريشان دئديلر حال اهلى
الله الله نه اوچون مشگى پريشان دئديلر
بیر قيلن قيمتيني هر کيمه صوردم من
گنج قارونيله مين ملک سليمان دئديلر
لعلوون آيتى عاشقلره صوردم که ندير؟
ائشيدن جمله نه کافر نه مسلمان دئديلر
اي «نسيمي» دم عيسى دئيري اوز نفسون
نفسى دوغرولر اونا گور نه اوچون جان دئديلر؟

نسيمي

گوزه‌لیم

گوزه‌لیم گؤزله رینین صُحبتی هر یاندا اولار
بیر ملاحتلی باخیشلار قوزو جیراندا اولار
بیر علاج ائت منه ایستکلی طیبیم سن سن
عاشقین چاره‌سی اؤز سودیگی جاناندا اولار
نه طبیعت گوروب عومرونده نه دنیا یثیریب
اوگوزلرکی بی‌یزیم آذربایجاندا اولار
گول اگر بولبولی اینجیتسه وفاسیز دئمه یین
قیزلارین تقصیری اولماز گناه اوغلاندا اولار

میرمهدی

شهرتی وار

یئر اوزونده هره نین اوز ایشی اوز صنعتی وار
خالقیمین شاعره صنعت کارا چوخ حرمتی وار
سئویرم قلبی گئیش آنی آچیخ بیرگۆزه لی
عشقیمه گولمه لی دیر یاره کی مین جُرئی وار
اونون هجرانینه بیر آن بئله دوزمور کونلوم
جار چکیب سویله مه گین آیریلیقن لذتی وار
اولا بئیملز اونومندن منی اوندان آیران
چکدیم اوز سویگولومون هر نه قدر محنتی وار
گونه بیر عشقه دوشنلر قازا نارمین نخوت
هر کیمین سویگوسی بیردیر اونون شهرتی وار
قوی دئسینلرکی سلیمان ئینه ده عشقه دوشور
بو سوزون امره برابر دهیه ری قیمتی وار

سلیمان

ندیر؟

بنیله مستم بیلیمیرم کیم می ندیر مینا ندیر؟
گل ندیر بلبل ندیر سنبل ندیر صحرا ندیر؟
اود دوتوب جانیم سراسر یاندی اما بیلمدیم
دیل ندیر دلبر ندیر باشیمدا بو سودا ندیر؟
بیلمدیم عمریمده هرگز کفر و ایمان هانسی دیر
احمد و محمود کیمدور عیسی و موسی ندیر؟
طرّه هانی قوی کناره رقصه گل دیوانه وار
گل خرابات ایچره گل گور شور و بو غوغا ندیر؟
دُرد صافی گوزله مک وقتی دگیل ساقی امان
شیشه ویر پیمانه ویر ساغر ندیر صها ندیر؟
دور گوزون قوربانیا مستانه گل رندانه ویر
چوخ دیمه جمشیددن اسکندر و دارا ندیر؟
شاهد خلوت نشینم ائتدی رخسارون عیان
عاشق دیوانه گل ظاهرده و اخفاء ندیر؟
یئتدی عمرون آخره سن بیر (نباتی) بیلمدین
کیمدی گؤزدن او باخان یا دیلده بو گویا ندیر؟
نباتی

دیوانه لیک

عشاقین تمام نشئه‌سی دیوانه لیکده دیر
میخانه‌نین ملاحتی مستانه لیکده دیر
جاهلر ایله عارفین اولماز علاقه‌سی
حال اهلینین تکاملی فرزانه لیکده دیر
لعلین خیالی کونلومه دولسا عجب دگیل
گیزلین خزینه‌نین چوخی ویرانه لیکده دیر
یستمز وفاسی آخره نامرد اولانلارین
شخصین بوتون دیانتی مردانه لیکده دیر
«واحد» اگر چه صنعته قیمت ویریرسه خلق
شعرینه قدر قیمتی دردانه لیکده دیر

واحد

نازایلر

پریوشلر همیشه رسمیدور عشاقه ناز ائیلر
منیم یاریمده انصاف و مروّت چوخدی آزائیلر
گؤرنده ناوک غمزون گلور جانہ چیخار جانیم
آتاریکانه جسمیم آشناسین پیشواز ائیلر
دهانون سزینی بولمزدی عقلم عشقیم اورگتدی
عجب دیوانه دور بیگانیہ افشای راز ائیلر
مخالف رغنمه بزم طریده مطرب مجلس
بیر اوزگه شوروشین باشلار نوا ترک حجاز ائیلر
کوکل چین سر زلفونده ائتمز ناله بیهوده
قرانلیق گئجهده محبوبیلن راز و نیاز ائیلر
حدیث عشق محمودی سوروشما هرترش رودن
اونی شیرین حکایت ائيلهسه حسن ایاز ائیلر
امیدیم وار یئنه «صراف» الی آخرده بیر یانه
محبت بوته سینده بسکه جانان جان گداز ائیلر
صراف

دل دیوانه

وطنین عشق اودینا بو دل دیوانه یانار
نئجه کیم شعله شمعہ پر پروانه یانار
یوک له ییب گوگلره ناری یتیب آفاقه اودی
اودلانیب شانلی گونش آتش نیرانه یانار
یاندی قورتولدی کونول لاکن اونون سوزیندن
اود دوشوب ایمدی داخی جسم پریشانه یانار
نئجه فریاده گلیب ایله مه ییم آه و فغان
قورولوب قانلی ئورک حسرت جانانه یانار
عشقی انکار ائلیین گیت داخی پروانیه باخ
جانینی گورنه ووروب شمع شبستانه یانار
ساقیا مجلس می ایچره دئمه نام وطن
اودلانیب سینه لر اوندان می و میخانه یانار
کیمسه نین اولماسا قلبینده وطن عشقی یقین
عمری بیهوده سوروب آتش خسرانه یانار
شاعرم حب وطن دیرمنه عالمده شاعر
اودی کیم عشق اودینا بو دل دیوانه یانار

زرگری

سیارندیر

هامی گون منتظرم منکه بو پرگار ندیر؟
 گنبد چرخ فلک گردش دؤار ندیر؟
 بودوقوز چرخ مُعَلَّق نندن اولدی ترتیب؟
 فلک آلتیندا دؤنن کوکب سیار ندیر؟
 کعبه و دیرندیر غیرندیر سیر ندیر؟
 مسجد و میکده و خرقه و زئار ندیر؟
 علم و قرآن و حدیث و خبر و عضیله درس
 جمله بیر معنی ایملش بونجه بو تکرار ندیر؟
 دین و ایمان و نماز و حج و ارکان و زکات
 زهد و تقوی و شریعت هامی گفتار ندیر؟
 کونشین قرصی نندن یئر اوزونه شعله ویرر
 یا بوییر مشعله ده نور ندیر نار ندیر؟
 اود سو توپراق دئیل آدی نندن دیر آدم
 اونا سجده نه اوچون ابلیسه انکار ندیر؟
 ترک ائوینه گلمیسن مثل «نسیمی» اولاسان
 بیرگون اولار دئیین جبه و دستار ندیر؟
 نسیمی

یاده سالان وار

الدورمه منی ظالیم اگر جسمده جانوار
 صبر ائيله حبیبیم گله گوز یولدا قالانوار
 قصدائيله مه یین جانیمه جاناتیمه بیلدیر
 تا بلکه گه له تک دگیلم یاده سالانوار
 هجرانینه تاب ائیلمز اسرار نهانیم
 فرهاده شیرین تک هورولن دردین آلانوار
 صد پاره اگر اولسادا جسمیم غمی یوخدور
 سرگشته لیگیم اولسا عیان دردیم آلانوار
 نالمده اوجالیدیجانین ناله سین اوتدی
 نیدن ده گوزل ناله ائدن همدم اولانوار
 پروانه اگر شمعیله مأنوس اولونودی
 جان بذل ائدهجک سویگوسینه جانین - آلانوار
 بیلمز اونی کیم دعوت ائدیب شمعه یانین
 پروانه نی خلق ائيله ییب هم جانین آلانوار
 بیر لحظه اگر صبریده یعقوب اولا (حیران)
 بازار محبته خریداری اولانوار
 زارع (حیران)

قربانیندیر

چشم مستیندیر منی کوه و بیابانه سالان
داغ ائدن جسمیمی اول غمزه فستانیندیر
درد هجرانه دوا یوخدو مگر باده ناب
ایچ بوقان اولموشی کیم یاخشی جا درمانیندیر
چاره یوخ عاشق زارین دونه بیلمز سندن
کسه سن باشین اگر قوچ کیمی قربانیندیر
ساقیا گلدی یئنه عشرت ایام بهار
می گلگونی گتور دوره که دورانیندیر
درد صافی نه بیلیر لعل لبین سر مستی
دور گتور کیم ایچهرم نیلیم اگر قانیندیر
ایسته بیر اگنینه مجنون گیه گلرنگ قبا
قوی دئسینلر که سنین عاشق عریانیندیر
زاهدون باشینا کل طالب اولوب رضوانه
گون به گون تاری بیلیر دیرده رهبانیندیر

وئردوگون اسم عظیمی من دیوانیه ویر
لمعتی قوی آدیمی فرض ایله شیطانین دیر
گل (نباتی) بیر اوتان کفر دیمکدن بیراوسان
بیحیا شرم ایله بو کفر مگر جانین دیر؟

نباتی

ایستر

پریشان خاطریم بیر طرّه پریچ و تاب ایستر
عجب دیوانه دور اوز قیدینه بند طناب ایستر
گلستان وجودیم شبنم نخلن تا پار رونق
نجه کیم ابر رحمت بارشین اهل عذاب ایستر!
خیال و صلیله بیر لحظه شاد اولدوم خطا قیلدیم
دیر درد و غم ایمدی گلوب مندن حساب ایستر
محبت اهلی محنت لذتین راحت بولور جانه
همیشه آرزوی هجر اولانی خورد و خواب ایستر
جنون عشق اولان گوندن سوروشماز کیمسه احوالیم
بلی دیوانه دن عاقل همیشه اجتناب ایستر
اولور بزم محبته شراب و صلیلن سرخوش
اوکس کیم سیخ محتده کوکل مرغون کباب ایستر
یخیلمیش کوکلمه رحم ایله ظالم ائیلمه ویران
کیم اوز معموره سین سن بی مروت تک خراب ایستر؟

بوی گل

گول ایگی گولدن قاباق گلشنده بیداد ائیلیر
مست اندیر هر کیمسه گلسه گور نه فریاد ائیلیر؟
تیشه فرهاده باخ بیستونی دلدی عشقدن
سزینی بونوعيله معلوم آحاد ائیلیر
بیلمدیم حکمت ندی هر ضربه گلجک تیشه دن
الغرض معلوم اولان شیرینه امداد ائیلیر
باغبان گلشن شیرین اولوب فرهاد لر
فصلی وصل ائتما خلیقا گل گورنه بیداد ائیلیر؟
بلبلی سالسان قفس ایچره اگر گلزاریده
باشلاماز خنیالیقی چون سعی آزاد ائیلیر
عشق اودون سؤندورمک اولماز سعی بیجا ائيله مه
سویله معشوقین نیه عاشق اولان یاد ائیلیر؟
غرق اولان دریایه بیلمز پاسخ طوفان ندیر
باد و طوفان اولسادا مردانه لیک یاد ائیلیر

اولماز آزرده اگر گول بلبلی اینجیتسه ده
رسمدیر تعلیم آلانلار یاد استاد ائیلیر
گول بوداقدان آیریلان وقتلر چتیندی بولبوله
ای خوش اولساعت که بلبل داد و فریاد ائیلیر
گر چه فرهاد ائيله دین «حیرانی» سالدین محنته
ایمدی ده نفرین ائده ن کونلوم سنی یاد ائیلیر
زارع متخلص به «حیران»

فصل نوبهار

ساقیا دولدور قدح چون یتدی فصل نوبهار
مَرغزار اولدی چمن سویلر چمنده مَرغزار
گُل چمنده پادشاه اولدی بزتدی مجلسی
لاله گلدی قوللوغا دوتدی شراب خوشگوار
صبحدم بستانه ساری گشت اوچون عزم ایله دیم
باغچه نوروزوم که چیخمش بیر حبیب گلعدار
دیشی اینجوگوزی جادو کیلیگی خنجر بیلی مو
ساجی سنیل خالی فلفل اوزی چون گل آغزی وار
دلبرم بیر قیل بهاسی قیمتی دورت اقلیمه
بیری مصره بیری چین بیری هندو بیری وار
معرفتیندن کوثر اولدی هم نسیمی چاکری
نسبتی یوخدور اونون لاعین و دین و اختیار

(نسیمی)

الترین دعاده قالیر

بو وقت که جان تیکن اوخلارین نگاره سالیر
اصابت ائیله ماقا اللرون دعاده قالیر
یتیر منه گوزه لیم دال به دال بلاله ریوی
بیر عمریدور که بوجان قربان اولماقا چابالیر
بو وصل قامتیوه بسکه سن چیخاندا یولا
هامی رکوعه گئدیر بیرجه آهلر اوجالیر
گؤزون اوخ آتسا گوزل وقتی واردی جان اودوزان
قورو جانین وئریری جاودانه بیرجان آلیر
نگار نگار سسی قووزانییدی هر یاندان
منیم ده قلییم ائله بیرجه بو هواده چابالیر
اوتوز موسان اگر آماج اولماسان سن
او وقت کسی جان تیکن اوخلاری نگاره سالیر

؟

موسیقی

موسیقی نشئه سی مین سوگیلی جانانه دگر
اثر ناله، نی عارف ایچون جانه دگر
موسیقی اهلینه انصاف ایله قیمت قویماق
لحن داوود ایله مین تخت سلیمانہ دگر
بیخبر لر نه بیلیر لهجه خواننده نه دیر
اهل حال اولسا بوسوز قدرده میلانہ دگر
پردہ غم داغیلار تاره دگنده مضراب
طره دلبره هر دم نئجه کی شانہ دگر
موسیقی له اولار هر خسته یه عالمده علاج
بو طبابت یئنه مین چاره لقمانہ دگر
بیزه بو علم حرام اولمش ایدی کیچمیشده
یعنی شیطان ایشیدیر رخسہ سی ایمانه دگر
یاشاسین قرمزی شهرتلی وطن قانونی
بو سخاوت نئجه مین حاتم دورانہ دگر
قیلیدی هر یئرده بنا موسیقی مکتب لرینی
نغمه نین فایده سی ایندی هر انسانہ دگر

خلقىمىز موسىقى علمىن اوخويور مىن لرجه
ئولكه مىز چون بو شرف مهر درخشانه دگر
موسىقىلە منى دفن ائله سەلر (واحد) اگر
قبرىمىن توپراقى مىن روضه رضوانه دگر
واحد

گۆز لیریم

پریشان ائیلییْن احوالیمی آشفته گیسو دور
قیلان خم قدیمی محراب تک پیوسته ابرو دور
اولور هر بیر مریضه شربت لعل لبون ساقی
عجب سفراشکن دور یوخسا جانا آب لیمو دور
یوزونده اگلنوب خال سیاهون یا اوزاق یولدان
طواف کعبه عزمین گلوب سلطان هندو دور
آلوب کولوم آپاردی گوزلرون ای گوزلریم نوری
شکار شیر ائدر آهوی چشمون عین ترهو دور
نه تقصیر ائتمیشم آخر ایچرسن قانیمی سوتک ؟
مگر ظالم سنون رأیونده قانیم قان دگول سو دور
باشیمدان اوچسا عقلیم عیبی یوخ دیوانه عشقم
منیلن عقل ایشی تمثال سرما و پرستو دور

«صراف»

غم هجران

وصال یاره صبر ائتمک نشانی عشق و وصلت دیر
دولانماق کوی دلداری نگاه یاره بیعت دیر
کونول شاد اولسا دلدارون نگاه آهوان ایستر
نگارین کوئلونی آلماق محبتده نهایت دیر
کمند زلف دلداره وورو نام تا که جان واردی
اسیر زلف یار اولماق من مسکینه عادت دور
نگاه و آه سردیمن غزال و آهوان آغلار
کونول شاد اولسا دنیا ده دئیب گولمک سعادت دیر
بویون سرویله همتادی لبون چون پسته خندان
غم هجرانه صبر ائتمک بو دلخونه فلاکت دیر
سینیدی شیشه قلبیم نوازش نغمه سین باشلا
شکسته کونلو وصل ائتمک بو دنیا ده حمایت دیر
فراق یاره صبر ائتمک نشانی داغدار اولماق
فراقین شربتین ایچمک اوزا خلیقدان علامت دیر

نگاه یاره آلمانا ایچنده جام هجرانی
کونول مست اولسا ناز ائیلر نگارین چونکه عادتدیر
یاناندا شمعہ پروانه غم هجرانی درک ایلر
دوای درد پروانه یانان و قتلر فراق دیر
مرید عشق اولان دائم گرک دیوانه وار اولسون
مریض عشقه دلداری، گلن و قتلر طبابت دیر
زارع متخلص به حیران

آنام دور

محبت باغچاسینین پروانه سی آنام دور
مشقت ٹولکہ سینین دیوانہ سی آنام دور
ہر زمان کہ کونول غمیلن ہمدام اولار
غملی کونلومون کاشانہ سی آنام دور
نتیجہ دئیم کہ انسانام آنام برابریندہ
انسانلیق عرصہ سنین دانہ سی آنام دور
بیرلحظہ قویماز پریشان اولا زولفلریم
بو پریشان زولفلرین شانہ سی آنام دور
کونول شاد اولماخلیقا محبت اختاریرام
مست اولماقا محبتین میخانہ سی آنام دور
ہر یئردہ ائشیدجک سسین پر آچارام
بیلیم نجور اوچام قصدیم دانہ سی آنام دور
دنیا بوی گول اولا بیل هئچ گل ایگلہ مرم
زیرا کہ ایگلی گوللرین گولخانہ سی آنام دور

کیمسه گورونور آنا تک زحمته دۆزه؟
زحمت عرصه سنین مردانه سی آنام دور
چایلار داشی گر صدف اولا دَر گورمه رم
عشق عالمین دَر یکدانه سی آنام دور
سود ائتمه رم اگر ارض و سمانی وئرسه لر
عشق اگر فتوی وئره سرمایه سی آنام دور
مست اولما خلیقا محبته پیمانه آختاریرام
محبت اولکه سینده کونول کاشانه سی آنام دور

زارع (حیران)

دورنالار

قاناد چالین گوی اوزونده یئنه دورنالار
ای باهارین دوستی یاری دورنالار
خبر وئیرین دوغما ائلدن منه سیز
کونلوم راحت اولسون باری دورنالار
وطن دزدی ائل حسرتی یاماندير
داغلاریمین باشی یئنه دوماندير
اونوتمایین یالواریرام آماندير
او ایلك عهدی ایلك ایلقاری دورنالار
بیر قایدادیر قیش سووشار یاز اولار
هر گؤزل سوز اؤره کلره یازیلار
سؤزده وارکی سال داشادا یازالار
اولماز اونون هئچ توتاری دورنالار
گئچیب گئدر بو آیریلیق بو حسرت
اومیدله یاشاییرام من فقط

گون اولسون کی او تورپاقدا نهایت
قارشیلایاق ایلک باهاری دورنالار
«گولگون» دئیر آرزولاریم دیزدیر
محببیم سولارکیمی تمیزدیر
آرخام ائلیم فخریم دوغما تبریزدیر
اوچون گئدین وطن ساری دورنالار
مدینه گلگون

باغچامیز الوان گورونور

خوش بهار اولدی یئنه باغچامیز الوان گورونور
گل آچیب بلبل اوخور دردیمه درمان گورونور
گل گزه ک گلشنی تا بلکه داغیلین غمی میز
بهار اولجاق هامی نین لبلری خندان گورونور
فتح عشق ایله اگر ساحت گلخانه ده سن
سن گزه ن وقت گوزومه کبک خرامان گورونور
قامتین سروه برابر سوزوون قیمتی یوخ
هارد اولسان گوزومه شمع فروزان گورونور
طوق زنجیره وورولدوم سنین عشقینه مدام
نه گوزل: اولکه میزین صیدینه فرمان گورونور
مکتب عشقیده درس آلماقا قصد ائیله میسن
فصلی وصل ایله مه گه روضه رضوان گورونور
قیل تفاعره سنین حسنیوه نسبت آییمیش
دفتر عشقه باخان وقتیده «حیران» گورونور
زارع متخلص به «حیران»

۱۳۷۲/۱۲/۲۸ تبریز

قامت سحرون

دیسرِ دیم قامت سحرون قیامتدن علامتدور
بیلہ بیلمزیدیم قامت دگیل مطلق قیامتدور
گؤز اوستونده قاش اویناتماق نه لازم گل آپار اولدور
اگر ای نازنین فکر و خیالون قتل و غارتدور
گوگل اسفندیارون بیر خدنگ نازیلن یخدون
او ضرب شصتیوه روحیم فدا بونه رشاندور؟
طبییم قوی منی اوز حالیمه درمانیم آختارما
بو درد عشقلن اولمک منه عین سعادتدور
منه ترجیح ویرمه عشقده مجنون دی عاقل
منیم عشقیم درایت سن دیین نقل و روایتدور
کلام عشقده صغرا و کبری احتیاج اولماز
اونا برهان همین حسن رخ دلبر کفایتدور
خوشا جانانیلن مشغول صحبت اولدوقوم ساعت
اگر عومریمده بیر ساعت حساب اولسا او ساعتدور
دیدیم «صرافه» هاردان بولموسن ایستر سنی یارون؟
دئدی گورجک منی دلدن گولر بو بیر علامتدور

صراف

نازائیلر

اگر رسمدور گل عندلیبه ناز ائیلر
منیم کوکولوم منه اما غریبه ناز ائیلر
دئدیم نگاریمه گل ناز ائدنده نازیمی چک
مریض اولاندا مرشدور طبییه ناز ائیلر
رقیبیلن اوتوروب دورما غصه دن ئوللم
اگر دیله نگاریم رقیبه ناز ائیلر
حدیث حسنوه عالمدو دل و دلیلن
بیانه گلزم می خطبه خطیه ناز ائیلر
قاشون گوزون کیمی بولمزدی ناز و غمزه یولون
او قدر مشق ائدیپ ایسمدی عجیبه ناز ائیلر
بودور عشقه دئدیم صبریله علاج ائدرم
نه فایده دلی گویلوم شکیه ناز ائیلر
نقدر ناز اولا «صرافه» قیل نه اغیاره
نجیبزاده هاچان نانجیه ناز ائیلر
صراف

آتشین رخساره

لاله تک قلییم منیم ای نازنین یوز پاره دیر
داغلیان هر پاره نی اول آتشین رخساره دیر
قلبی قان - ائتدیم اولاسودای بت لاردان خلاص
هر طرفدن قصد ائدن بو قلبیمه خونپاره دیر
هئچ طبیبه دردسر لازم دگیل درمان ایچون
کیم مریض عشق ایچون اولسه اوزی بیر چاره دیر
ائيله تند ائتدی رقیبیم یاریمین خاصیتین
قلبیمی یان دیرماقا سان کی بیر آتش پاره دیر
حالیمی حیرانلیقین مات ائیلدی اولدوزلاری
چون آخان گوز یاشلاری بیر کوکب سیاره دیر
تک فضوليله دئین مسکن سرکوبین سنین
اوردا منزل ائیلله هر کیمسه نی آواره دیر

«فضولی»

گنجہ لر

صبحہ تک یا تما پیرام یو خدی قراریم گنجہ لر
غصہ و غم دیر ایشیم نازلی نگاریم گنجہ لر
گوند و زوم اولدی گنجہ گوز یاشیم اولد و زده و اونا
کیم بو سودانی یا خا آخر شراریم گنجہ لر
لطف قیل بیر گنجہ گل کلبه احزانیمه ده
گور منیم حالیمی بیر یو خدی نگاریم گنجہ لر
بیلمه سینلر یئنه عشقیمده یانان بیرجه منم
خلقی فریاده سالیر ناله و زاریم گنجہ لر
هر سحر حالیمی تاپ کیمسه لره عرض ائیله یین
خلقی بیدار ائیله بیر ناله عذاریم گنجہ لر
گنجهرم داکی منیم ناله و زاریم بلکه
ائشیده اول اوزی آی چشم خماریم گنجہ لر
ای فضولی منه ظلمت دگیل هجران گنجه سی
شمع بزم اولدی خیالی روح یاریم گنجہ لر
فضولی

مجنونان فزون

منده مجنونان فزون عاشقی استعدادی وار
عاشق صادق مَنم مجنونین آنجاق آدی وار
نولا قان توکمکده ماهر اولسا چشم مردمین
نطفه قایل بیلیر غمزه ن کیمی استادی وار
قیلسا تحقیر کیم سنی واردی منیم تک عاشقی
لیلینین مجنونی وار شیرین اگر فرهادی وار
اهل تَمکینم منی بَنزَتمه ای گول بولبوله
درده یوخ صبری اونون هر لحظه مین صیادی وار
ائیله بَد حالم کی احوالیم گُورنده شاد اولار
هر کیمین کیم دورکی جوریندا دیل ناشادی وار
گزمه ای کونلوم قوشو غافل فضای عشقده
کیم بو صحرانین گؤزل لیکلرده مین صیادی وار
ای (فضولی) عشق منعین قیلمانا صحن قبول
عقل تدبیردیر اولساندا بیر بنیادی وار
فضولی

جُرْتى وار

يئر اوزونده هَر نين اوز ايشى اوز صنعتى وار
خالقين شاعره صنعتگره چوخ حُرمتى وار
سۇيرم قلىب گئيش آنى آچىخ بىر گوزەلى
عشقىمە گولمە لىدى يادا كىمين جرعتى وار
اونون هجرانىنە بىر آن بيله دوزمور كۇنلوم
جار چكىب سويلەمە گىن آيرىلىقن لذتى وار
اولا بىلمز اونى مندن منى اوندان آيىران
چكەرم سۇگولومون هر نَقْدَر محنتى وار
گونده بىر عشقه دوشن لر قازانىر مين نخوت
هر كىمين سۇگىسى دير بىلسە اونون شهرتى وار
قوى دئىينلر كه «سليمان» يئنه ده عشقه دوشوب
بو سۇزون امره برابر دگەرى قيمتى وار

سليمان

وطنیم دور

آرزوم دیله ییم سؤگیلی یاریم وطنیمدور
عشقیم هوسیم نازلی نگاریم وطنیمدور
آلمیش منی آغوشه مرامیله بویوتمیش
جانیم جگریم خون و دیاریم وطنیمدور
آرام و قرار تربت‌ها را دوتمارام اصلاً
آسوده‌لی گیم صبر و قراریم وطنیمدور
عومروم بویی یاد ائیله بو عکسیمله نشانی
عزیم شرفیم شأن و وقاریم وطنیمدور
من خلقیمین اولادیم عالم بونی بیلین
دوغرو ئوره گیم دولت و یاریم وطنیمدور
شاهد گورورم خلقه تیمین علم و زکاه
یوک سلمه‌دی بوشعر و شعاریم وطنیمدور

وورغون

آیه نور

جلوهٔ عکسِ رُخونِ آئینه‌دن دیر رشکِ جور
روشنِ ائتمیش اونو کیم خورشیددن دیر آیه‌نور
برقِ آهیم‌گوی اوزون توتמוש سرشکیم یئر اوزون
صحبتمدن هم وحوش ایلر تَنفَرُ هم طیور
عشقِ رسمی گر بودور مشکل یئتر درمانه درد
دردِ اهلی بی‌زیان بی دردلر مست غرور
داغِ دلسوز فراقین اولدوقون گوندن فزون
نور ماه افزون اولور خورشیددن اولدوقجا دور
وعدۀ وصلین چوخ اما بخت یار اولماز نه سود
گِل گتیرمز آب شیرین وئرمک ایله خاک شور
تار زلفون دور می رخساری جان‌لار مسکنی
یا بوراخ‌میش بیرره پریچ و خم گلزاره نور
اول سرکوی ایتلری ایچره فضولی نوح یئریم
بس منه ماتم سرا من قاندان و قانلان سرور
فضولی

بیزده دیر

حیات باغچاسنین باغبانی بیزیک. یاپراقی سۆز آجان گوللر بیزده دیر
بیزدن الهام آلیرشیدا بولبوللر. نغمه به جان وئرن دیلر بیزده دیر
دهرلرده آخان گۆموش بولاغلار. گوگلره باش چکن دومانلی داغلار
سونبوللی تارالارچیچکلی باغلار. آل الوان گئیمیش چؤلر بیزده دیر
عطیرلی باغلارین سارماشیقی ییک ائلین به زهیی ییک یاراشیقی ییک
ائلدن توزنیشیک ائل عاشقییک اوجا بویلار نازیک بئلر بیزده دیر
انسان سورمی هنج روحسیز گۆزهلی شاعرین اولماسا شعر غزهلی
عاشقین اولار می سۆزی غزهلی سازی دیللندیرن تئلر بیزده دیر
شاعریم! اینجه سۆز استادی بیزیک بویوک واقفلرین اولادی بیزیک
صنعت دنیا سینین فرهادی بیزیک داغلار اسس سالان ائلر بیزده دیر
«واحددم» غصه دن غمدن آزاددم. خلقین دوستیام یادلارا یادام
بهزه کلی تۆلکه مه باخدیقجا شادام. یاشیل باش سونالی گوللر بیزده دیر.

واحد

خاکپادن دیر

خوشام کیم دَم بَدَم گریان گوزوم اول خاکپادن دیر
زیانی اولماز اول گوز یاشینین کیم توتیادن دیر
دمادم مَرَدَم چشمیم ایچر قان خط و خالین دن
بلی اکثر معاشی اهل دریانین قاردان دیر
دیمه فرهاد قانین توکמוש آنجاق عشق شمشیری
منیم گور قانلی باشیم کیم بوهم اول ماجرادن دیر
مُنعیر سونبولوندن آلمادان بو اولمادیم رسوا
بو رسوالیق منه سندن دئیل باد صبادن دیر
حباب اشک ایچین ده موی ژولیده له خوشحالم
باشیمدا بوهمایون سایه اول عالی بنادن دیر
وفا رسمین اونوتموش سان دئیب اینجیتیمم زیرا
بو کیم مندن جفا کیم ائیله مزمن هم وفادان دیر
کمال حسن شهرت عادی اولماق دیر مقرض دن
ریا اهلینه هم چوخ اعتراض ائتمک ریادن دیر
فضولی توکمه چوخ یاش احتیاطین گئتمه سین ناگه
گوزوندن سورمه کیم گرد ره اهل صفادن دیر
فضولی

عشق آفات جان‌دیر

جان وئرمه غم عشقه که عشق آفت جان‌دیر
عشق آفت جان اولدوغی مشهور جهان‌دیر
سود ایسته‌مه سودای غم عشقده هرگز
کیم حاصل سودای غم عشق زیان‌دیر
هر ابروی خم قتلینه بیر خنجر خون‌ریز
هر زلف سیه قصدینه بیر افعی ایلان‌دیر
یاخشی گؤرونور صورتی مهوشلرین اَما
یاخشی نظر ائستدیکجه سرانجامی یامان‌دیر
عشق ایچره عذاب اولدوغون دان بیلورم کی
هر کیمسه کی عاشق‌دیر ایشی آه و فغان‌دیر
یاد ائتمه قرا گؤزلوله‌رین مردم چشمین
مردم دیوب آلتا کیم ایچدی کله‌ری قان‌دیر
گؤردوکجه «فضولی» که گؤزه‌لرده وفاوار
آلانما که شاعر سوزی البته یالان‌دیر
فضولی

چشم خمار

دُئدیم عشقینده وفا گؤستره جک نازلی نگار
بیلمه دیم کی بو قدر ظلم ائده جکدیر منه یار
بیر سبب اولمادان ئوز عشقینه لاقید اولاجاق
عهد و پیمانی آتیب هی ائده جکدیر منی خوار
چوخ تکبرله گزیم هئج کسه باش اگمیه جک
اوره گسی سنیدیر اراق آغلیا جاقدیر ئوزی زار
منی آشفته ائدیر زلفی کیمی هر وعده
کاشکی رحمه گله رک صورنا اولایدی دلدار
باغلادی دینیمی محکم ایکی زنار زلفی
بیر توکوندن آسیلی قالدی بو محکم دیندار
دائما "ناله ائدیب من یاشادیم حسرتله
آنجا ق هجرانی منیم دردیمه اولدو غمخور
اونبا باخیبدا «نظامی» نئجه ائتسین توبه
آیغام سویله سه ده مست ائدر او چشم خمار
نظامی

نهان آغلار

سحرگاه ناگهان گوردوم دل زاریم نهان آغلار
سرشکی آل دیله هر دم چکر آه و فغان آغلار
سؤال ائتدیم نه باعث دیر چیخیب افلاکه افغانون
توکر خون جگر چشمن آخار هریان روان آغلار
گزیردیم باغ و صحرانی پریشان حاليله گوردوم
ده ئیب باد خزان سروه قوروموش باغیان آغلار
بلی گرگُل بوداغینا توخونسا تند باد دهر
پریشان اولسا گل برگي ائدر بلبل فغان آغلار
پوزولدی رونق گلشن داغیلدی زیتتی باغین
دوشوب تا بو طراوتدن گل آغلار گلستان آغلار
الهی گورمه سین گوزلر یامان گوندور بیله گونلر
امان وئرمز غم و محنت هامی پیر و جوان آغلار
دوات اولسا اگر دریا قلم اولسا اگر اشجار
باشا یئتمز غمیم شرحی قلم هر لحظه قان آغلار

کسیلمیش طاقت و تاییم باشیمدان عقل محو اولموش
گؤزوم اشگی روان ظاهر کونول دائم نهان آغلار
تمامی درد و غم لردن فراغین دردی افزوندور
اونونچون ناتوان هر دم اولوب نالان قان آغلار
خلاصه غزل خورشید

آنام دور

عالمده آچان گلله پروانه آنامدور
دریای محبت أوزی فرزانه آنامدور
گُل تک بیزی آغوشه آلان وقتده ایگلر
عادت وئرن اول مکتب قرانه آنامدور
ذوب اولمیشام اول جسم گهریار آنامدا
جور ایچره دؤزن هر غم شایانه آنامدور
گنج اولسا اگر عالم رؤیاده یقینا
گنج رخی من گورمه‌گه، ویرانه آنامدور
زلفی قَدری بار الم گلسه دؤزدی
صبريله دایانما خلیقا جانانه آنامدور
پروانده یانما خلیقی اؤیرندی آنامدان
جان نقدینی بذل ائتمه‌گه جانانه آنامدور
رخسارینه باخدیقجا خیالیمده دیردیم
بو بسکه دؤزن صحنه طوفانه آنامدور

هر لحظه که گوز یاشی روان اولدی عذاره
 بوسه ائیلین بولب خنداننه آنامدور
 گوندردی نئجه اوغلونو معراجنه آناسی
 لایق بیله بیر امریله عنوانه آنامدور
 طفلی که یاتا بیلیمسه مادر یاتا بیلیمز
 فی القوری سالان بوسیله دامانه آنامدور
 خجلت چکیری وصفینی هر خامه یازاندا
 هم شمعدی هم بیزلره پروانه آنامدور
 گر عمر اولا باقی آنامین شرحینی یازسام
 معلوم ائدهرم عاشق فرزانه آنامدور
 مست اولماقا هر لحظه مکان آختاریر «حیران»
 عیب ائتمه دئسم مستم و میخانه آنامدور

زارع متخلص به «حیران»

۱۳۷۶/۱/۱۹ تبریز

چم خم ائیلر

کیمده واردیر گؤزه لیم سنده اولان جاذبه لر
سنه دنیا ده مگر، عاشق اولان دا، غم ائیلر
بسدیر اولدورمه یه جکسن، گؤزه لیم دنیانی
هر یوزی گؤیچک اولاندا، بو قدر چم خم ائیلر؟
اینجیمه گوز یاشیم، آخسا، سنی گوردو گجه گوزوم
گول کوروکدو کجه بهار فصلی، بولود شبیم ائیلر
ناز و غمزون یثرشین، شوخ باخیشن عالم دیر
بیرده زولفون اوزه تۆکسن، اودا بیر عالم ائیلر
حیف سن گه زمه، یاراشماز سنه. بیگانه ایله
او آجیب سرینی دنیا یه سنی محرم ائیلر
«واحد» غمریمی من عشقه صرف ائیله میشم
عشق یا اولدورر آخر، منی یا، آدم ائیلر

«واحد»

مست ناز خواب

آشيان مرغ دل زلف پریشانين ده دير
هاردا اولسام ای پری کؤنلوم سنين يانين ده دير
عشق درديله خوشام ال چک علاجيم دن طبيب
قیلما درمان کیم هلاکیم زهری درمانين ده دير
چکمه دامن ناز ائديب افتاده لردن و هم قيل
گویله آچیلماسين ال لرکی دامانين ده دير
گؤزلرين ياشين گؤروب شو ائتمه نفرت کیم بو هم
اول نمک دن ديرکی لعل شکر افشانين ده دير
مست ناز خواب اولوب جمع ائت دل صد پاره می
کیم اونون هر پاره سی بیر نوک مژگانين ده دير
بس کی هجرانينده دير خاصيت قطع حیات
اول حیات اهلينه حیرانم کی هجرانين ده دير
ای «فضولی» شمع تک مطلق آچیلماز یانمادان
تاب لریم کیم سنبلون دن رشته جانين ده دير

فضولی

موسیقی مجلسی

موسیقی مجلسین آیری علامت لری وار
وئر قولاق گور نئجه معنالی عبارت لری وار
ترک قیلمازلا اونسی علميله درک ائيله سه لر
موسیقی اهلينه عیب ائتمه - صداقت لری وار
هر ساز اوز حیطه عشقینه معما کیمیدور
دهردن گورنجه خلّاقه شکایت لری وار !
عشق سلطانیدی هر کیمسه بيله موسیقینی
شعرا سوز لرینین عالی فصاحت لری وار
دیرلیک چشمه سیدیر جرعه سی مین جانهدگر
او قدح دن ایچن انسانه شفاعت لری وار
سازی آغوشه آلان و قتده غملر داغیلار
سازا^(۱) مضرابی و وران و قته جلالت لری وار

۱- صدای شرشر آب - صدای باد - صدای خوش خوش برگها -
آواز پرندگان - وووو... همه موسیقی هستند.

مسکن اتمیش سینه می موسیقینین نغمه‌لری
هر قَدر مرحمِ اولا آزدی شفاعت‌لری وار
هر کیم انسانلیقی درک ائيله سه تحریم ائله‌مز
فخر ائدر موسیقینی گورسه فصاحت‌لری وار
هر نه سس وار بو جهاندا هامیسی موسیقی دیر
هر یثره گئتسه‌ده (حیران) چوخ علامت‌لری وار

زارع (حیران).

قیمتی یو خودور

انسانلارا حورمت ائده نین قیمتی یو خودور
بی معرفتین جامعه ده حورمتی یو خودور
هر کیمسه اوزوندن سورا خلقی ائده تحقیر
ناداندی یقینا "اوکسین فطرتی یو خودور
عقلی اولانین زحمتی دیوانه یه یتمز
دیوانه نین عاقل لره بیر زحمتی یو خودور
بئل باغلاما دونیا مالینا، یو خودو وفاسی
هامی گئده جک دیر اولومون صحبتی یو خودور
آختارما تک اوز نفعیوی آشفته بازاردا
تک لذت آپارماق، بشره لذتسی یو خودور
هر ناکسه منت ائله ییب بوینونو اگمه
بیر نچه گون عومرون بوقه در منتی یو خودور
دوست ناموسو دیریزلره ناموس و شرافت
دوست ناموسونا پیس باخائین غیرتی یو خودور

شاعر دئیلیم سوزلریم حق دیر یازیرام من
ناحق سوزو نظم ائله مه یین شوکتی یو خودور
دوستلار «وجی» نین صحبتی انسانلارینان دیر
نادان سئوزو درک ائله مه یه قدرتی یو خودور
وجه ال... رمضانئ گوی «وجی»

مودت جامینی

ساقیا سن سیز دوشویدور خاصیتدن باده‌لر
نئله سینلر باده سیز بوندان سورا دل‌داده‌لر
هر نه آرتیق باده ایچدیم توپلادی حرمانیمی
شاهد اولسونلار منیم احوالیمه آزاده‌لر
آلمیشام پیر طریقتدن مودت جامینی
استجابت ایسته‌یین ای صاحب سجاده‌لر
خودنما لیقدان کمال آختارما ای صاحب نظر
عاقبت نصرت تاپالار محترم افتاده‌لر
قورخما یوقوشلاردان ای عارف باجارسان کورپوقور
صاف اولار صاحب کرم درویشه آیری جاده‌لر
باشقاییر منظومه یازدون خاطراتیندن «وجی»
معنویت دفتیرین توپلادیلار میرزاده‌لر

رمضانی‌گیوی «وجی»

دهلی دیر

دئمہ مجنونه دهلی بلکه ده ییلا ده لیدیر
عشق اولان یئرده بوتون عاقل و دانا ده لیدیر
سالدی یوسف کیمی ئوز سه وگیلی سین زنجیره
قویدی رسوالیقی عالمده زیلخا ده لی دیر
سالینیر چگنینه گاه بوینونا گاه قامتینه
اژدهالار کیمی اول زلف چلیپا ده لیدیر
بیر وفاسیز گل ایچون ناله سی دنیانی دوتوب
وادی عشقیده «وامیق» ده لی عذرا ده لیدیر
ال گوتورمز بوقارا گوزلوله رین زلفیندن
هر ئوتهن ظن ائله بیر واحدی گویا ده لیدیر

واحد

عجب شیر

بنزر گؤزه لیم روضه رضوانه عجب شیر
فخر ائيله ییر عالم بئله عنوانه عجب شیر
بیر لحظه قدم رنجه بویور گل بیزه مهمان
اولسون سَنچون با شیوه پروانه عجب شیر
گوللر بورویوب باغچا میز الوان گورونن ده
فخر ائيله ییر عالم سنه جانانه عجب شیر
هریترده قدم قویسان اگر لاله دی سنبل
بیر شانهدی هر زلف پریشانه عجب شیر
توپراقی جواهر نه دئمک زردی یئر اوسته
ایللر بویی فخر ائيله ییر ایرانه عجب شیر
دؤرد دوره سین آلمیش نه گؤزل باغیله بستان
آز قالدی رقیب اولماقی تهرانه عجب شیر
باخدیق جاسنین باغیله بستانیه انسان
احسن دئیری خالق سبحانه عجب شیر

آخدیقجا سویی قلعه چائین شهر اولار آباد
 خوش گلدین اندر سو سسی مهمانه عجب شیر
 ائولر هامیسی باغیله بستانین ایچینده
 بیر لحظه فرح آرتیرار انسانه عجب شیر
 قیز قلعه سی تویجان داغی قیخ بشش پاراکندی
 اوخشار هامیسی روضه رضوانه عجب شیر
 فرهنگی زبس عالی دی اوز استانیمیزدا
 اگمز باشین هنج شاهیه سلطانیه عجب شیر
 عیب ائیه مه گر سینما هم پارکدا یوخدو
 قویماز لار اولا شهر ایچی غمخانه عجب شیر
 آزاده دوغولدوم بیله بیرئولکه ده جانا
 نامردم اگر من قاچام هریانه عجب شیر
 جانیم نفسیم قانیم او توپراقدا قاریشدی
 تا وار نفسیم من سنه پروانه عجب شیر
 چیخماز نظریمدن آدین ازبدری دیلیمده
 قویما یئته غم قلب پریشانه عجب شیر
 خوشدور منه باغ ایچره شمیم گله گولدن
 بیر رایحه دیر روح وئرر انسانه عجب شیر

سوزلر اوزاق اولماقدان هدف شرحینی یازماق
ای آب حیات دل دیوانه عجب شیر
«حیرانه» دیازسین سنین اوصافیوی دائم
تا بلکه یاییلسین آدین هریانه عجب شیر

زارع متخلص به حیران

۷۷/۱/۲۸ تبریز

مه پاره ده دیر

دښمه ای یار ټولورم روحوم او مه پاره ده دیر؟
شمع سؤنسه دښگوروم چاره پروانه ندیر؟
جان سنین تنده سنین نازون اگر اولسا منیم
عشوه سیز جان نه گه لازم دښگوروم چاره ندیر؟
تاری دیل لنډیرن اول آهو باخیش گوزله ریمیش
قامتون جلوه سی قلیبمه بوتون خاطره دیر
تاری چالام داغیلا قلیبده غم خاطره سی
یانماقین شیوه سی اول شمعیله پروانه ده دیر
چیخ چمن سیرینه الهام آلاق او گوللردن
عشقی تفسیر ایله مک بلبل مستانه ده دیر
سئیر ایله گور نئجه گل خاریله همدم یاشاییر
چکمه افسوس عبث غم داخی بی فائده دیر
حیف ازل گون منیم اسرایمی فاش ایله مه گون
سالدی مین درده منی سویله گوروم چاره ندیر؟
عاقل انسانه یاراشماز دییه حیرانه دلی
اگر حیران دلی دیر معنی دیوانه ندیر؟
زارع (حیران)

زاهدانصاف ائله

بو گنجه مجلسین ای ساقی عجب شوکتی وار
آشنا قلبلرین آرزوسینین وحسدتى وار
بیر طرف موسیقى نین خوش سسى بیراندا شراب
روح وئرن مطربین ساقى مه طلعتى وار
زاهد انصاف ائله تکفیر ائله مه عشاقى
سن بیل الله بو گنجه عومروموزون قیمتى وار
جان دئییب جان ایشیدنلر هامیسی بیر بیرینه
چون خرابا تیلارین بسیر بسیرینه حرمتى وار
باشقا مجلسده بئله لطف و صفا گؤرسنمز
بى ریا عاشقه دوست محفلى نین لذتى وار
ساقى بوش قویما قالا ساغر مستانه میزى
کیم بیلیر فانی جهاندا نئجه گون فرصتى وار
بیز ادب صاحیبیق قورخما خطا باش وئرمه ز
مئى شرافت سو یودور جرعه سینین حکمتى وار

باده کِئفلنسه اگر خمره سین اؤل داغیدار
یاخشی باخ شیشه سینه گؤرنه زلال حالتی وار
غسل تعمید وئریب باده مسیحایه «وجی»
آرتیرار قدرینی هر کیمسه نجیب فطرتی وار^(۱)
وجی

۱- در نزد عسویان عبارتست از غسل دادن کودکان و کسانی که بدین
مسح بگردند و به آئین مخصوص

یوځدور

سنسيز ای شوخ منیم خوشگذارنیم یوځدور
سنکه یوځسان ائله بیل جسمده جانیم یوځدور
عشق پروانه سیم غم اودینا تابیم وار
خسته بلبل کیمی هر لحظه فغانیم یوځدور
بویامان گونده منیم بیرجه امیدیم سن سن
سنسيز هئچ بیرکسه عالمده گمانیم یوځدور
زلفینه باغلی اولانلان بری مجنون کیمی یم
ائله سرگشته یم هئچ یئرده مکانیم یوځدور
صبر آرامیمی الدن غم هجرانین آلیب
بیرده غم چکمه گه جسمیمده توانیم یوځدور
حاضریم جانیمی عشقینده فدا ائیله مه گه
قسم اول جانینا بیردزه یالانیم یوځدور
«واحد» آتش حسرت بورویوب دوروبریم
یانیرام حالیمه بیر قلبی یانانیم یوځدور
واحد

آدم اسیر شهوت دیر

کمال بوستانین حاصلی شرافت دیر
شریف جامعین روحو معنویت دیر
گذشت اولسا بشرده قانا قان آختارماز
قیصاص و انتقام ای آشنا شقاوت دیر
کرم پیاله سی سینماز جاهانه داش یاغسا
الین اگر آجیق اولسا جانین سلامت دیر
گوژه تله گوژله ره قوربان حریمی سپندیرما
حریم جامعه ناموس آدمیت دیر
جهان خلخته رونق وئریب کمال و ادب
فضیلت اولماسا آدم اسیر شهوت دیر
نصیحت ائیله مه زاهد نیازه یول باغلا
فقیر مززعنین میوه سی فلاکت دیر
طواف کعبه دن آختارما باغ رضوانی
قاپوندا محتاجا ال دوت بویوک عبادت دیر

دئىللر تىك. حۋانى اېلىس الاتدى
اراده سىز بشرىن عالمى جىهالت دىر
حىيات فلسفه سىن بىر كلامدا قورتاردىم
«وجى» حىيات و معادىن اساسى خدمت دىر

«وجى»

خریدار تاپيلمير

هر كيمسه ائدير ناله خريدار تاپولمور
بيلمير كيمه دردين ديه دلداز تاپولمور
تنگ اولدى سينم هر نفسى غملى چكنده
بودر دليه يارب نيه تيمار تاپولمور؟
سينمه آچيب زخم زبانون يئنه گول تك
كوئولومه اولان سوزلره بازار تاپولمور
چيخسام من اكر كوه و بيابانه بو حالدا
فى القورى گوررسن منه دادار تاپولمور
سمى ائيلهديم آغوشه آلام جام شرابى
باغلاندى يئنه ميكدخمار تاپولمور
درديم نه يامان دردى كه بازار ميخنده
هر قدر آچيرام عقده خريدار تاپولمور
ظلمت گنجهى بيقوش اولوب همدم و ياريم
مندن صونرا بو وقتده بيدار تاپولمور

چو خداندی یانیر داغ جنون ایچره وجودیم
 عالم هاموسی مَسْتدی هشیار تاپولمور
 دنیاده وفا یو خدی جفا پیشه میز اولدی
 آزار ائلیین چو خدی بی آزار تاپولمور
 بلبل گزیری گلشنی شب بو هَوَه سِلین
 چوخ یول گئدیب افسوس که گلزار تاپولمور
 عشویله منی اولدور اگر قصد ائله ییسن!
 عالم گؤره بو عصریده هوشیار تاپولمور
 میدان جنون ایچره قدم قویسادا هرکیم
 فاش ائیلیه جک عالمه هشیار تاپولمور
 بیلیم نه یه آماده دی جان بَذل ائده «حیران»
 حیران کیمی جان وئرمه گه مختار تاپولمور

زارع متخلص به «حیران»

۱۳۷۲/۹/۸ تبریز

اوينار

چشم سیه یار دل پیریلن اوینار
آهوی خطا دیدیه باخ شیریلن اوینار
سالمیش یوزه تک خالینی یاندیرسین حریفی
لیلاج دغل باز دی تدبیریلن اوینار
آئینه ده اوز عکسینه یاریم اولوب عاشق
صورتگره باخ چکدیگی تصویریلن اوینار
صبریم کسیلور عمر آزالور محتیم آرتار
فوج مژه تا غمزه پی پیریلن اوینار
روحوم اوچار از بسکه سیزیلدار دل زاریم
مطرب کیمی دستگاه بزم و زیریلن اوینار
اویستمه گه یوخ زلفون اگر اولما مکدر
دیوانه اولان حلقه زنجیریلن اوینار
مستانه گوزون اوینادا قاش ائتمه ملامت
میخانه ده هر کیم قالا شمشیریلن اوینار

توک خنجر نازيله قيزيل قانيمي دورما
صیاد هاچان دوتدوکی نخجیریلن اوینار؟
چوخ ائيله مه پیچ و خم و دستاريله بازی
قور خام دییه لر فتنه دی تذویريله اوینار
اوینار تب عشقیله وجودیم گئجه گوندوز
«صراف» دی گویا غم اکسیریلن اوینار

صراف

چوخ صفاسی وار

گرچه محبت عالمین چوخ صفاسی وار
هر قاره زولفه میل ائده نین مین بلاسی وار
عاشق شکایت ائيله مز هر جوره صبر ائدر
پروانه سانما آتسه یانسا نواسی وار
هر آشنایه سؤلمه ک اولماز وفاسی یوخ
چک امتحانه بلکه بیر اهل وفاسی وار
قویما قدم دیار مُحبت بلالی در
نه ابته داسی وار نه ده کی انتھاسی وار
صبريله گون گئچیرده گرگ اهل عشق اولان
هر درده اولورسا آخری بیرگون دواسی وار
بیرداش اوره ک لی دلبره چوخدان وورو لمیشام
نه رحمی وار نه دوستلوقی وار نه اداسی وار
شاعرلر ایچره سانما هنر سیزدی «واحدی»
«واحد» نه اولسادا یئنه بیر اَدعاسی وار
واحد

ایستر

منیم بو طبع مجنونیم یئنه بزم شراب ایستر
الیمده ساغر زرین گؤزوم مخموری خواب ایستر
رفیقیم بیر بت زیبا انیسیم ساغر و صهبا
اساس عیش پا برجا کونول چنگ و رباب ایستر
گهی مطرب نواسیندان فرح لئسین دل زاریم
گهی ساقی ایاقیندان لبیم شهد مذاپ ایستر
بهار اولجاق مسلمانلار منیم بوگردش کونلوم
اوزون میخانه کنجیندا ییخیب مست و خراب ایستر
صنملر سجده سی قیلماق (نباتی) پیشه سی اولموش
اوزون بتلار ایاقیندا تگلف سیز تراب ایستر

نباتی

شیداسی وار

هر باغین هر باغچانین، بیر بلبل شیداسی وار
هر دویان قلبین عزیزیم گیزلی بیر سوداسی وار
روحو اوخشار قلبی اوخشار اینجه بیر جانان سسی
گاه گولر گاه آغلیار هر دمده بیر معناسی وار
جان آلان هر نغمه نین معناسی یالنیر عشقدیر
گوز گوروب ال چاتمایان اولدوزلو بیردنیا سی وار
بيله بیر سوز وارکی «وورغون» ایندی بیر مجنون اولوب
شعر و صنعت آدلانان نازینده بیر لیلاسی وار

«صمد وورغون»

یاخشیدیر

بیر نفر اهل وفا مین بی وفادن یاخشیدیر
بیر صداقت اهلی مین اهل ریادن یاخشیدیر
هانسی گل دور حسنده سندن گوزهل دیر سئوگیلم
هانسی بلبل عشقده مین بی نوادن یاخشیدیر
بیر داهای خالین گوزهلک آرتیریر رخسارینه
بیر غلط سوزدور دئمش لر آغ قرادان یاخشیدیر
گوزلرین صحرای چین آهولریندن دلفرب
عنبرین گیسوله رین مشک خطادن یاخشیدیر
صحتی بیمار عشقین کعبه کونینده دیر
اهل درده خاک راهین توتیادن یاخشیدیر
مین بلا طوفان قوپسا ذره گلمز عینمه
رخنه گورمه زهر بنا. کیم ابتدادن یاخشیدیر
جاهله تبلیغ عرفان ائیلهمک آسان دگیل
دیده خفاش ایچون ظلمت ضیادن یاخشیدیر
«واحد» انصافا دئسین تبریزده دوستوم اعتماد
گنجهلرده هانسی شاعر بی ریادن یاخشیدیر

«واحد»

مخمور

اوسر زلفوه مشاطه پَری شانه وورار
چوخ ستمگردیر پریشانی پریشانه وورار
آلمیسان یانیوا گوردوم گئجه رۇیاده منی
اوزوم اوز بختیمی بولم یوخو هریانه وورار
لبارون فکری منه قوت دل اولسا عجب
طعنه یاقوت لبین لعل بدخشانه وورار
شیخ صنعان کیمی هر کیمسه سنی گوردی دئدی
عاقبت رخنه بوترسا بسجه ایمانه وورار
ناوک غمزون ایچر قانیمی ای قاشی کمان
چشم مستون کیمی مخموردی پیمانه وورار
یا نارام آتش هجرانیوه باک ایلمه رم
شعله شمعه اوزون رسمیدی پروانه وورار
زاهدون کفرینه عشقیم ویره فتوای صریح
کافر عشقه باخون طعنه مسلمانه وورار
صراف

زمان آغلار

منیم احوالیمه یارب نه دن خُردوکلان آغلار
جفادن خسته دیر کؤنلوم گؤرن پیروجوان آغلار
وجوودیم آشنالردن اولوبسدور زار و دلخسته
بودور باخدیقجا هرکیمسه عیان ائتمز عیان آغلار
محبت دن بیرآدقالمیش فضای عصر حاضیره
یثرین دون و ریا آلمیش اودورکون و مکان آغلار
نسیم اسمیر گلستاندا خبریوخ شبنم گلدن
زغن لر باغبان اولموش بوجورا گلرخان آغلار
کونول شاداولماقا ساقی شراب کهنه لازم دی
فراق یاره صبریم یوخ کؤنول ده ناگران آغلار
بوغم کُنجنیندا من ساقی صداقت درسی اویرندیم
باشا یتمز غمیم شرحی بومحتدن زمان آغلار
کوسویدور گون دیاریمدن اولویدور خسته جانیم ده
اودور سالمیر شفق گؤنده هرآن پیرو جوان آغلار
سزادورخُزن ائوین (حیران) چیخاتماق غملی کؤنلوندن
اودور یثر اولسا گر خسته غمیندن آسمان آغلار
بو دُنیا بیرگذرگهدی گلن قالماز گُشدن قالماز
قالان (حیرانه) بیرآددیر کؤچن ده هامی قان آغلار
زارع (حیران)

خبر وئرمهز

منه باد صبا اول سرو گل رُخدن خبر وئرمز
آچیلماز غنچه بختیم امیدیم نخلی بر وئرمز
توکوب گوز یاشینی سن سیز هلاکیم ایسته رم اما
اجل پیکینه سیل اشگ گردابی گذر وئرمز
گوزومده مسکن اتت خار مژه دم دن احتراز ائيله
گل خندانده سوردوم خاره یار اولماق ضرر وئرمز
اگر جان آلماق ایستیرسن تنیمدن او قانی کسمه
که پژمرده نهاله وئرمه یینجه سو ثمر وئرمز
قیاس اتت شمعدن. و هم ائيله چرخین انقلابیندان
کیم اول باش آلماقا قصد ائتمه یینجه تاج وزر وئرمز
بلا ظلمینده راحت اولدوقون اظهار ائدر خلقه
فلک بیهوده خار خشکدن گلبرگ تر وئرمز
«فضولی» دهر دن کام آلماق اولماز اولمدن گریان
صدف سو آلمایینجا ابر نیساندان گهر وئرمز
«فضولی»

ایسته مه ز

تشنه جام وصالین آب حیوان ایسته مز
مایل موی خطین مُلک سلیمان ایسته مز
ظلمت زلفین گرفتاری دم اورماز نوردن
طالب شمع رخون خورشید رخشان ایسته مز
ائیله مز میل بهشت افتاده خاک خاک دین
ساکن کنج غمین سیر گلستان ایسته مز
جوردون آه ائتمه دی عاشق که عین لطفدور
دوست اسباب کمال حُسنه نقصان ایسته مز
عشقدن و هم ائتمه سین عاشق بیقر کونلوم دئیب
هیچ سلطانم دیه ن. ملکی نی ویران ایسته مز
عاشق ایسن رندو رسوالیقدان اکراه ائتمه کیم
عشق سرین اقتضای دور پنهان ایسته مز
ای «فضولی» مُتصل دوران مخالفدیر منه
غالباً ارباب استعدادی دوران ایسته مز
«فضولی»

طریقت دوستلاری

گلدی مسجددن دؤنن میخانیه چون پیریمیز
ای طریقت دوستلاری آخر ندیر تدبیریمیز؟
بیز مریدلر قبلیه آخر نه جور اوز چؤنده رک
چونکه اوز میخانیه آخر گتیردی پیریمیز
بیز خراباته گئدیب بیر یئرده منزل ائتمه‌لی
چون ازله بو سایاق ثبته یتیب تقدیریمیز
عقل اگر بیلسه نه خوشدور بند زولفی کؤنلومه
هامی عاقلر اولولار، اوردا هم زنجیریمیز
بیزله ره چوخ کشف ائدیب دیر حسن رویون آیه لر
بیر داها اوندان بری چوخ یاخشیدیر تدبیریمیز
داش ئوره‌ک کی سنده واردی هئچ دوتارمی بو گئجه
یاندیران آه اودلی سینه، ناله شبگیریمیز
تیر آهیم گؤیله‌ری «حافظ» یارار «شیوایه‌ده»
رحم قیل اوز جانیوه گسکیندی یوخسا تیریمیز
«شیوا»

پنهان ائيله مك اولماز

كونولده مين غميم وارديركه. پنهان ائيله مك اولماز
بو هم بير غم كه ائل طعنيندن افغان ائيله مك اولماز
نه مشكلدور اولورسا بيله نير عالنده درماني
نه مشكل درد يمش عشقين كه درمان ائيله مك اولماز
فنا ملكينه چوخ عزم ائتمه اي دل چكمه زحمت كيم
بو تدبير ايله دفع درد هجران ائيله مك اولماز
سيتيق كونلوم يقرسن پنددن دم اورمادي ناصح
هو اي نفسيه بير ملكي ويران ائيله مك اولماز
دهانين اوزره لعلين ائتميش دل دفعي مشكلدور
گورنمز هيچ جرمي يوق يره قان ائيله مك اولماز
دعاكي ائيله رم مندن يانا بيردم گذار ائتمز
نه چاره سحريله سروي خرامان ائيله مك اولماز
«فضولي» عالم قيد ايچره سن دم اورما عشقيندن
كمال جهل ايله دعوي عرفان ائلمه مك اولماز

«فضولي»

تورکین دیلی

تورکین دیلی تک سوگلی، استکلی دیل اولماز
ئوزگه دیله قاتسان بو اویل دیل اویل اولماز
ئوز شعرینی فارسا- عربه قاتماسا شاعر
شعری اوخویانلار، ائشیدنلر کسیل اولماز
فارس شاعری چوخ سوزلرینی بیزدن آپارمیش
صابر کیمی بیر سفره‌لی شاعر پخیل اولماز
تورکون مثلی، فولکوری دنیا‌دا تک دیر
خان یورقانی، کند ایچره مثل دی میتیل اولماز
آذر قوشونی، قیصر رومی اسیر ائتمیش
کسری سوزو دیر بیربیله تاریخ ناغیل اولماز
پیشمیش کیمی، شعرین ده گرگ داددوزی اولسون
کند اهلی بیلرلر کی دوشابسیز خشیل اولماز
سوزلرده جواهر کیمی دیر اصل بدلدن
تشخیص ویرن اولسا بوقدر زیر- زیبیل اولماز
شاعر اولا بیلمزسن، آنان دوغماسا شاعر
مس سن - آبالام هر ساری کوینک قیزیل اولماز

چوخ قیسا بوی اولسان اولوسان جین کیمی شیطان
 چوخدا اوزون اولماکه اوزوندا عقیل اولماز
 مندنده نه ظالم چیخار اوغلوب نه قصاص چی
 بیر دفعه بسونی قان که ایپکدن قزیل اولماز
 آزاد قوی اوغول عشقی طبیعتده بولونسون
 داغ - داشدا دوغولموش دلی جیران حمیل اولماز
 انسان اودی دوتسون بو ذلیل خلقین الیندن
 آلاهی سورسن، بیله انسان ذلیل اولماز
 چوخداکی سرابین سودی واریاغ - بالی واردیر
 باش عرشه ده چاتدیرسا. سراب اردبیل اولماز
 ملت غمی اولسا بو جوجوقلار چوپه دؤنمز
 اربابلار یمیزداندان قارینلار طیبیل اولماز
 دوز واختا دولار تاختا طاباق ادویه ایله
 اونداکی ننم سانجیلانار زنجفیل اولماز
 بو «شهریار» ین طبیعی کیمی چیمه لی چشمه
 کوثر اولای بیلسه دئمیرم سلسبیل اولماز

شهریار

عشق ائوی بیگانه سیز اولماز

زلفین نیه بیر آن گؤزه لیم شانه سیز اولماز
عادت بئله دیر عشق ائوی بیگانه سیز اولماز
طعن ائيله مه زلفیندن اوزا خلاشماسا کونلوم
بیر یئرده کی زنجیر اولا دیوانه سیز اولماز
غمدن یانارام رویینی گوسترمه رقیبه
بیر شمع کی شوق آرتیرا پروانه سیز اولماز
مخمور گوزون قویمادی بیر کونلومو راحت
بیر دم بوستم خانه سی مستانه سیز اولماز
سن شوق لب یاريله ایچ باده ایچنده
کیمدیر دییه می مجلسی پیما نه سیز اولماز؟
بیر دلبرین عشقینده بوتون دیلله دوشدوم
هنگامه دیر عشق عالمی افسانه سیز اولماز
واحد می ایچیر گیزیلی دیر لردی ایشیتدیم
او رند خراباتی دی میخانه سیز اولماز
واحد

می سیزمه زه سیز

می سیزمه زه سیز جامیله جانان اولابیلمز
سودا نه دئییم هر کیمه میدان اولابیلمز
عارف لری دیندیر که ندیر شعريله صنعت
شاعر یارانار امره پشیمان اولابیلمز
گیردیم گونوشین قوینونا مین بیر سحریم وار
بولبول ده منم گول ده زمستان اولابیلمز
قلین اورگیم آتشیله یانماسا هر سؤز
دیللرده آغیزلاردا او داستان اولابیلمز
خوشبخت ائلیمین یورد و موزون وورغونیا من
بونداندا گؤزل بیر داخی دوران اولابیلمز

وورغون

عیانه گلمز

نـدن اول بت پـریوش داخی بو بیانه گلمز
مگر اول خرابه ائودن او یانـیب بیانه گلمز
نـه قـیلیم ائـدیم نـه چاره او نگار نـازنینه
او یانـیب جهان سوزوندن اوزی بیر عیانه گلمز
باشینا دونوم دولانیم او بویون فداسین آلیم
نیه ترک چشم مستین اوخو بو نشانه گلمز
دوشنـبیدی ابرو و زولفون نه خمار یاناقین اوزره
نیه بس او قاره ساچین اوزانـیب دابانه گلمز؟
من اونون قاداسین آلام من اونون فداسی اولام
او نـدیر که یوخی سانی اودوکی بوسانه گلمز
هامی بس گوروم نه اولدی منی درد و غم تورتدی
نیه گلمدی یوباندی نه ائـدیـب بهانه گلمز
گؤجیلن دئیل عزیزیم بو شهاب عشقـدیر عشق
که او برق نخل ایمان هر اودون ییغانه گلمز
سرکوی یاره گئـتمیش یـئنه قان اوجوندا یاکی
او بلالی عاشیقیندی باتیبان او قانه گلمز

محمد امین

یار ایسته مز

سن منه یار اول که کونلوم بیرداهی یار ایسته مز
کونلومون دلداری سن سن اوزگه دلدار ایسته مز
جَنّت عدنین تماشاسی اوزون گلزاریدی
کیم کی او گلزاری بولدی ئوزگه گلزار ایسته مز
تا ابد حرما نیمیش حقدن نصیبی هرکیم او
سندن ای دلبر ایکی عالمده دلدار ایسته مز
کیم دی کی زولفون خیالین باغلادی کونلونده او
راهب دیر اولدی اونان ئوزگه زُنار ایسته مز
چون اناالحق دارینی منصور اولانان ایسته یین
اولمیان منصور اناالحق لیس فی الدار ایسته مز
ایسته رم عالمده یارین سَرینی فاش ائیلیهم
مُدعی نین جانی یانار غمدن اغیار ایسته مز
ایسته دی حقدن «نسیمی» و صلینی بیلدی مراد
ملک دیدار اولدی گنج سیم و دینار ایسته مز

نسیمی

یه تیشمز

عشق اهلی ندن ائتدیگی پیمانہ یه تیشمز
بحرانہ دؤزر وصلت جانانه یه تیشمز
بلبل کیمی فریاد ایلیه کنج قفسده
حسرتده قالار باغ و گلستانه یه تیشمز
هر عاشقین ئوز ترجمه حالینه باخدیم
گوردوم اولارین هیچ بیرى صنّعانه یه تیشمز
جان نقدینی بذل ائیلدی عالمده خُماره
عشقین دئمه یین رخنه سی ایمانه یه تیشمز
حیرته قالیب بیر ملکین حسنینه منده
سویلردیم الهی ملک افسانه یه تیشمز
رخسارینه باخدیقجا خیالیمده دیردیم
گون چیخسا اگر بومه تابانه یه تیشمز
نفسیم دیدی کیمسه چاتا بیلمز بونگارہ
یاقوت جهان اولب مرجانه یه تیشمز

ایلقار ویروبن ایچدی ازل مونسیم اولدی
 کیمدور دیه وصلین سونی هجرانه یه تیشمز
 آخر سۆزی - ئوز عهدینی سندیردی وفاسیز
 نالم نه ائدیم درگه سبجانه یه تیشمز
 باخدیم ئوزینه یأسیله اظهار ائيله دیم گئت
 عشقین گوجو قلبیمده کی طوفانه یه تیشمز
 غافل منه طعن ائتمه داخی کیسه جفاده
 من ایسته دیگیم سرو خرامانه یه تیشمز
 بیر غنچه یه من بسله ییرم ایمدی محبت
 یوز گل آجا او غنچه خندانه یه تیشمز

محمد امین

پیمانه سیز اولماز

میخانه گؤزل باده و پیمانه سیز اولماز
گر اولسادا فکر ائیله مه دیوانه سیزاولماز
پروانه یانان وقتده شمعيله دانیشدی
بو بسکه یانان شمعه پروانه سیز اولماز
بیلیم نیه بولبول گولی یاددان چیخا دیدی
هر یئرده گول اولسا اوچانی لانه سیز اولماز
قوندور لبیوه خندهنی قوی غنچه تک آچسین
بیر پستهیه بنزرتلی دوداق عشوه سیز اولماز
بنزر یئرشین کهلیگه آهو باخشین وار
هجرانه دۆزه نلر اوره گئی یاره سیز اولماز
بولبول گوله مایل گوزه لیم من سنه مایل
بولبول کیمی نالان اولان افسانه سیز اولماز
لیلایه برابری اولان اولسایدی دیردیم
هجران اودونا یانسا کیم آوازه سیزاولماز

زولفون دارا سال چيگنيوه قيوريلسين ايلان تڪ
هر كيمسه اولازلفى گؤزل شانه سيز اولماز
بيلمز دلى نين دردينى آسوده گه زه نلر
«حيران» اوره گى يانسادا گر چاره سيز اولماز

زارع «حيران» ۱۳۷۲/۱۱/۲۷

اولماسا اولماز

معشوقده چون عشوه و ناز اولماسا اولماز
عاشقده اودور عجز و نیاز اولماسا اولماز
درویشیوم ای شه منه بیر مرحمت ایله
شاهنش اولان بنده نواز اولماسا اولماز
محمود کیمی ایستیه هرکیم اولا زنده
قربان کف پای ایاز اولماسا اولماز
زلفون دارارام لعل لب یاری آمَنده
عیش خوشیلان عمر دراز اولماسا اولماز
پروانه یولون قویماکسه پرده فانوس
وصل عالمیدور سوز و گداز اولماسا اولماز
ای سرو روان ویرمه نمازه بو قدر طول
کیم امر ایلوب سروه نماز اولماسا اولماز
در دین منه دی اولسم اگر ائیله مَرَم فاش
اهل دل اولان محرم راز اولماسا اولماز

زاهد دئمه آخر ندى بو عشق مجازى
بيچاره حقيقتده مجاز اولماسا اولماز
«صرافه» دئديم قافيه ساز ائتمه بويوردى
شاعر دئدگون قافيه ساز اولماسا اولماز

صراف

سنسيز

نَـځه لازم گـڼچـيـب عـمر زوالـيـم سـنـسـيز
يوکـه يـيـب گـويلـه رـه بـير آه و فغانـيـم سـنـسـيز
دگـيـشـيـب حـالـيـمـي هـر آندـا سـنـن هـجـرانـيـن
گل دـيـم گـور نـڅـه دـير بو گـذـرانـيـم سـنـسـيز
مـنـدن آـيـرـيـلدی هـامـی سـن مـنه اـتـدـيـکـجـه دـاد
کـيـم گـمـان يـوـخـدی دـيـر قـالـماـقا گـمـانـيـم سـنـسـيز
عـومـرومـون بـهـره سـی بـير شـمـع کـيـمـي يـانـماق اولـدی
تـنـگـه گـلـدـيـم بـو سـودـادـن يـوـخـدی اـمـانـيـم سـنـسـيز
دو شـمـه سـين تـا کـه شـرر قـلـيـمـه بـير صـحـبـتـله
بـا غـلـادـی شـد تـلـين اـيـمـدی زبـانـيـم سـنـسـيز
او اـمـيـدله کـه تـا پـار سـنـدن عـزـيـز يـم بـير اثر
بـو رويـور هـر طـرفـی اشـک رـوانـيـم سـنـسـيز
اـيـمـدی رـسـوا لـيـقـيـمـي تـکـجـه (فـضـولـی) دـی بـيـلـير
يـا يـسـيـلـب هـر طـرفـه اشـک رـوانـيـم سـنـسـيز
فـضـولـی

بیلمز

سؤگیلین قدرینی بو عصریده هر کس بیلمز
دوغرو عاشق اوزونه درد و غمی بس بیلمز
کیم کی قلبیله سنه باغلی دگیلدير کونولو
گنجه گوندوز باشی اوستینده اونون بس بیلمز
عشق بیگانه اولان ائیله گوزه لر وارکی
سویرم سویله بوتون عالمه سس بس بیلمز
دییرم سوگیلی جانانیمه جانان قوربان
جان فدا ائیله مه گه عشق مقدس بیلمز
(رستمین) اونداکسی جانان گورونور گوزلرینه
امتحان ائتمک ایچون بارماقینی کس بیلمز

رستم اف

قالماز

دائیم بوگوزه للیک او جفا پیشه ده قالماز
تند اولسا آخارقانی مئین شیشه ده قالماز
شیرین سوزون اول لاله روخون گرگوره فرهاد
داغی چالار اوز باشینا بیر تیشه ده قالماز
بیر ذره اگر مهرینی گور سیدیم اوماهین
اولسم ده نه غم روحوم او اندیشه ده قالماز
مژگانلاری قانلار ایچر اول مردم چشمین
کیم دیرکی اثر برگه یئتر ریشه ده قالماز
واحد بو غزلدورکی دئیب گنجه لی شوقی
گول غنچه ده سوز قلبیده می شیشه ده قالماز

واحد

نیچون گلمز

قویویدی انتظاریندا نیچون گلمز نیچون گلمز
همیشه آه و زاریندا نیچون گلمز نیچون گلمز
اوزولدوم کاروانیمدان ال اوزدوم خانیمانیمدان
فلک اینجیر فغانیمدان نیچون گلمز نیچون گلمز
گئیدی قافله سالار اولوبدور گوزلریم خمار
نه بیر یارو نه بیر غمخوار نیچون گلمز نیچون گلمز
کونلومده آه و زاریم وار نه صبر و نه قراریم وار
دئمز بیر دلفکاریم وار نیچون گلمز نیچون گلمز
او زلف و نرگس مسته کونول چوخدان دی پابسته
منی، هجران اندیب خسته نیچون گلمز نیچون گلمز
سرکویون گزر کونلوم گل رویون سئور کونلوم
وصالین چوخ دیلر کونلوم نیچون گلمز نیچون گلمز
آلبیدی جانیمی هجران اولوبدور گوزلریم گریان
او مهوش نازنین جانان نیچون گلمز نیچون گلمز
منه هجران مشقتدیر فراغین دردی محتدیر
نگاریم خیلی مدّتدیر نیچون گلمز نیچون گلمز
خورشیدبانو

اولا بيلمز

عالمده گؤزل هر قوزو قربان اولا بيلمز
پروانه گليب تابع انسان اولا بيلمز
پنهان ائله مه آي کيمي رخساري عيان ائت
اون دورد گئجه ليک آي داخي پنهن اولا بيلمز
سن سن منيم عشقيمده الين قانه بويانميش
هر کيمسه سنه يوسف کنعان اولا بيلمز
ناز ائيلمه کوئينده دولانسام گئجه گوندوز^(۱)
چيخ سئيره گولوم ماه که پنهن اولا بيلمز
بيگانه سوزون باشلاما چوخ غصه دن اوللم
عشقين باهاسي قانیدی ارزان اولا بيلمز
جنتده اگريگؤسته ره لر سن کيمي ياري
سن تک نه ائديم در بدخشان اولا بيلمز
تاري سني خلق ائيله ييب اوز سويگوه لايق
سويگون ده منم آيريسي حيران اولا بيلمز

۱- اين مصرع از واحد است.

زلفون دارا سال چيگينه‌اي مایه طناز
 ياز فصلی آداخلار که پریشان اولا بيلمز
 چو خلا او خويوب مکتب عشاقده درسی
 چوخ مدرسه لر بیل که دبستان اولا بيلمز*
 ویرانه ده بیقوش داسین اوجه یتیردی
 کهلیک ده گلیب مرغ غزلخوان اولا بيلمز
 بازار محبت آچیلیب سن کیمی یاره
 سیمایه باخانلار سنه دشمن اولا بيلمز
 ياز فصلی کوچوب باغلادی کروانینی گوللر
 ياز موسمیده فصل زمستان اولا بيلمز
 عشویله باخیب باغلاما زنجیره بو طفلی
 طرلان که گلیب اولکه ده جیران اولا بيلمز
 زنجیریمی آچ قوی دولانیم عرصه ده آزاد
 عشاق گلیب راهی زندان اولا بيلمز
 بالینیمه گل ائيله طبابت سن تاري
 سنسيز نه ائدیم دردیمه درمان اولا بيلمز
 گل سویله نه دن عشقده طوفان یارادیبسان
 هر موج گلیب بحرده طوفان اولا بيلمز

*- من از دبستان محل تأدیپ می‌باشد.

سوندورمه يانان شمعوي انصافه ياخينلاش
 بـير بـيله گـولوم جور فراوان اولـا بـيلمز
 كـونلوم قـدحـي شـربت هـجرانـيله دولـدي
 رـو بـه صـفـتـان رـسـتم دـسـتـان اولـا بـيلمز
 بـسـدـير كـرم اـتـت جـوـرـوي اـفـلاـكـه اوـجـاـتـا
 مـن تـك دـؤـزن هـر جـوـوردا انـسـان اولـا بـيلمز
 كـيـپـريـك لـرـيـن اوخ نـيـزه دـي وـور قـلـيـمـه ئـولـدـور
 مـنـدن صـونـرا بـيل عـهـد يـوه پـيـمـان اولـا بـيلمز
 هـر چـنـد آـديـن پـيـكـر غـمـخـانـمـه يـازـدـيم
 نـيـلـيم داخـي كـونـلومـده پـشـيـمـان اولـا بـيلمز
 عـطـريـن بـوـرـويـوب گـلـشـن و گـلـزاري دـمـادم
 قـيـش فـصـلي كـه گـل شاخـده الوان اولـا بـيلمز ؟
 بـولـبول پـر آـچـيـب صـحـن گـلـسـتـانـيـده هـر آن
 شـوـقـيـله اوچـار مـن كـيـمي گـريـان اولـا بـيلمز
 قـلـبـيـن آليـشـير «حـيـران» اودـي سـونـدـور اـمـانـدي
 پـرـوانـه گـلـيـب تـاـبـع انـسـان اولـا بـيلمز

زارع «حيران»

غمزده ليلا اولاييلمز

نسبت سینه‌ای شوخ زلیخا اولاییلمز
بو عشوه ده بو غمزده لیلا اولاییلمز
آهوی ختن سندهن آلیب طرز نیگاهی
گول برگی - لبین تک گولی حمراء اولاییلمز
ائتمه‌م گؤرونور - نرگیسی - شهلايه برابر
زولفسین - سیهی - تک شب یلدا اولاییلمز
جان نقدینه بیر بوسه کرم قیل سنی تاری
واهی دئمه ال چک کی بو سودا اولاییلمز
بس کی منی گورچک منه آهوکیمی باخدین
ایندی داهی مجنون منه همتا اولاییلمز

واقف

تبریز

درک ائيله داداش گُردش دورانئیده تبریز
گُونلر گنجیدیب فخريله ایرانئیده تبریز
هر عصریده مین لرجه لباس اگنینه گئیدی
بیلیم نیه بو عصرده بیگانه دی تبریز
هر کیمسه که مست اولماقا آختارسا گلستان
گلسین بوگوؤل ئولکبه گلخانه دی تبریز
یوخدور باکی^(۱) سندن سبلانین ده دماوند
دشمن قاباقیندا دورا آماده دی تبریز
اصلانلاری بیجا یئره جان بذل ایله مه زلر
(۲) سالار یله - سر دارینه میخانه دی تبریز
کس دشمن ایاقین یئنه تپراقیوه قویما
دون اهلینه یئر یوخ یئنه آزاده دی تبریز

۱- پاک. ترس واهمه - خوف

۲- سردار و سالار ستارخان و باقرخان میباشند

تهران نه قَدَر گویچک اولا تبریزه چاتماز
سیر ایله افق لاردا گؤزل هاله دی تبریز
فارسا- عربه قاتما دیلین آذری اوغلی
فخر ائیله دیلین دیلله لره شاهانه دی تبریز
هر کسیمه اگسر اولمیا نقصانی دیلینده
دوزگون دانیشان دیلله، پروانه دی تبریز
امکان وجود اولدی نفس چکماقا «حیران»
شوقیله یازار زنده و پاینده دی تبریز

حسین زارع (حیران) ۱۳۷۲/۵/۳

اولماز

هر گل آچيلا اول گل رعنا کیمی اولماز
هر عاشق اولان بلبل شیدا کیمی اولماز
مینلرجه بو دنیا یه گؤزل لر گله بیرده
من سودیگم اول شوخ دل آرا کیمی اولماز
گلدن او تمنانی که بلبل ائدیر هر دم
مین باشقا تمنّا بو تمنّا کیمی اولماز
فخر ائتمه سین ئوز سئودیگی لیلّا سینه مجنون
مین لیلی اگر گل سه بولیلّا کیمی اولماز
(واحد) دئمه چوخ عطری گل لر یئیشیدیر
هر عطر گلیب عنبر سارا کیمی اولماز

واحد

شامیم سحر اولماز

یاریم منه یار اولسا سؤزومدن پَکَر اولماز
دوستولوقدا گذشت اولماسا والله ثمر اولماز
افتاده لیک اؤیره ن گؤزلیم حورمتین آرتسین
باش اگمه سه حاصیللی آغاج بارور اولماز
مور ایله سلیمانین حدیثی نه شیرین دیر
اگلشمه سه درویشله شاه دادگر اولماز
نفرین ائله مه لاله یه ای بولبول شیدا
بیچاره کی داغلاتماسا خونین جگر اولماز
ای گول بو قدر ساتما بیزه ناز و ایفاده
خود خواهلیق ایله ساتقین آدام مُعتبر اولماز
تاچاتماسا در مانده لرین دردینه مُنعم
قارون زمان اولسادا صاحب نظر اولماز
بیهوده تقلاً ائله مه میسچی چالیشما
مین ایسلده اگر قایناسا میس دن گوهر اولماز

فكر ائيله مه هر كس گره ك اؤز سازيني چالسين
هر مدعى بدير پرده ده چالسا هنر اولماز
گونه اچلين كولگه سي مقدارينا آرتير
ظاليم اچلين حوكمو قاباقجا خير اولماز
دان اولدوزو سام من «وجى» ظلمت گئجه لرده
افسوس كى گؤنوم باتماسا شاميم سحر اولماز

«وجى»

سنسيز

عشقين منى دۇندردى گولوم بولبوله سنسيز
كونلوم توتولار . باخسام اگر بيرگوله سنسيز
زولفون اوجوگۇستردى مننه عشق كمندين
دوشدوم يئنه مجنون كيمي ديلدن - ديله سنسيز
ليلاسى ايچون دۇزمه دى بير محنته مجنون
حق عاشقى يم دۇزموشم هر مشگله سنسيز
بيرگون اوزونون هجرى بير آى اولدو گۇزومده
زولفوندان ايراق دوندى گئجهم بير ايله سنسيز
هر عاشقين ئوز يارينه دير ميلى منيمده
ميليم گوله يوخدور - هوسيم سونبوله سنسيز
گۇز ياشى ايله بسله ديگيم نخل اميديم
گلمز گۇزهليم مين گول آچا حاصله سنسيز
سن گورسن اگر «واحدى» رحمين گلر اىؑ
بيچاره ائدير آه و فغان بير بئله سنسيز

«واحد»

بو خوشلوق جاودان اولماز

مرید عشق اولان عاشق جهاندا بی نشان اولماز
بولود آلتیندا آی هرگز قالیب دائم نهان اولماز
اگر عقل سلیمون وار یولون بیراهه طی ائتمه
یولون کج گئتمین انسان انیس ابلهان اولماز
اوزون درک ائيله ای انسان بو دنیا بیر گذرگهدی
گئچیر عومرون بظالته بو خوشلوق جاودان اولماز
نظام آفرینش ده بشر دیر اشرف مخلوق
اگر بو امره واقف سن کلام حق نهان اولماز
مزور کس لرین دائم بهار عومرو پوزقوندی
اگر عقل سلیم اولسا دونیله مهربان اولماز
جهان مستبد دائم کج اولدو اوز مداریندن
بو قدری ظلمه وابسته خدایا در جهان اولماز
آچیبدی غرب اگر کامین مثال گرگ خون آشام
اولوبدی بارور دین محمد(ص) کامران اولماز

خلاص اول دنيا ماليتدن امانت دير گشدر قالماز
 ائسدن وقت ترك دنياي سنيلىن همزيان اولماز
 مقام و معنى انسان اولوبدى خدشه دار ميهات
 ائدر جولان زر و زيور بوجولان جاودان اولماز
 آليب دنياي شرک اهلى - نشان دين و ايمان يوخ
 يئر اوسته ظلم ائدير جولان جهاندا امن امان اولماز
 جفادن خسته دير كؤنلوم محبت له امان ايستر
 جهان پر طلاتم ده محبت سيز امان اولماز
 عومور چون سيل دى جانا رواندى بحر دورانه
 بهار عومروم خزان اولدى دونوب بيرده جوان اولماز
 شمار مردم دنيا سران خوش نشينان دان
 بودور بير بيله دنياده كس بي خانمان اولماز؟
 تولد لحظه سي انسان گليب آزاده دنيايه
 حذر مافوق مخلوقات اسير ريسمان اولماز
 بو دنيا فاني دير جانا تلاش ائيله آدين قالسين
 قالان دنياده نيك آددير تن و جان جاودان اولماز

درخت بید اولوب اسمه به باد هرکس و ناکس
اسن هر بید مجنون تک صفالی سایه بان اولماز
جهاندا چوخدی نادان لار هراس ترک دنیادن
ولی هر ناله لر نی تک نوای خیزران اولماز
بو تون افسانه دیر دنیا جهان آخرت خالد
صراط یساره پابند اول بو دنیا جاودان اولماز
اگر عشق حقیقته مدال عاشق آختارسان
مشقت سیز اولان انسان جهاندا کامران اولماز
یولون دوز گشتمین انسان جهاندا کامیاب اولماز
اودور معبوده عید اولسا اسیر ظالمان اولماز

زارع متخلص به (حیران)

مشکل ای‌میش

بولبولون ناله جانسوزنا باعث گول ای‌میش
 گوله هم عاشق سرگشته اولان بولبول ای‌میش
 من دیردیم کی ، اومه مهر و وفا صاحبی دیر
 دئمه بس مهر و وفادان او اوزو غافل ای‌میش
 داشا تأثیر ائیلهدی آهیم اودیله یاندی
 بیر اثر ائتمهدی اول شوخه نه آهن دل ای‌میش
 پیر میخانه سوزون شیخ قبول ائیلدی دون
 آدم اولادی دیر حقا کی هله قابل ای‌میش
 یوخدور عاشق دئدی اول مه منه سندن غیری
 گیزیلی سندن دئمه بیگانه لره مایل ای‌میش
 عشقه دیل وئرمه زیدیم بار غمین بیله ایدیم
 نه بیلیم عشقندن عشاقه بلا حاصل ای‌میش
 (واحد) مشکول ایشه خلقدنه صبر اولسا اگر
 اولو تدریج ایله آسان هر ایشی مشکل ای‌میش

«واحد»

موسیقی

بو عشقه پرده چکمه جوخ ائيله ديم تلاش
اوتدوکجه من توکولدی گوزباشی ائندی فاش
یسوخ ساحل نجات بغير از کنار دوست
ای سیل اشک ویرسان اگر هانسی دашه باش
فرهاد قویدی جانینی بیر بیستوندا
من گونده مین ستون ائدرم سینه ده تراش
ای کاش اولمایدی کوکل پای بند عشق
یا درد عشقی چکمه تا بیم اولایدی کاش
بی آبرو گوروب منی گوز تئز سالوب یوزه
عمرینده هر نه خون دل ائتمیشدی داش باش
ای چشمه حیات دئسم سنگدل سنه
اصلا مکدر اولما اولور چشمه باغری داش
قربان اولوم قلم قاشوه ائتمه ائتمه گوز
حیران اولوم قراگوزیوه آتما آتما قاش
«صراف» ساخلا توسن طبعون لجامینی
سن مست عرصه تنگ او سرکش دور ویرمه باش
«صراف»

دانشاق

عاشق باغرىنا باس صدفلى سازى
مىن جوابلى بىر سئوال دان دانشاق
ميدان قوراخ صحبت آچاق سۆز دوتاق
گل ياناقلى قوشا خالداڭ دانشاق
قوى سۆز آليم بىر گناه سىز دوداقدان
دشمن باخىب حسد چكىن اوزاقدان
يار بىزه نىب چىخان زمان اطاقدان
باشىنداكى گوللى شالداڭ دانشاق
«وورغون» دئير بىر درد بىلن يار اولسون
زولفو بولوت آغ سىنه سى قار اولسون
ياخشى گونده يامان گونده وار اولسون
قدىر بىلن اهل حالداڭ دانشاق

«صمد وورغون»

میخانه لردن چیخمیشیق

بیز خرابات اهلی ئیک میخانه لردن چیخمیشیق
باده لر نوش ائتمیشیک پیمانه لردن چیخمیشیق
آتش غمدن نه قورخان کیم سمندور خصلتیک
شمعلر یاندیرمیشیق پروانه لردن چیخمیشیق
پسیریمیز پسیر مغاندیر خادم میخانه ایک
رندلر ذوقون گوروب دیوانه لردن چیخمیشیق
ایندی بیز اکراه اولوب می دن نظردن دوشموشیک
بوخسا مین مین مجلس مستانه لردن چیخمیشیق
گاه اوپوب یارین ایاقین گاه دولانیق باشینا
بیز پریشان زولفلر تک شانه لردن چیخمیشیق
بیر شقانین ذره سیندن دیر فقط رنگ اوزگه دیر
دیر لردن مسجد و ویرانه لردن چیخمیشیق
قدر و قیمتسیز بیزی ظن ائتمه (واحد) عارف اول
پُر بها گنجینه بیک ویرانه لردن چیخمیشیق
«واحد»

چشم خماریم گله جاق

چال سازین غم داغیلا نازیله یاریم گله جاق
همدمیم عشوه گریم نازلی نگاریم گله جاق
گُل سپین سویثرینه کوچه میز الوان گورنه
اولماسین توز کوچه میز عشوه‌لی یاریم گله جاق
چوخلی مَدَتدی گوزوم یوللادی صید ایلماقا
کونلومون تیرینه صحراده شکاریم گله جاق
دیل آچاندانه ائدیم من آدین از بر دئمیشم
هر سوزوم جمله‌لریم دیلده شعاریم گله جاق
اوزو آی کیپرگی اوخ گؤزله ری جیرن گوزودی
یئثریشی کهلیگه بسنزلی نگاریم گله جاق
سرو بوی پسته دوداق قامتی رعنانه دئمک
اینجه بئل زولفی کمند صبر و قراریم گله جاق
فخریدیر گریارادام عشقده طوفان اودونسی
همدم صبح و مسا و شب تاریم گله جاق

بلبل غمزده باغ جنانم نه اندیم
 فصلی وصل ائیلماقا قاصد یاریم گله جاق
 گلدی قوربان آیی لازم دی کسیل سین قوزولار
 من کسيلم قوزوتک چونکه نگاریم گله جاق
 بسکه یول گوزله میشم گوزله ریم هی یول چکیری
 باغلاییب رختینی قیش فصلی بهاریم گله جاق
 شیوه عشقده سعی ائيله میشم توبه اندم
 ولی توبه سینا جاق دیلده شماریم گله جاق
 سن گون اول من ده سنین باشوا آی تک دولانیم
 دولانان وقت باشیوا ایل و تباریم گله جاق
 قویما مشاطه وورا زلف پیریشانه داراخ
 زولفسوه شانه ووران باد بهاریم گله جاق
 سنده حیرانیله بیر جسمده جان اولمالیسان
 جسمه جان وئرمه گه اول چشم خماریم گله جاق

زارع متخلص به حیران

تبریز ۱۳۷۶/۹/۱۹

افغان اولاجاق

نه قدر عشق ميز ای گول بښله پنهان اولاجاق؟
آشکار اښلېمه یېنجه نوره گیم قان اولاجاق
نه قدر گول اوزونون حسرتین عاشق چکسین؟
نه زمان وصلینه بس ائتمه گه امکان اولاجاق؟
بس هاچان رحم ائده جک بولبول بیچاره گول
نه قدر بس او فقیرین ایشی افغان اولاجاق؟
عشقدن باشقانه درد اولسا یښه چاره سی وار
آیریلیق دردینه بیلمم نښه درمان اولاجاق؟
اوز خوشوملا اوقارا زولفه اسیر اولدوم اوزوم
بیلمه دیم خاطرم عشقینده پریشان اولاجاق
سن گوتور مسجدي زاهد بیزه میخانه نی وئر
کیم بوايشده گوره ک آخیره پشمان اولاجاق؟
هله (واحد) مڼه میل اښله مه قوی گلین اوگول
یارسیز یثرده مڼی ایچمک بیزه نقصان اولاجاق

«واحد»

اولماق گره ک

عهد و پیمان اوسته‌ای گل با وفا اولماق گره ک
بی ریا دوست آشنایه ، بی ریا اولماق گره ک
بش گون عومرون اعتباری یوخدور ای صاحب نظر
شاه اولا یا که گدا آخر فنا اولماق گره ک
مهربانلیق گؤرسه دشمن عاقبت الفت تاپار
دوز گزه نلر قولونا بی اعتبار اولماق گره ک
سرفراز ائیلر ادب سرمایه سیز فرزانه نی
معرفت سیز بی حیایه ، بی حیا اولماق گره ک
دوستو غمگین ایسته مه چونکه پریشان سان اوزون
نابلد دوست آشنایه رهنما اولماق گره ک
حقى ناحق ائيله مه تا روزگارون خوش گئچه
عدل و ایمان بازاریندا کیمیا اولماق گره ک
نیله ییرسن بی کفایتلر اطاعاتین «وجی»
پاک پیمان ائل لره ، فرمانروا اولماق گره ک
«وجی»

ال چک

صبا سالما یوزه گُل طُرّه جانانه دن ال چک
قوی اوز دردیلن اولسون بو دل دیوانه دن ال چک
قرا اولسون یوزون ای زلف کج شمشاده باش وئرمه
شل اولسون اللرون مشاطه دوز دورشانه دن ال چک
دور ای خال سیه گؤز گوشه سینده ائيله مه مسکن
اوتان یولسوز یولا گل گوشه میخانه دن ال چک
دئدیم یاره دیلیر یوخ دهانون اصلی وار یا یوخ؟
یوخى وار ایتمه گه گولدی دئدی افسانه دن ال چک
دئدیم «صرافه» گل ترک محبت قیل جوابیمده
دئدی هرگز دینمز عاقل صدف دردانه دن ال چک

«صراف»

گۇرچك

كونلوم آچىلىر زلف پىرىشانىنى گۇرچك
 نطقىم دوتولور. غنچە خىندانىنى گۇرچك
 باخدىقجا سىنە قان ساچىلىر دىدە لە رىمدن
 باغرىم دىلىنىر نىاوك مۇگانىنى گۇرچك
 رىئالىق ايسلە قامت شمشادى قىلان ياد
 اولماز مى خجل سرو خىرامانىنى گۇرچك
 چوخ عشقە موس ائىدەنى گوردوم كە هواسىن
 ترك ائىتدى سىنىن عاشق نىالانىنى گۇرچك
 كافركى دگىل معترف نىار جىهەم
 ايمانە گەلر آتش هجرانىنى گۇرچك
 نازىك لىك ايسلە غنچە خىندانىنى ائىدن ياد
 ائىتمىز مى حيا لعل بدخشانىنى گۇرچك
 سىن حال دىلىن سويلە مە سىن نولا «فضولى»؟
 ائىل فەهم قىلىر چاك گىرىبانىنى گۇرچك

«فضولى»

طوطی شیرین سخن

بیز بیر قطار طوطی شیرین سخن لریک
ئوز نغمه میزجه زینت چمن لریک
گوندوزلر ترانه میزین حسرتین چکیر
باغ وطنده بلبل خوش نغمه زن لریک
بیر کیمسه بیلمیرله خراباتیلر دنیک
مین لرجه مسافرین ایمدی کهن لریک
معشوق لریسن حقیقتی زلیخای مصردور
عشق عالمینده یوسف گول پیرهن لریک
بیزدن همیشه سؤمه لیدی باغ معرفت
بیز اهل حاله عطیر ساچان یاسمن لریک
(واحد) همیشه خلقیمزین خاطرینده دیر
واحد او یوخسا روحیله هم قفس لریک

«واحد»

كۈنۈل

دېل بىلن سوز آنلىيان بىر نازلى يار اىستر كۈنۈل
لالەدن گۈلدن گۈزۈل بىر نوبهار اىستر كۈنۈل
اعتبارىن گورمه يىىنجه سەومە رەم بىر دلبرى
نسانىن مەپارە لردن اعتبار اىستر كۈنۈل
ھەر قارا زولفون اسىرى اولمارام بوندان سورا
ايندى عالم ئوزگە دىر خوش روزگار اىستر كۈنۈل
اويناماق گۈلك دانىشماق عىش و نوش ايامىدىر
بىلبىل شىدا كىمى مەين لالەزار اىستر كۈنۈل
ھەر طرف گۈلدىر ، چىچكىدىر بىلە آزاد ئۈلكە مەيز
دائىم ئوز خوشبخت خلقىن بختيار اىستر كۈنۈل
بختور (واحد)، اوكلەر دىر بو خوش عالمده دىر
ھەر زمان بو خوش حياتى پايدار اىستر كۈنۈل

«واحد»

گۆزل

گل باشینا دۇنوم سننن ای مهلقا گۆزل
ائتمه بلایه عاشیقینی مُبتلا گۆزل
گوردوم یوخودا من سنی اغیارله دونن
سوردوم بو کیمدیر سن ده دئدین آشنا گۆزل
دل وئرمیسن یقین ائدیرم ئوزگه یاره سن
گل بئله ایسه چکمه یم آرتیق جفا گۆزل
گئچدیم یولوندا من بو جانیمدن همیشه لیک
سنسیز حیاتلا اولمارام آخر رضا گۆزل
هجرانین ایله ییب من نالانی خسته دل
گل رحم قیل بو دردیمه ایله دوا گۆزل
قون بیر گُل اوسته اول پابند بیرگله
گزمه بوداق بوداق اولاسان بسی وفا گۆزل
هر یاندا گل گورنده گولور گوول جوشور کونول
قالماز نهان عیان اولار بوخوش نوا گۆزل

من عاشقم گل ائت خدمت سن عاشقه
گورمه بو قَدَر عاشقه ظلمی روا گؤزل
شعريله بیل «مدینه» سنه دردین آندیریر
ایستر اولو بود درد نهانه شفا گوزل
«مدینه گلگون»

اولدی گل

فرقتیندن یاندی باغیریم اوره گیم قان اولدی گل
گل کی دیدارون بو جسم و جانہ درمان اولدی گل
دنیا نین ناز و نعیمی باغ و بستانی منه
سنسیر ای سلطان خوبان بند و زندان اولدی گل
ایسته دی لعلین فراقی جانیمی بیخماق ولی
عشقہ یانمیش جانہ، وصلون آب حیوان اولدی گل
جانمین جانی وصالیندیر وصالوندان اونو
تا کہ آیردی فلک بیچاره بی جان اولدی گل
عاشقین باغ و گلستانی اوزون گلزاریدیر
هانسی گلزارین آدی گل سیز گلستان اولدی گل
تا منی تقدیر یزدان ائیلهدی سندن جدا
کونلومون حالی پریشان دیده گریان اولدی گل
بحر بی پایان شوقون جانیمی غرق ائیلهدی
گورنه بیداد ائیلهدی هجرون نه طوفان اولدی گل
چون «نسیمی» سندن آیری بیلدیگی یوخدور وجود
درد و درمان وصل هجران جمله یکسان اولدی گل
نسیمی عمادالدین نسیمی

کونلوم

فرقتیندن دلبرا کونلوم پریشان اولدو گل
نولورم هجران غمیلن جگریم قان اولدو گل
تاکی سن گئتدون من اولدوم دردمند و مستمند
دردیمه گورجک جمالون جانہ درمان اولدو گل
قالمادی چشمیمده او تابش که من قان اغلارام
دیده مین یاشی فزون از بحر عمان اولدو گل
فرقتون اوسته «نسیمی» دمبدم ائیلیر فغان
قیل کیمی جسمیم منیم از درد و هجران اولدو گل

«نسیمی»

مکتب عشق

درد هجرانه دۆزنلر دلی دیوانه دگیل
هر یانانلار حرم شمعه پروانه دگیل
چشم مجنونیه باغ محمل لیلایه طرف
هر گه زهن حال پریشانیه دیوانه دگیل
چو خلا آغلار غم هجرانیله یعقوب آدینا
هر دوزوملر گۆزه لیم یوسف کنعانه دگیل
خوش نشینان نه بیلیر لذت دیوانه لیگی
کیمسه جام الده اولان ساکن میخانه دگیل
هر کیم اوز عقلجه میخانه نی معنا ائیلییر
لیک حقیقتده اولان معنی میخانه دگیل
مکتب عشق حقیقتده مجازیله گزن
یولی بیراهه گئدیر عاشق فرزانه دگیل
موسیقی لن منی دفن ائیلیه نی طرد ائله مه
عقل فتوی وئریر «حیرانه» او بیگانه دگیل
زارع متخلص به حیران

جوانلیق ایامی

ای جوانلیق هارداسان جسمیم تواندان دوشدو گل
اولدو جسمیم خسته دل ، روح و رواندان دوشدو گل
بیر زمان آچدیم گؤزوم گؤردوم جوانلیق کؤچ ائدیپ
قامت سرویم کمان اولدو اماندان دوشدو گل
کاش اولیدی روزگارین گردش دایم نگون
اولدی روحوم خسته جانیم شادماندان دوشدو گل
هئچ دؤشونمز دیم جهاندا وار کهولت عالمی
تئز قوجالیدی اصلانین نام و نشانندان دوشدو گل
گه مینزدیم شوقلین و هم و خیالین توسته نین
ایمدی صیدا اولدو شکارین داغ و داشندان دوشدو گل
هر زمان دوشدو گجه دوران جوانلیق یادیمه
آغلادیم پنهانی گوز یاشیم روانندان دوشدو گل
یوخ و فاسی عالمن اصلانلاری روباه ائدیپ
سالدی دام محنته اصلان دا جانندان دوشدو گل

گوزله ريم كم سو اولوب تاب و توانيم قالماييب
 آفتاب طلعتيم نام و نيشاندان دوشدو گل
 حيصم اولموش دردسر يوخ چاره ساز محتيم
 اسدي يئلر گلشه نه بولبول فغاندان دوشدو گل
 آچگيلان دروازه دوران جاه و عزتي
 تاگورونسون عالمه سلطاني شانندان دوشدو گل
 دم ياخين لاشميش فيلام تركين بودنياني مدام
 ساحت عومروم داخي دور و زمانندان دوشدو گل
 گر بو دنيا فانيدير اسرار خلقت بس ندير؟
 بيلمه ميش فاش اولدور مبهم جسميم آندان دوشدو گل
 شوق ديدار الف انا اليه راجعون
 حك اولوندي قليمه سريم نهانندان دوشدو گل
 رهرو عشق حقيقي خسته اولماز زد هرده
 خامه (حيرانين) اليندن قويما جانندان دوشدو گل

زارع متخلص به حيران

اٲٲمه گل

اوزونسی مسندن نهان اٲٲٲک دیلرسن اٲٲمه گل
گۆزله ریم یاشین روان اٲٲٲک دیلرسن اٲٲمه گل
جانیمین وصلین شرابسان ایچردون ای صنم
عینیمی گوهر نشان اٲٲٲک دیلرسن اٲٲمه گل
قاشلارون قوسیندا مژگانین خدنگی گیزله نیب
گۆزلری مستانه قان اٲٲٲک دیلرسن اٲٲمه گل
یاندیرارسان کۆنلومی عشقونده معلوم اولدی کن
منی رسوای جهان اٲٲٲک دیلرسن اٲٲمه گل
برگ نسرين اوزه مشگین زلفلرین داغیدیب
عاشقی بی خانمان اٲٲٲک دیلرسن اٲٲمه گل
چونکه عشقین مسکنی دیر کونلومون ویرانه سی
حسرتا اونسی مکان اٲٲٲک دیلرسن اٲٲمه گل
چون یقین بیلدی «نسیمی» آغزیون دارا اولدوغون
او یقینی سن گمان اٲٲٲک دیلرسن اٲٲمه گل

«نسیمی»

دل

بیر عومردور سالوبدور منی آه و زاره دل
ای کاش اولا الهی گوروم پاره پاره دل
منصور تک یقین ائیلهدیم داره تابی وار
وئوردیم شکنج سلسله تابداره دل
آچما کمند زولفون نه لازم اشاره قیل
گرایسته سن دالینجا دوزولسون قطاره دل
غمزون خیالی حیاتیدی امانه فائده
جان اوز اوزون اوغورلادی گلدی شکاره دل
گؤزون دوشرخزان گلی تک پایمال اولور
هر کیمسه وئرسه من کیمی بیر گلعداره دل
عمریمده بیرجه آنلامادیم صبحی شامدن
از بس ائدیب قراگونیمی بخت قاره دل
رخسار یاری گؤردی یانار چون درخت طور
موسی کیمی او ناردن آلدی شراره دل

آغلار گولر گؤرنده منی دوست و دشمنیم
قویدی منی عجب گونه خوش روزگاره دل
(صراف) یوخسا ائیلیاجاق غم ضیافتی
شامه جگر کباب ائیلیویدور نهاره دل
«صراف»

معرفت دونیاسی دیر

سادہ دیر دوست تاپماق اما ساخلاماق آسان دئیل
یاخشی دوستو پیس گونونده اینجیده ن انسان دئیل
بئش گون عومرون اعتباری یو خودور ای بی اعتبار
ناامید اولما طبیعت عالمی زندان دئیل
گولمه خلقین فقرینه گولدورمه دوستو دوشمنی
طعنه وورماق بی نوا انسانلارا وجدان دئیل
سن محبت ائیله بالیق بیلمه سه خالق بیلر
منت آرتیرسا سلیمان سفره سی احسان دئیل
احترام ائت حورمت آرتیر ساخلا ائل ناموسینی
معرفت دونیاسیدیر نامردلیگه ، امکان دئیل
أوز عیاریندن محک چکمه بدخشان گوهره
روزگارین وزنه سی همیشه بیر میزان دئیل
مسجد و سجاده ایله زاهد آلاتما بیزی
تک عبادت ای دیانت صاحبی ایمان دئیل
تکیه وئرمه ظالیمه مظلومی اینجیتمه «وجی»
قورخما خایین دن کی خائین تولکودور اصلان دئیل
«وجی»

تابع فرمانین اولوم

وئر اجازه گؤزه‌لیم تابع فرمانین اولوم
گبر و ترسانی آتیب قاری قرآنین اولوم
عشق فتوی وئیری غیر مسلمانی بوراخ
چکیل اسلامه طرف هر گنجه مهمانین اولوم
قویما بیگانه الی زلف پریشانه ده گه
بلبل اول من ده سنین غنچه خندانون اولوم
سن گون اول قوی دولانیم آی کیمی گون دوره سینه
سنی گورما خلیقا، جانا مه تابانین اولوم
گرچه چیراندی گؤزل غارت الی گلشه نیوه
وئر اجازه آچیلان گوللره باغبانین اولوم
یولون آزدیر گؤزه‌لیم کوی پریشانه ده گل
پای عشقینه کسیلما خلیقا قوربانین اولوم
سینم اوستین ائده‌رم یاتماقا بیر نازلی بالیش
سن یاتان وقته محبت‌لی پرستارین اولوم

نقشیم ایفاسی اگر اولماسا قلبینده قبول
داخی لازم دگیلی مرغ غزلخوانین اولوم
خوش باهار اولدو یول آچ کوه و بیابانه طرف
سیره چیخ منده سنین داغداکی حیرانین اولوم
عومرومون قافله سی کؤچدی عیان اولدو منه
وار نیازین که طیبب دل بیمارین اولوم
گر بیلیدیم که سنین مذهبون آزاده دگیل
ترک ائدردیم نه کی من عاشق و حیرانین اولوم

زارع متخلص به «حیران»

اسیر میخانه ایدیم

بیر زمان من ده اسیر ره میخانه ایدیم
هوس باده ایله عاشق پیمانه ایدیم
بیر دقیقه یئره دوشمزدی الیمدن باده
گۆزلرین شوقی ایله ائیله کی مستانه ایدیم
بوتون عومورم گئچیب عالمده شراب ایچمه ایله
باده دن خالی اولان یئرله ره بیگانه ایدیم
ایمدی تکلیف شراب ایله مک آرتیقدی منه
منکه میخانه ده بیر خانه سی ویرانه ایدیم
شمعه پروانه یانیردی گئجه لر صُبحه کیمی
من ده نوز سه وگیلی مین شمعینه پروانه ایدیم
چالیشیردیم ساجینین فکری باشیمدان چیخسین
گۆرمه سیدیم سنی بیرگون ده لی دیوانه ایدیم
منی «واحد» بو پری چهره لر ائتمیشدی اسیر
من ده مجنون کیمی دیللرده بیر افسانه ایدیم

«واحد»

قربان دئیشم

گؤزلرین قاره سینه بیر نچه قوربان دئیشم
قاشلارین طاقینه قوربان یثرینه جان دئیشم
راز پنهانیمی خلق ایچره منیم فاش ایله دین
بی وفا منکه سنه سریمی پنهان دئیشم
خوبلر جمله گدادیر سر کویینده سنین
سنه بو خوبلر ایچره مه تابان دئیشم
قاشینا تیغ دئدیم قانیمی توکمک نه ایچون؟
توت که ظالم نولا بو باره ده بهتان دئیشم
اینجیوب چیخسا سینم دن یری وار پیکانین
نئچون باغریما گلدیکجه باسیب جان دئیشم
«واحد» قویما بین اولدوردو او مهپاره منی
سهو ائدیپ گل اوزونه مهر درخشان دئیشم

«واحد»

مقام

داش اورک لرده یانیب داشلاری سیندیردی مقام
حاقا دشمن اولانی حاقا تاپیلدیردی مقام
نه گمان ائیه میسن بونداکی طلسملری سن
گولی آهیه قوروتدو ساری یاندیردی مقام
سوچیلر کیمدی ئورک لرده غزل تونقالایا
نئجه قصدیم کونولی کسدی دایاندیردی مقام
دفن ائدین سیز منی زابل سه گاهین مایه سینه
دئیرم بلکه منی بیرگون اویاندیردی مقام
چوخ کتابلار اوخوردوم ظن آله دیم بختیارام
منه چوخ مطلبی آهسته جه قاندیردی مقام

بختیار

دئمیشم

دلبرین لبلرینه چشمه حیوان دئمیشم
 معدن روحه عجب من نه اوچون جان دئمیشم؟
 خجل اولدوم بوسیدن کی نگارین اوزینه
 یاریمین گولشه نینه روضه رضوان دئمیشم
 لوح محفوظله عرش اولدی یاناغون صفتی
 من بو معنی دن اونا صورت رحمان دئمیشم
 سننن ای صورت الله ایله رحمان سجود
 قیلمین سجده سنه دیوایله شیطان دئمیشم
 صورتین احسن تقویم اوزون قبله ایملش
 بو سوزه یوخ دیه نین آدینه حیوان دئمیشم
 زلفوننی نامه تاتاره بها قیلماکی من
 قیمتی هر قیلانا ملک سلیمان دئمیشم
 ای (نسیمی) چو سنه فضل اله اولدی مُعین
 منی عیب ائیهله مه سوز ذاتینا سلطان دئمیشم
 «نسیمی»

ترسا بالاسی

اذن وئر طوی گئجه سی منده سنه دایه گلیم
ال قاتاندا سنه مشاطه تماشایه گلیم
سن بو مهتاب گئجه سی سیره چیخان بیر سرواول
اذن وئر منده دالونجا سورونوب سایه گلیم
من جهنده ده باش یاسدیقجا قویسام سنیلن
هئچ آییلمام که دوروب جَنّت مأوایه گلیم
نه نه قاریندا داسنله اِکئیز اولسیدیم من
ایسته مَزَدیم دوغولوب بیرده بو دنیا یه گلیم
منه ده باخدون او شهلا گؤزیله من قراگون
جسرئتیم اولمادی بیر کلمه تمنایه گلیم
سن یاتیب جَتّی رُویاده گورنده گئجه لر
من ده جتنده قوش اولام که او رُویایه گلیم
سنده صحرایه ماراآر کیمی چیخ بیرنه اولار؟
منده بیر سئره چیخانلار کیمی صحرایه گلیم

آلاهوندان سن اگر قورخمیوب اولسان ترسا
 قورخورام منده دونوب دین مسیحایه گلیم
 شیخ صنعان کیمی دونقوز اوتاریب ایلرجه
 سنی بیر گؤرمک ایچون معبد ترسایه گلیم
 یوخ صنم آنلامادیم آنلامادیم حاشا من
 بوراخیم مسجدمی سنله کلیسایه گلیم
 گل چیخاق طور تجلّایه سن اول جلوّه طور
 منده موسی کیمی اول طور تجلّایه گلیم
 شیردور «شهریارین» شعرى الینده شمشیر
 (کیم دئیرسن) بئله بیر شیريله دعوايه گلیم

شهریار

بولبول اولمارام

فصل بهاری ایسته مه‌رم بلبل اولمارام
دلدار نیلرم اگر اهل دل اولمارام؟
حسرت گؤزیله طرف گلستانه باخمارام
مشتاق رنگیوی گل و سنبل اولمارام
عومریمده گئتمرم گُل گلزار سئرنه
بلبل مثال طالب حُسن گُل اولمارام
عنقای قاف عزتیدیم سندی پُره‌ریم
ایمدی یئنه اوچوب قاچارام بمل اولمارام
ایجاد صفحه سینده غلط نقطه‌ام اگر
پابند زلف و خال و خط و کاکل اولمارام
بیر کیمسیه دیسم الیمی دوت کناره چک
گرداب بحر هجرده پادر گل اولمارام
زنجیره گوروب دیسه دیوانه آدیما
قویما بساط عشقه قدم عاقل اولمارام
«صرافلیق» آدی غلط محض دور
صراف اولان نگاريله گریکدل اولمارام
«صراف»

دیوانه گزیم

باغلا زنجیره منی قویما مارالار سایاقی
 عشقدن کوه و بیابانیده دیوانه گزیم
 یا گتیر زولفسووی چک داره منی ائتمه خذر
 تا سنی ایسته مه گه شمیوه پروانه گزیم
 مشعل عشقیمی سوندورمه گل انصافه گوزهل
 وئر اجازه خرم عشقیوه مستانه گزیم
 دیلیم ئورگندی سنین آدیوی ازیر دئمه گه
 قوی گوزهل زلف پریشانیه من شانه گزیم
 تیغ برانیوی گل سوتمه محک داشلارینا
 عارف اول وئرمه اجازه یئنه خصمانه گزیم
 سنین اول ماه رخون چون صنم اولموشدی منه
 ندیر علت دبیلیم؟ من یئنه دیوانه گزیم
 ایستیرم تا گورم اول قامت رعنائی یئنه
 بی سبب من نیچون مسجد و میخانه گزیم؟
 کؤنلوم آز قالدی الولانماقا «حیران» نه روا؟
 مصلحت بیله دیر هر اولکه ده بیگانه گزیم؟
 زارع متخلص به حیران

گۆردوم

بیر لحظه گۆزەل عكيسیوی پیمانە دە گۆردوم
وصل عشقینە یانما خلیقی پروانە دە گۆردوم
حسنون منە گنج اولدی نهان اولدی گۆزومدن
اغیاریلە هرگون سنی میخانه دە گۆردوم
شوقیلە جهان قیدینی ووردوم باشا چیخدید
تا اینکه جفا ائتمەگی بیگانه دە گۆردوم
گۆز یاشیمە رحم ایله سینم چاک اولوب اولسون
رخساریوہ عیب ایتەگی بیگانه دە گۆردوم
عشقیمده اگر نقص اولاجانا د بیلیم من
بی عیب فقط من پر پروانە دە گۆردوم
مین فتنەن اگر اولسادا جانانە دایانام
جانانە دایانما خلیقی فرزانه دە گۆردوم
فرهادین اگر تیشه سی بیستونی یاراتدی
دستانین اسیر اولماقینی دانە دە گۆردوم
جان ایستە مە عشقیندە گوزل نالەمی درک ائت
جان وئرمەگی معشوقینە پروانە دە گۆردوم
زارع متخلص به حیران

اوصاف بهشتی

دون دلبریمی مجلس میخانه ده گوردوم
عکس رخ جانانیمی پیمانہ ده گوردوم
یاندیردی منی شمع جمالیله نگاریم
بو حالتی نه شمع نه پروانه ده گوردوم
قیلیم نظر اول شوخین ایکی چشمینه ناگه
مین فتنه من اول نرگس مستانه ده گوردوم
مشاطه ووروب طرره‌ی دلداریمه شانه
آشفته لیگیم سانما پریشانه ده گوردوم
اغیار قیلیر لطف منه جور و جفاسین
دائم او مہین میلینی بیگانه ده گوردوم
گل سویله مه زاهد منه اوصاف بهشتی
جنت چیچه‌گین من رخ جانانه ده گوردوم
شوخیله او شوخه نه دئدیم اینجیدی مندن
«واحد» دی مقصّر نوزوم آیا نه ده گوردوم؟

«واحد»

گرفتار اولمیشام

بونه سۇدادیر آدوستلار من بئله زار اولموشام
عشق الینده بیر یازیق اووتک گرفتار اولموشام
بوندان اول دوشموشم بیر چوخ نگارین عشقینه
ایندیه گور من زواللی نئجه بیزار اولموشام
هر بیر همت صاحبی نین گور گوزل دورانی وار
بس نچون من ای الهی بو قدر خوار اولموشام؟
اول سببدن دیر ویریر هر کس منه تهمت که من
محنتین بازار باشیندا بیر کنهکار اولموشام
سو منه دگسه همان یانمیش گورر خرمة نینی
یئل منه دگسه گورر وجه سیز ناچار سیز اولموشام
ای «نظامی» توزایشیم دوستوقدا یوسف قوردودور
تازه دن یعقوب کیمی کؤینک له من وار اولموشام

«نظامی»

خوش قال

من کیم کی سویله ییم اول یاری مهمان ائيله دیم
یا دئیم اول دلبريله عهد و پیمان ائيله دیم
نازنین جانان منی بیر گون چاغیردی سفره به
سفره سینده من غذانی قلبله جان ائيله دیم
گۆز جمالینی یاریم بایرام لیق ائتدی بو گنجه
منده وارلیق ملکینی بیر آندا قربان ائيله دیم
لب لرین ئوپمک چتیندی بوسه ائتدیم پایینی
نچه ایل لیک دردیمه بوسه یله درمان ائيله دیم
کونلومون دردین دئدیم «نه حکایت دیر» دئدی
باشیمی دیز اوسته قویدوم نگهبان ائيله دیم
صبح نامحرم گلیب وصلی حرام ائتدی منه
یار یولا دوشدو کده من جوشدوم دا طوفان ائيله دیم
سؤیلدی خوش قال «نظامی» بلکه گلدیم بیرده من
گئتدی من قالدیم امان هجرینده افغان ائيله دیم
«نظامی»

ایسته میرم

گت گولوم گت منه سنی جان اولاسان ایسته میرم
عشوه‌لی سؤگیلی جانان اولاسان ایسته میرم
بیرده گؤز یاشی توکوب کوئینا گلم گؤزه‌لیم
گوروب احوالیمی خندان اولاسان ایسته میرم
بی‌وفالیقدا بوتون عالمه مشهور اولدون
سن اگر حوری و غلمان اولاسان ایسته میرم
وورموسان سینه مه مین یاره کفایتدی منه
بو سینیق کونلومه درمان اولاسان ایسته میرم
بیوفاسان دگیلم راضی اؤلنیدن صورنا
تبریم اوستونده نگه‌یان اولاسان ایسته میرم
پیس گونومده منی سالدین نظریندن گشتدین
یاخشی گونده منه مهمان اولاسان ایسته میرم
واحدین قیمتی بیلمه دین اینجیتدین اونو
ايله کی اولدو پشیمان اولاسان ایسته میرم

«واحد»

گوردوم

رؤياده گؤزل عكس رُخون جاميده گوردوم
عشق آتشيته يانماقي پروانه ده گوردوم
عزم ايله گؤزل قويماكه رؤيا باشا چاتسين
ظاهر مننه ممكن دگى پنهانیده گوردوم
هجران اودونى سالدی جمالون يئنه يانديم
بیر لحظه آييلديم، اوزومى دامده گوردوم
عشقوندن اوزاق گزماقا امكان تاپبولم
هر چند كه يانما خلیقى پروانه ده گوردوم
گل دوت بو أليم باغلا گیلان بنديله محکم
اوز باشیما وور ماخلیقیم هجرانیده گوردوم
گلم داخی دیداریوه هجرانه دایانام
بویسكه جفا ائتمه گین، هرگامیده گوردوم
عشقين قَدَه رین تاپاغا امكان اولاييلمز
بو بس كه فقط ذره جه پروانه ده گوردوم

بیلم که حقیقتدی و یا عشق مجازی
هر کیمسه گنذیب عشقه طرف دامده گوردوم
چو خلار اوخویوب مکتب عشاقده درسی
عشقین اثرین قلب پریشانیده گوردوم
قویما کونولون عشقده رسوا اولا «حیران»
عشق عاطفه سین شمعیله پروانه ده گوردوم

زارع متخلص به «حیران»

ویران ائتمیشم

کونلومی زولفون خیالیله پریشان ائتمیشم
اوز الیمله عشق مولکون گؤرنه ویران ائتمیشم
بیر وفا سیز گولدن اوترو خاره چوخ یالوارمیشام
هر زمان بولبول کیمی مین آه و افغان ائتمیشم
عشقه یانماقدان اوزگه بیر علامت گورمه دیم
کونلومو پروانه تک چوخ شمه قریبان ائتمیشم
عشق بیر دیوانه لیکمیش درده دوشموش کونلومه
عشقدن ال چکمه دی یوز دفعه درمان ائتمیشم
عشق جوروندان قوتارماق بیر ساغالمیش دردیمیش
من بو دردین چاره سین اؤلمکدن آسان ائتمیشم
«واحد» من لیلی وش لرزولفونون مجنونویام
چوخ زماندیر وادی عشق ایچره جولان ائتمیشم

«واحد»

اولايديم

من سئوگيليم عشقينده گره ک بولبول اولايديم
مرمر سينه اوستينده قيزيل بيرگول اولايديم
زولفسون تک اوجالديق اوپه ياريم اياقيدان
سن سئره چيخان يئرده دونوب سنبل اولايديم
امديکجه اوگول بللريني نشئه له نرديم
سرمست گؤزون تک گئجه گوندوز لول اولايديم
(واحد) منه چوخدان بوياش آرتيق ليق ائديردی
ای کاش اونودا ياره وئريب يونگول اولايديم

«واحد»

قصه پروانه

قصه پروانه دن شیرین حکایت گورمه دیم
هنج حکایت دن بئله لطف و ملاحت گورمه دیم
عشق اودوندا یاندی پروانه خطرден قوخمادی
من کی انسان طایفاسیندا بو شهامت گورمه دیم
تاپمادیم بیر منطق اهلی سوزلریمدن باش تاپا
چوخ دولانندیم عالمی اهل دلالت گورمه دیم
زاهدین آنین اینانندیم خانقاه اهلی اولوب
سبحه و سجاده چوخ گوردوم دیانت گورمه دیم
آنسی داغلی عابدين باخدیم دغل کردارینا
ذکری احسان و کرم آما کرامت گورمه دیم
چوخ حقیقتدن دفاع ائتدیم حمایت ائيله دیم
حیف اولسون کی طبیعتدن حمایت گورمه دیم
آنلایان انسان اگر دوشمنده اولسا فخری وار
آنلاماز ، نادان رفیقلردن رفاقت گورمه دیم
هر نه خلقت دفترین آرتیق ورق و وردوم «وجی»
خلقه خدمت دن قبول اولموش عبادت گورمه دیم
«وجی»

جان ایسته بیرم

گولدن آرتیق سنی ای جسمیمه جان ایسته بیرم
گونه یوز یول ائده سن باغیریمی قان ایسته بیرم
آشکار آغلاسام هجرینده گولر بیگانه
خلقدن من سنی کونلومده نهان ایسته بیرم
اینجیمه گر سنی اولده دئدیم ایسته بیرم
قیلمادیم سَریمی اغیاره عیان ایسته بیرم
آیریلیق دردی قوجالدید منی غمدن اولورم
یئنه ده من سنی ای تازه جوان ایسته بیرم
نسه اولور بیرده آلاردیم یئنه آغوشه سنی
ائله بیر فرصتی چوخ خیلی زمان ایسته بیرم
گول کیمی بیر دفعه اوپمکله قیزارتدیم اوزونو
دئمه گهل منده اوپوم کی قاناقان ایسته بیرم
«واحدین» قلبینی اینجیتمه سینار شاعر دیر
جانلان آرتیق سنی ای غنچه دهان ایسته بیرم

«واحد»

کۆسموشم

جانە اود ووردوم اوزوم پروانه لردن کۆسموشم
تا که مجنون اولمیشام دیوانه لردن کۆسموشم
بیر غلط سوزدور که دُرلار گنج اولار ویرانه ده
گنج یوخ ویرانه چوخ ویرانه لردن کۆسموشم
حاصلیم اولدی مجزیدن ندامت توشه سی
ایمدی اول باش آغریدان افسانه لردن کۆسمیشم
من ائشیتدیم اول گولون میخانه لردی منزلی
اصلی گوردوم یوخ گلیب میخانه لردن کۆسموشم
خانمانیمدان منی سالدی «نباتی» دربه در
عقله باخ مجنون کیمی بیگانه لردن کۆسموشم

«نباتی»

تابع فرمانین اولوم

گلدی قوربان آیی قوی من قوزو قوربانون اولوم
تا کسینجه قوزو قوربانوی مهمانون اولوم
نشیجه مدتدی فراقوندا فغان ائیله ییرم
اذن وئر صُبحه کیمی مرغ غزلخوانون اولوم
نه مبارک سحره چاتماقا تمجیل ائدیرم؟
مصلحت بیله دیر هر لحظه نگهبانون اولوم
گر قبول اولسا نهان ائیله مه مهپاره اوزون
وقت آزالما قدادی قوی وعده پنهانون اولوم
دامنوندن ال اوزن لحظه ده خواب ایله منی
بلکه گؤز گورمیه صون تابع فرمانون اولوم
بیله فکر ائیله مه عشقینده قصور ائیله میشم
نیتیم واردی شریک غم پنهانون اولوم
ای چکن عاشقی میعادگه عشقه طرف
نقدر سویله گوروم طالب دیدارون اولوم؟

منی تعلیم ائدیب استادیم ازل گون بوسایاق
نه قـدر وار نفـسیم محرم اسرارون اولوم
جنت آباد سرکوی یوه قوی محرم راز
گله «حیرانیله» من قافله سالارون اولوم
زارع متخلص به حیران

قوربان اولدوقوم

بولم نئچون آتمیش اونوتמוש
 عهد و پیمانینه قوربان اولدوقوم
 یوخسا ئوزگه سینه اوزینی دوتמוש
 یئنه سوداسینه قوربان اولدوقوم
 من دلبری سوردوم گلیب گئندن
 دئدیلم کوسموشدی باریشماز سندن
 من التفات ائتدیم اوقاچدی مندن
 قاچقین اداسینه قوربان اولدوقوم
 او منیم سویگولوم او منیم سونام
 او خوش صداسینه قوربان اولدوقوم
 بولم هاردا قالدی او نازلی سونام
 اونسوز اوزوم گولمز آچیلماز آینام
 آیریلیق اودی سنا کونول ده یانماز
 عشق سوداسینا یانان بیرداها یانماز

چکدیگیم ناله دن نئیمچون یانماز
شیرین دریاسینه قوربان اولدوقوم
هجرانی قلیمی یاندرار یاخار
گوزلریم یولارینا باخارباخار
«مشفق» سنی یانار سنسز اودلانار
ایستمیش خیالینه قوربان اولدوقوم

«مشفق»

گۆزلر گۆزلریم

یوخسا دییر سیز زاهدم من اولموشام خلوت نشین
اول صَئَمدن اوتری بو بیر یاری گۆزلر گۆزلریم
بیستون داغی گئدیپ گزمک دگیل منظور میز
نقش شیرین تک همان فرهادی گۆزلر گۆزلریم
برق عشقون آتش سوزانه یانمیش باغریمی
یاش توکنده دجله بغدادی گۆزلر گۆزلریم
مکتب عشق ایچره تا ائتسون منی کامل عیار
اولموشام پا یسته بیر استادی گۆزلر گۆزلریم
قویمام تا اوندان ئوزگه کیسه بو ویرانه ده
روز و شب بو خاطر ناشادی گۆزلر گۆزلریم
جمله قرآن کتابی ائله مه کدن الورق
اوزگه مطلب یوخ همین بیر آدی گۆزلر گۆزلریم
محمل لیلی «نباتی» اولدی گۆزدن ناپدید
من نه مجنونم کی بو اوتادی گۆزلر گۆزلریم
«نباتی»

دگيلم

گۈزەلېم سەن گۈرۈن اول عاشق نالان دگيلم
او خمار گۈزەلرە بۈندەن سورا حيران دگيلم
ايندى گت حىسرتىنى باشقا بىر عاشق چكسىن
بىردە سە و سە سنى سوز وئرمىشەم انسان دگيلم
گە ز دولان سىر ائىلە ئوز سە و دىگىن عاشقلىرىلە
ئورە گىندەن نە گىچىر ائىلە پشيمان دگيلم
سەندە بىر آرزى گۈزەل لىك ايكى قاش گۈزەل واردير
بى وفا سەن دىمىشەم عالمە تورخان دگيلم
گۈزەل مە كەن يولونى ياخشى قوتاردىم ئوزومى
ايندى ھىچ بىر گۈزەل عشقىندە نىگارەن دگيلم^(۱)
كونلومى گۈجەلە خلاص ائىلە مىشەم زولفوندىن
داھا خاطر جەمەم عشقوندىن پرىشان دگيلم
«واحد» ايندى صداقت لى گۈزەللەر سۈيرەم
ھەر وفاسىز گۈزەلەن حىسنىنە قىربان دگيلم
«واحد»

۱- نىگارەن - ھەمان نىگران نەبەيد

صورت رحمان

آنامین حُسیننه نُوز جانیمی قوربان دئمیشم
 سسی گلجک آنامین هر سوزینه جان دئمیشم
 گُنجه گوندوز دولانار باشیما پروانه کیمی
 گُزومون گيله سین هر دردینه درمان دئمیشم
 وئر اجازه دولانیم باشیوا پروانه سایاق
 آنا رخسارینه من صورت رحمان دئمیشم
 عومرومون حاصلیم فصل بهار ایسته مه رم
 آناما نور صفا مهر درخشان دئمیشم
 آنامین عکسینه قاب ائيله دیم اوز سینه می من
 هر یثره قویدو قدم روضه رضوان دئمیشم^(۱)
 قوی نُوپوم گُزُلرین ای جنت مأوا گُزه لی
 ایاق آلتیندا کی اول جسته قربان دئمیشم

زارع متخلص به حیران

۱- بهشت زیر پای مادران است. (حضرت محمد (ص))

آیریلیق داغین

گوزوم یاشین کونول قانیله مرجان ائتمه ییم نئیلیم؟
بو آغ دُزی شیه لعل جانان ائتمه ییم نئیلیم؟
قوروموش نی کیمی هر بند بندیمدن چیخار نای
اسیر بند عشقم آه و افغان ائتمه ییم نئیلیم؟
توکوبدور سینمه دودسیه تک آیریلیق داغین
یارالی تیشه آهلین ویران ائتمه ییم نئیلیم؟
انیسیم درد و محنت مونسیم غم همدیم آه
بو جمعیتله دنیانی پریشان ائتمه ییم نئیلیم؟
توتولموش خاطریم گور اهل شهریم بی وفالقدان
بویور مجنون کیمی عزم بیابان ائتمه ییم نئیلیم؟
گوزوم یاشی آخار هجرونده مروارید غلطان تک
اونو خون جگرلن قانه غلطان ائتمه ییم نئیلیم؟
دئیللر شربت لعلیه قیل هر دردیه درمان
بیلیرسن اهل درمان میل درمان ائتمه ییم نئیلیم؟

یقینیم دور ئورکدن چیخسا پیکانین چیخار جانیم
گۆزل جان تک اونو سینمده پنهان ائتمه ییم نئیلیم؟
منی یالقیز گۆره ده ترک مستیم قصد جان ائیلر
خط و خالین خیالین مونس جان ائتمه ییم نئیلیم؟
بو بازار محبت ایچره (صراف) تهی دستم
یتیمی در اشک زیب دکان ائتمه ییم نئیلیم؟
«صراف»

قوجالیق

قوجالیق سالدی ایاقدان منی ای داد اولورم
دوشمه بیر ایندی جوانلیق اله فریاد اولورم
گؤزومون نوری گئدیپ دیزده یوخدمدور طاقت
باخیرام من ایشین ازوایشینه هر ساعت
گؤرورم هر دم اؤزومده بیر عجائب حالت
گئجه لر صبحه کیمی یاتمایرام ، هج ساعت راحت
دوشمه بیر ایندی جوانلیق اله فریاد اولورم
بیر کسیم قالمامیش عرض ائیلیم اوز احوالیمی
درد چکمکدن آقارمیش بو قارا ساقالیمی
بیر گونی ائيله مز امداد منه اقبالیمی
قوجالیق سالدی ایاقدان منی ای داد اولورم
دوشمه بیر ایندی جوانلیق اله فریاد اولورم
گئتدی الدن نه قدەر وارئیمیدی جاه و جلال
ذره جه قالمامیش اصلاً داها بیر دولت و حال

آلیب اطرافیمی لشکر کیمی اندوه و ملال
 مختصر یئتمه ده دیر عومریمه هر گونه زوال
 دوشمه بیر ایندی جوانلیق اله فریاد اولورم
 نئجه آسوده اولور درد و بلادن باشیم
 آغلاماقدان جوشوب عَمَّانه دونوب گوز یاشیم
 همت ائتمز منه اصلاً نه قوهوم قارداشیم
 بیله بیر گونه کی هشتادی گئچیدی یاشیم
 دوشمه بیر ایندی جوانلیق اله فریاد اولورم
 خوش اوگونلرکی جوانلیقدا جلالیم واریدی
 حق بیلیرکیم نه قدر دولت و حالیم واریدی
 نه کی بیر بیله منیم فکر و خیالیم واریدی
 نه ده بیر بیله منیم درد و ملالیم واریدی
 دوشمه بیر ایندی جوانلیق اله فریاد اولورم
 قوجالیق سالدی ایاقدان منی ای داد اولورم

«واحد»

گمان

دهنين شوقنا جانسوز گمان ائتمزدیم
 یوخسا بیر دم اونی من مونس جان ائتمزدیم
 وصف خال لبینی بیلسه ایدیم نامقدور
 آروز سیندا قسرا باغریمی قان ائتمزدیم
 خوبلار عاشقه میل ائتمه دیگین بیلیدیم
 ئوزومو عشقله رسوای جهان ائتمزدیم
 دوشمه سیدی گوزومون یاشینه فیض نظرن
 اونو هر سروین ایاقینا روان ائتمزدیم
 سالما سایدیم دل ویرانه عمارت طرحین
 اوندان گنج گوهر عشقی نهان ائتمزدیم
 ستم طعنه اغیاره دگیلدیم واقف
 یوخسا یارین سر کوئینده مکان ائتمزدیم
 ائتمه سیدی ستم یار «فضولی» منی زار
 بسونجه فریاد چکیب آه و فغان ائتمزدیم
 «فضولی»

اٲتمه زدیم

عقل یار اولسیدی ترک عشق یار اٲتمزدیم
 اختیار اولسیدی راحت اختیار اٲتمزدیم
 لحظه لحظه صورتین گؤرسدیم اول شیرین لبین
 سن کیمی ای بیستون من هم قرار اٲتمزدیم
 نیشه محرم ائيله دین شمعی منی محروم ائدیب
 من سنین بزمینده جان نقدین نثار اٲتمزدیم
 دردیمی عالنده پنهان دوتدوقوم ناچار دور
 اوغراسیدیم بیر طیبیه آشکار اٲتمزدیم
 یاریله اغیاری همدم گورمه گه اولسیدی صبر
 ترک غربت ائيله ییب عزم دیار اٲتمزدیم
 واعظین بزمین منیم رسوالیقمدان قیل قیاس
 اودا صدق اولسیدی من تقوی شعار اٲتمزدیم
 اول گل خندانی گورمک ممکن اولسیدی منه
 سن تک ای بولبول گلستانه گذار اٲتمزدیم
 ای «فضولی» داغ هجران ايله یانمیش کونلومی
 لاله لر آچسیدی سیر لاله زار اٲتمزدیم
 «فضولی»

پريشان اولميشام

تا اوزونى گورموشم حُسنينده حيران اولميشام
دوشدوم ساچين سوداسينه گورنه پريشان اولميشام
گل گۆر منى باطنده کي نه کنيزمي گنجم فاني دير
ظاهر ده گور بو صورتين باطنده ويران اولميشام
حَقِّين کلامي منده ديرسانمامنى حق دَن ايراق
چونکه کونولدي عرش حق پس عرش رحمان اولميشام
گنج نهانين سَرِيام هم کنت و کنزين گوهرى
هم جوهرم هم جوهرى هم جوهره کام اولميشام
چونکه «نسيمى» هم بوگون گزديم وجودوم شهرينى
فتح ائيله ديم منصور کيمي خاقان دوران اولميشام

«نسيمى»

گوردوم (سه گاه)

باغ ايچره گنديب ياريمي اغياريله گوردوم
قان اولدى كونول كييم لهرى كى خاريله گوردوم
عشق ايچره منه رونق بازار پوزولدى
اول يوسفى بير غير خريداريله گوردوم
ويرانه كونول بير داخى آباد اولاييلمز
چون گنج نهانيمي بوگون مارييله گوردوم
بيگانهلره ائيلهدى كونلومي نشانه
الطافيمي الحق بودو ديداريله گوردوم
اول ماه قرين گوشه نشين لرله ياشاردى
ثابتلرى اول كوكب سيارييله گوردوم
اي كاش اوليدى بو تماشاده گوزوم كور
بيگانهلرى گولشن آرا يارييله گوردوم
غنچه كييمي كونلوم دونه جك قانه كى (سيد)
اول نوعيكه بير خرده خريداريله گوردوم

((سيد))

گولدى

قارا قيش گىتىدى، سراسر بزه‌نېب گولدى جهان
باخیرام هر طرفه باغیله بوستان گورورم
بزه‌نېب باغیله گلزار گلیب فصل بهار
یئنه ده بلبل شیدانی خرامان گورورم
اریب شاختالی قار گىتىدى بوتون دوزلردن
آچیلیب باغ و چمنده گول و ریحان گورورم
دوزوب هجرانلارا بلبل یتیشیب گولزاره
اوتوروب ذوقیله گول اوسته غزلخوان گورورم
چکیلیب گىتىدى بوتون قارلی بولوت گوگلردن
قنزاریب شانلی گونش نورینی غلیان گورورم
بوگونشدن آلاجاقدیر هامی بیر تازه حیات
گوله جک خلق گؤزل عصریله دوران گورورم

«علی نشانی»

گولسون

اگلش گؤزه لیم ناز ایله مشاطه ده گولسون
 زلفینده گزن ناله ائدن شانه ده گولسون
 ساقی، دولانیم باشیوا پیمانه نی گزدر
 دولدور ویر ایچیم الله کی پیمانه ده گولسون
 گوردوم به زه نن وقتده مشاطه دایاندی
 آی دوره سین آلمیش او گؤزل هاله ده گولسون
 رخساره به زه ویرمگه مشاطه گوزل دی
 سن گولمه بین هئچ قوی منه بیگانه ده گولسون
 کافر گر اولوب نار جهنمده ده یانسام
 قویمام کی بویانما خلیقا پروانه ده گولسون
 وصلین منه گر آب حیات ائله سه اعطا
 اولم داخی قوی عاقل و دیوانه ده گولسون
 حسنون نیه گنج اولدی نهانخانه دیلده
 انصافه یاخینلاش دیمه ویرانه ده گولسون
 «حیرانه» طواف ایلماق اورگتدی وصالون
 لازمدی وصالین گرک (حیرانه) ده گولسون
 زارع متخلص به حیران

اولماسین

ایستی سن کونلوم کیمی زولفون پریشان اولماسین
اوردادا جور ائت منه آه ائتمه امکان اولماسین
درد عشقی قصد جان ائتمک منه هم شاكرم
ایسته رم جسمیمده درد اولسون داخی جان اولماسین
آتش روئینده افعی تک یاتیب گیسولرین
طرفه جادودور که ماه آتش ده سوزان اولماسین
مُبتلای درد عشقم ال گوتور مندن طبیب
ائيله بیر تقدیر قیل بو درده درمان اولماسین
قویما اغیار ائيله سین کوئینده جولان ای پَری
أَهْرَمَنْ لَر مَالک مُلک سلیمان اولماسین
«صابر» اُمّید وصليله غم هجرانه دؤز
هانسی بیر مشکل دی کی صبريله آسان اولماسین؟

«صابر»

اود آسمانه گئتسین

چال بیر موغام کی سازدا آه آسمانه گئتسین
 بیر شعر اوخوکی اللر رطل گرانه گئتسین
 جانان یولوندا گرباش ممکن اولا او دوزماق
 فخر و شرف اذانی قوی آسمانه گئتسین
 بو اگری قامته چوخ باخما حقا رتيله
 دشمن گوزینده اوخلار قوی بو کمانه گئتسین
 درویشلر ائدمنز سلطان ائوینده منزل
 بو کهنه دلغه اودوور اود آسمانه گئتسین
 گر دولت وصالون بیر فتح باب ائتسه
 چوخ باش کی بو خیالدا اول آستانه گئتسین
 ساغلیق یولوندا زولفون یول کسدی یوخ تعجب
 گر یول کسن سن اولسان ایش کاروانه گئتسین
 بیر عشق دیر جوانلیق هم رندلیقدا اله
 معنا ییغیشا اله قوی ایش بیانه گئتسین
 حافظ قسم قرآنه ریب و ریادن ال چک
 شاید کی عیش توپو ووردوق جهانه گئتسین
 «شیوا»

جاندان گنچرم

من کی ، جانندان گنچرم سوگیلی جانانیم اوچون
او منیم دوستومو دشمن توره دیر جانیم اوچون
سؤیرهم دوز دئسم اول شوخا اینانمیر سؤزومه
داها یوخ طاقتیم آند ایچمه یه ویجدانیم اوچون
هر سؤیملی گولون اؤز عاشیقی اؤز بولبولی وار
منده بیر بولبولم اؤز غنچه خندانیم اوچون
بیر یاخین گلمه دی بیلهم نجه خاطر جمع اولوم
چون کمند آتمیشام اول زلفی پریشانیم اوچون
ئولکه نین یوسفینه باشقا زلیخا نه گرک؟
مین زلیخا تاپیلار یوسف کنعانیم اوچون
بو شرافت منه نسلا "قالاجا قدیر «واحد»
نه قدر خدمت ائدهم آذربایجانیم اوچون؟

«واحد»

گرگ اولسون

دنیای جفا پیشه ده عصیان گرگ اولسون
اعمال بشرده بلی نقصان گرگ اولسون
هر کیمسه کی اسرار جهانہ ال آپارسا
آواره و سرگشته دوران گرگ اولسون
سیل تک عومرون جاریدی دریای زمانه
دریاده تلاطم شه پنه طوفان گرگ اولسون
مردانه لبق آثارین عیان ائتمه گه زاهد
مشکل لر ایچون وارد میدان گرگ اولسون
مجنونی دلی بیلمه او دیوانه دگیل میش
ظاهرده دلی بی سرو سامان گرگ اولسون
دریای جهالت نه بیلیر خجلت یاری
شرمنده لیگین دردینه درمان گرگ اولسون
پروانه صفت شمع شبستانی دولانما
وصل اولماق ایچون لحظه هجران گرگ اولسون

یعقوبین اگر اولدی گوزی یوسفه گریان
 عادت بئله دیر حُزن ائوی خندان گَرگ اولسون
 بیستونی اگر سالدی سسه تیشه فرهاد
 فرهاد اودو اوز سؤیگوسی حیران گَرگ اولسون
 مست اولدو کونول عالم رؤیاده بو عشقه
 عاشق بلی معشوقینه نالان گَرگ اولسون
 بیگانه سؤزون آچما منه غصّه دن اوللم^(۱)
 انسان اودی که صاحب وجدان گَرگ اولسون
 بیهوده طواف ائیله مه رؤیاده نگارین
 هر درده مهیا یئنه «حیران» گَرگ اولسون

زارع متخلص به حیران ۱۳۷۲/۶/۲۸

۱- بو مصرع واحد دن دی

دئدیم

دئدیم: ای غنچه دهن. کونلومی قان ائيله ميسن
دئدی: بیجا یئرہ عشقیمده فغان ائيله ميسن
دئدیم: انصاف ايله اينجیتمه منی عاشقینم
دئدی: گئت سَریمی دنیايه عیان ائيله ميسن
دئدیم: آغلانما منی سرو بویون شوقینده
دئدی: گؤز یاشینی بیهوده روان ائيله ميسن
دئدیم: آخر گؤزلیم باغ و بهاریم سنسن
دئدی: سن عمرینی حسرتله خزان ائيله ميسن
دئدیم: آز چکمه میشم گؤزلرینین حسرتینی
دئدی: ئوز کونلومی یرسز نگران ائيله ميسن
دئدیم: عشقینده اسیرم منه بس خیری ندیر؟
دئدی: اولده بوسو داده زیان ائيله ميسن
دئدیم: عشق آتشی نیلرمنه؟ قورخان دگیلم
دئدی: بیچاره یانارسان نه گمان ائيله ميسن؟

دئدیم: ای گل من از لدن ده گؤزل عاشقینم
دئدی: سن روحینی عشق ایله جوان ائیله میسن
دئدیم: هرگون سرکوئینده دولانما قدر ایشیم
دئدی: «واحد» نه گؤزل یرده مکان ائیله میسن
«واحد»

نئیله سین

بی نوا کؤلوم محبت سوداسیندا نئیله سین؟
 یلکانی سینمش گمی قان دالقاسیندا نئیله سین؟
 آختاریردیم نابلد چوللرده اولدوز چشمه سین
 زهره گل سین آج قلندر سفراسیندا نئیله سین؟
 گون آچار رخسارینی توپراق کمالین گؤسترر
 گول اکن باغبان زمستان شاختاسیندا نئیله سین؟
 معنویت بارداقیندا علم و ایمان بارلانا
 معرفت باری تعصب بایداسیندا نئیله سین؟
 سازیمین سیزقین سسی محراب عشقی تیتره در
 آه جانسوزوم شرارت غوغاسیندا نئیله سین؟
 کفر و ایمان میوه سی بیر بستانین محصولدور
 بوالهوس بیلمز ایکی یول اورتاسیندا نئیله سین؟
 هر کس ایستیر حکمتی یونگول عیاریلن چکه
 سن دئنن ساقی «وجی» گون قایداسیندا نئیله سین؟
 «وجی»

دولانسین

زلفینده نه لازم گؤزه لیم شانه دولانسین؟
قویما او حرمخانه نی بیگانه دولانسین
عیب ائیله مه کویینده دولانسام گئجه گوندوز
شمعین گئوک اطرافینه پروانه دولانسین
ساقی دولانیم باشینا می جامینی گزدر
سرمست اولوم باشیما میخانه دولانسین
اول زلفه کونول ویرمه دیرلر منه ال چک
اونسیز نیجه بس بو دل دیوانه دولانسین؟
مجنون نه برابر منه صحرالره قاجدی
عشق اهلی اودور عرصه ده مردانه دولانسین
اغیار ایله ئوز یارینی همدم گوره عاشق
دوشسون او گئوک دشت و بیابانه دولانسین
سرخوشلق ایله عمرینی صرف ایلمه «واحد»
عارف اونا دیرلر که حکیمانه دولانسین
«واحد»

وطن

هر زمان آرزوم بودور بیر لاله زار اولسون وطن
لاله لر گُللر آچیلین خوش دیار اولسون وطن
آذرستان ئولکه سی ظلمیله چوخ تالان اولوب
ایسته رم آبادلیغین تاپایدار اولسون وطن
اتحاد ائتمک گرکدور بو وطن فکرینده بیز
محو ائدک ظالم لری بیر خوش دیار اولسون وطن
چوخ امینم گورمه سم ذلت داخی یوردوم منم
اهل آذربایجان پر افتخار اولسون وطن
بار وئیر باغیم بوگون یول وئرمه رم ظالم لره
ایسته رم من بیر زمان کی بختیار اولسون وطن

«زرگر»

مه تابانيلن (چهارگاه)

ای خوش اول گونلرکی من هر زادی دیم جانانيلن
قيمت وصفين گوروب نازين چکرديم جانيلن
گورمه ميشدی گلشنی عيشيم خزان طرفره
اولم اميشدی تيره اياميم شب هجرانيلن
مهو شيمدن جوريلن دوران جدا ايستر منی
دشمنيم دير بيلميرم نه ائتميشم دورانيلن؟
يئسه گر عاشق لرین افلاکه افغانيله سؤز؟
يتمک اولماز ماه وش لر وصفينه افغانيلن
اشگيلن ساخلاردیم الده داغ، هجرانين اگر
ائتمک اولسايدی مدارا دیده گريانيلن
ذوقدان ديباچه باغلاندی کتاب عومرومه
قويمادی دوران گئچه اوقاتيم اول دورانيلن
ای (فضولی) اختر بختيم مساعد اولمادی
کيم اولان بيرده مقارن اول مه تابانيلن
فضولی

بلای عشق

خدنگ نازيله گويلوم قوشون شكار ايله دين
كونولده گيزلين اولان سَري آشكار ايله دين
نقدر سن يوخودون بيلمزديم عشق ندير
بلای عشقه گؤزل سن منی دچار ايله دين
سَين بو سَنبل مشکين که اميد گاهيمدی
ويريب صبا يئئينه ياخشی تارومار ايله دين
فدا او لبلريوه غنچه گل کیمی گولدور
بو بزم عشقیمی بير طرفه لاله زار ايله دين
کناردان باخورام گل منی کنار يوه آل
منی بو خلق دن عالده سن کنار ايله دين
ردیف قافیه دور سن که بحر بيلمزدون
فنون شعره بو (صرافی) سن شکار ايله دين

«صراف»

محبت ائيله سين

ايسترم انصافلى بير قاضى محبت ائيله سين
حقى آختارسين عداوت سيز قضاوت ائيله سين
بسله سين دلدارىمى باخسين منيم احوالىمه
آلاهين احكامينى دينى رعايت ائيله سين
گورسه من تقصيركارم دوز دئسين جرميم ندير؟
يوخسا پيمان سينديران دوستى ملامت ائيله سين
قول قاناد سيز بير قوشام اوچى كمندينده اسير
دانه وئرسين يا بوراخسين يا مروت ائيله سين
آچماسين زندانيمى بوش قويماسين زنجيريمى
گلسين هر دم باغلى زنداندا صحبت ائيله سين
مهربانسان ساقيا دولدور كرم پيمانه سين
راضى اولما آشنا اغياره منت ائيله سين
ياخشى ليقدان كينه قوزانماز عنایت قيل (وجى)
اصل اودوركى عالم انسانه خدمت ائيله سين

«وجى»

دئسین

صفای مجلس جانانی، کیم گوروب او دئسین
بلای محنت هجرانی کیم گوروب او دئسین
اینانمیرام منه هر کیم دئیرکی جنت وار
گوزیله رضوانی کیم گوروب او دئسین
منیم گُلیم چیچه گیم جنتیم گوزلر در
بهشتی حوری غلمانی کیم گوروب او دئسین
کمند عشقده مجنونی گورمیه نه بیلر
اسیر زلف پریشانی کیم گوروب او دئسین
من آغلادیقی نگاریم گولردی گوز یاشیما
گولر که ن اول گل خندانی کیم گوروب او دئسین
چمنده هر سحر عشق اهلینین ترانه سی وار
فغان بلبل نالانی کیم گوروب او دئسین
منیمده «واحد» اوز ایسته دیگیم گوزل لیگدیر
بهار زمانی گلستانی کیم گوروب او دئسین
«واحد»

آذربایجان گوزلی

چوخلار اینجیکدی که سن اونلارا ناز ائيله ميسن
منده اينجک کی منيم نازیمی آرائيله ميسن
ائتمسين نازی بو ویرانه کونولده سلطان
ائوبن آباد اولا درويشه نیاز ائيله ميسن
هر باخيشدا چاليسان کيپرگی مضراب کیمی
بیر قولا ق وئر بو سینیق قلبی نه ساز ائيله ميسن
باشدان آچ یایلیغی افشان ایله سوسن سنبل
سن بیزیم بايرامیمیز سان قیشی یاز ائيله ميسن
سن گون اول قوی نمی میز داغدا قار اولسون اريسین
منيم آنجاق ایشیمی سوز وگداز ائيله ميسن
من بو معناده غزل یازمالی حالیم یوخودی
سن جوجوق تک قوجانی فرفره باز ائيله ميسن
کاکلی باشدا بوروب باغلاميسان تاج کیمی
او قیزیل ساجدان اونا گوللو قوتاز ائيله ميسن
سینه بیر دشت مغان دیر قوزی یان یانه یاتیب
منيم آغلار گوزومی اوردا آراز ائيله ميسن

منی بو سوزيله آتدون آرالاندين بيردم
 آرانی بير پارا نامرديله ساز ائيله ميسن
 دستماز ايله دوقون چشم مسيحا قانيدور
 بيلميرم هانسی کليسا دا نماز ائيله ميسن
 من عشيران اوخوسام پنجه عراق اوسته گزر
 گؤزه ليم تورک اولالی ترک حجاز ائيله ميسن
 بسکه زلف خط خالون قوپالاغون گوتدون
 زلفعلی نينده باشين آز قالا داز ائيله ميسن
 گل منيم ايسته ديگيم کعبه ييخيلماز اوجالار
 باشد ادا کئچ گئده سن ديبنده تراز ائيله ميسن
 خط و خالوندان آليب مشقیمی قرآن يازارام
 بو حقيقتله منی اهل حجاز ائيله ميسن
 آی دان اولدوز منی سن ياخشی تانيرسان که سحر
 افقی خلوت ائديب راز و نیاز ائيله ميسن
 شهر يارين داغيليب داغدا داشا دالدا لانيب
 ئوزون انصاف ايله محمودی اياز ائيله ميسن

«شهریار»

بیلمه دین

بیلمه دین سن قدریمی ای نازلی جانان بیلمه دین
چکدی مین درد مین جفا هجرینده طوفان بیلمه دین
بیلمه دین سنسیز لیگین دیر قلبیمه اودلار سالان
باغریما داغلار چکن هجرانی هر آن بیلمه دین
سؤگی دنیا سیندا من هج وقت وفاسیز اولمادیم
عومرومو وئردیم سنین اوریندا قوربان بیلمه دین
عشقینی تختینه بارداش قوردی هر گون آیریلیق
جان ائوینده سئلر قوپدی طوفان بیلمه دین
اود دوتوب یاندیم کرم تک یانمادیم هئچ حالیم
بیلمه دین سنسیز دئییب گولمز سلیمان بیلمه دین

«سلیمان»

رعناسی سان

سویله ای دل هانسی باغین سن گل رعناسی سان
هانسی گلزار بهشتین سروری سن توباسی سان
آچما زلفین عطریله بیهوش ائدرسن عالمی
چونکه سن دشت خطانین عنبر سازاسی سان
نازنین جانان گوزلر قارشی دورماز روئینه
جمله سیندن سن گوزل سن هامی نین اعلاسی سان
باغبانین کیملر اولموش گوزله رین حیرانیام
سن مگر گلزار حسنین نرگس شهلاسی سان؟
گورمه یینجه گل یوزون جسمیمده قالماز طاقیم
روحو سان گویابو مسکین عاشقین اعضاسی سان
منکیمی مین لرحه مجنونلار اسیروندن سنین
سویله یاریم دوغرو سویله سن کیمین لیلای سان؟
اینجیمه ز «واحد» او گل آه و فغانیندن سنین
سن گوزلر باغینین بیر بلبل شیلای سان
واحد

دیوانه لیگیمدن

ائیل دوشدی بوتون حیرته دیوانه لیگیمدن
سَرین دئمهدیم بیرکسه مردانه لیگیمدن
خاکستر عشقم منه تحقیرله باخما
مین گنج چیخار ظاهره ویرانه لیگیمدن
مجنون کیمی من بارگه عشقی بیه ندیم
گئچدیم بو تمنائيله شاهانه لیگیمدن
مخمور گؤزون فکری ایله باده چوخ ایچدیم
بیر کیمسه ضرر گؤرمه دی دیوانه لیگیمدن
هر ماه رخون شمع کیمی عشقینه یاندیم
بیر لحظه خبر توتمادی پروانه لیگیمدن
دیوانه ی عشق اولماقا هر کیم هوس ائتسه
اولجه گرک درس آلا رندانه لیگیمدن
«واحد» من او خاکم یئنه میخانه ده بیرگون
بیر ذوق یئتر عالمه پیمانه لیگیمدن

«واحد»

نیچون

نه اوچون حسینه ای گول بیله مغرور اولدون؟
بی وفالقدان بوتون عالمه مشهور اولدون
نیه اوز عاشیقین بونجا نظردن سالدون؟
کیم لر اورگتدی سنی؟ یادلایا مجبور اولدون
دوتدون غیر الین منیده اودونا یاندیردین
سندده بیگانه اولان کسلرینن اویسنادون
اوزگه لر مجلسینی گون تک ایشیق لاندیردین
بیزه تک یئیش چک بیله سن مغرور اولدون
وئردین اغیاره نشان جمله گوزه لیک له ریوی
دئگوروم (واحدی) گورجک نیه مستور اولدون؟

«واحد»

یار اولاسان

هر گُلَن جُوروا دُوزودوم که منه یار اولاسان
 نه که مندن ال اؤزوب ئوزگیه دلدار اولاسان
 بید مجنون سایا قی اَسْمه جفانین یئلینه
 سن گرّه ک عالم رُیاده گهربار اولاسان
 کعبه حُسنیه قاب ائیلدیم اوز قلییمی من
 تا طواف ائیلماقا سن منه زُوار اولاسان
 گُوروسن آختاریرام سویگولی جانان ئوزیمه
 سن گرّه ک فوری قاچیب داخل بازار اولاسان
 منی صنعان ائلیب سالما بیابانه کی تا
 منه ترسا قیزی تک سویگولی دلدار اولاسان
 گئجه لر آیه باخیب صبحه کیمی ناله ده یم
 بلکه اغیاری آتوب تکجه وفادار اولاسان
 بوتون اسراریمی فاش ائيله دین اغیار بيله
 سن ده من تک گُوروم عالیده گرفتار اولاسان

«حیران»

ال چکمز آخر شانه زلفوندن

اله بیر تار مو سالمیش دل دیوانه زلفوندن
 او تاریلن دییر بیر عومریدور افسانه زلفوندن
 دئدیم قیلام سر زلف کجون مژگانیلن شانه
 سوزوم دوز دور ندیم ال چکمز آخر شانه زلفوندن
 خیال چشم حیوانیلن ظلماته یول سالدیم
 بحمداله و والمنه یئتیشدیم جانه زلفوندن
 دوتوم دام بلا دور دام زلفون دانه دور خالون
 نه خالیندن گئچر کؤنلوم قوشو جانانه زلفوندن
 عرقچین نافه مشکین کیمی هر گونده مین دفعه
 سالور خرمن به خرمن مشک تر هریانه زلفوندن
 سر زلفون دوتان گوندن منی تکفیر ائدر زاهد
 مگر بولمزمی مین کافر یتوب ایمانه زلفوندن
 گوروم سونسون داغیلسون بونلان آرتیق تارومار اولسون
 منیم معموره عیشیم اولوب ویرانه زلفوندن

قیامت آشکار اولموش ندندی قبردن دورماز
مگر وئرمز خبر باد سحر صنعانه زولفوندن
اولوبدور حقّدن غافل مگر مشاطه زولفون
سالوبدور فتنه‌لر چنگیز تک ایرانه زولفوندن
اگر «صرافی» بونلان چوخ پریشان روزگار ائتسن
شکایت ائیلرم شاهنشاه ایرانه زولفوندن

«صراف»

خواب خماردن

ځل ځلدي ځلدي ځير اول ځلعداردن
يوځ حاصليم بو فصلده باغ و باهاردن
عیشیم سنیله عیشدی کونلوم سنیله شاد
سنسيزنه حاصليم چمن و لاله زاردن
يارب اولیدی من کیمی مین درده مبتلا
بو دهرده جدا ائيله مه بین یاری یاردن
آخر روا دگیل اولان ځل خاريله انیس
بیگانه لر کیمی باخا بولبول کناردن
اغیاره شرح حال قلیب شکوه ائيله مز
یوز مین جفا یسته اگر یاره یاردن
پیغام یاره منتظرم تا که جان وئرم
يارب خلاص قیل منی بو انتظاردن
مشگلدی کاغذ ایله قیلام یاره عرض حال
چو خودور شکایتیم اونا بو روزگاردن

پامال قیلدی دهر اُمیدیم نهالینی
دهقان کسر نهالی اگر دوشسه باردن
مخمور نشئه می غفلت اولان «وفا»
بیدار اولیدی کاش بو خواب خماردن

«وفا»

بی وفالردن

دلا مَنّت چکینجه بسو وفاسیز آشنا لردن
یاخینلاش درگه حقه اوزاخلاش بی وفالردن
هر آهو گۆزلونون زنجیر زولفون شک ظن ائتمه
اسیری اولمامیش جهد ائت قوتار جانین خطالردن
ایاق توتدوقجا وار قاچ هر دنی خصلتله یار اولما
صداقت مَرَحمت اومما بو مسلک سیز گدالردن
زمانه اولسا رأیینجه سنیه یار اولور عالم
یامان گونده بوتون اوز دونده ریرلر بینوالردن
خطادیر ایندی هر نااهله دیل ویرمک رفیق اولماق
گدالیق دیر دیانت گۆزله مک هر بی ادا لردن
بوتون اوضاع عالم خلق اوچون بیر درس عبرتدیر
گرک دیر امتحان آلماق توکنمز ماجرالردن
اگر جنت اولا عالم صفا و ذوقدن واحد
بیزی طالع آیسرماز بیر زمان محنت سرا لردن
«واحد»

زلفه باغلی قوی گئدیم

اولموشام درد و بلا ایچره بوگون دیوانه من
وارمادیم میخانه سیندیرمادیم پیمانه من
عهدلردن گئچمه دیم پیمانه لر سیندیرمادیم
لاجرم بی مهرلر تک اولموشام افسانه من
ترک گلزار ائتمیشم بولبول کیمی من ای رقیب
عاقبت بیر گوشه ایچره گلمیشم افغانه من
عشق رخساریندا بیردم وصل ایله شاد اولمادیم
هر طرف سئر ایله دیم دوشدوم عجب هجرانه من
دوش گؤردوم کیم گلیسن کلبه احزانیمه
اول زمان حزر ایله دیم جان ویرمگیم قربانه من
گورمه دیم دشوار دیر بالله سنی بیل ای رقیب
زلفه باغلی قوی گئدیم آخر دوشوم زندانه من
واریوخومدان تک قالان آنجاق منه بیر جان ایدی
«ناتوان» داخی دئدیم صرف ائيله دیم مهمانه من
«خورشید ناتوان»

جگریم خون ائتدین

ای فراق مه جانان جگریم خون ائتدین
چهره زردیمی خوناب ایله گلگون ائتدین
جگریم قانینی گؤز یاشینه تۆکدون ای دل
واره - واره قـلـزم بـونـو جـیـحـون ائتدین
نـئـجـه حـسـنـیـله سـنـی لـیـلی یـه نـسـبـت قـیـلـام
بـیـلـمـه یـیـب قـدـریمـی تـرک مـن مـجـنـون ائتدین
سؤیله دین کیم توتارام شاد کؤنول لرده مقام
شاد ایکن بو سوز ایله کونلومو محزون ائتدین
عهد قیلدین کی جفا کسمیه سن عاشق دن
عاشقی وعده احسانیه ممنون ائتدین
جرعه جرعه می ایچیب زیب جمال آرتیردین
ذره - ذره گوزومون نورینی افزون ائتدین
ای «فضولی» آخیدیب سیل سر شک آغلیالی
عشق اهلینه افغان ائتمگی قانون ائتدین
«فضولی»

اولماسين

ميخانه مجلسينده گره ک صحبت اولماسين
بیرکسده صحبت ائيله مه گه جرئت اولماسين
صحبت خلافدير دئميرم ترکين ائيله يين
می مجلسينده جهد ائيله يين غيبت اولماسين
سر خوشلوق ائتمه گؤزله مه سن احتراميني
سالما اياغه باده نی بی حرمت اولماسين
می دن مراد و ذوق و صفا آلماق ايسه گر
می تک بساطه ذوق يتير نفرت اولماسين
ايچديکجه اهل حالی ائدهر هوشيار می
پيژمرده لنمه قابل اوتور غفلت اولماسين
پير مغان او شخصه ائديب باده نی حلالی
ذاتينده شبيهه يوخ کيم اونون علت اولماسين
سن آدم اول ادبيله می ايچ اويماجتنه
کوثر جهنم سنه قوی قسمت اولماسين

می‌دیر خلاصه روحه غذا بپرده موسیقی
بسونلاردان ئوزگه عالی نعمت اولماسین
ظَنَم خطا دگیل کی دئسم موسیقی کیمی
صنعتلر ایچره اینجه گرک صنعت اولماسین
هر علمه قیمت اولدی ایگر منجی عصریده
بیر یئر اولورمی موسیقی‌یه قیمت اولماسین

واحد

ای درده درمان هارداسان

یاندیردی شوقون جانیمی ای درده درمان هارداسان
جانیمدا جان سن سن ولی ایستر سنی جان هاراسان
وصلون شراییندن منی. سالدون خمارین رنجینه
یاندی حرارتدن ایچیم. ای آب حیوان هارداسان
ای غنچه آغزلی منی، یاندیردی هجرین آتشی
گل - گل که سنسبز غنچه تک اولدی ایچیم قان هارداسان
مشکین ساچین زنجیرینه ویردی «نسیمی کؤنلومی»
ایندی نه حاجتدور اونا زنجیرو زندان هارداسان
«نسیمی»

دوشموشم تاکی سبب سیز آیری او دلداردن
ایسترم حقدن کی محروم اولمیا م دیداردن
مسجد و میخانه دن مقصود موز جانانه دور
واصل اولسان فارغ اول تسبیحله زناردن
«نسیمی»

محرم اسرار اولاسان

گۇروم عالمده سنى من كىمى بيمار اولاسان
ياناسان آتش هجرانيله بيزار اولاسان
من اينانمىشديم ازل گون ساچين انديشه سینه
كونلومى مسكن ائديب محرم اسرار اولاسان
گۇرمه سم بيرگون اگر غيبت كبرى ديه زم
اغليان وقته سينيق كۇنلومه تيمار اولاسان
قاش گۇزون نوک مژده فتنه گر صف چكبرى
ده بيلم قويموم عالمده غمه يار اولاسان
سينه^(۱) آرخاجدى منه كۇرپه مارالين دا منم
وئرمه رم غيره كونول شاكى دادار اولاسان
ايرىلىق زهرىنى گل قويما داداخ حشره كىمى
قويمارام جسمده جان وارمى گرفتار اولاسان
زارع (حيران) ۱۳۷۲/۴/۸

وصل و فصل عنوانيندا دئيلىدى

۱- آرخاج - محل استراحت گوسفندان در صحرا که در آنجا شيرها را هم می دوشند.

خون جگردن اولایدی سیراب

اگر خوشدور منه عطری هم صفاسی گولون
جفاسی چو خودور نه حاصل کی یوخ وفاسی گولون
جفای خاری گوروب کؤچدو باغدان بولبول
گورن کیم اولدو بو گلشنده آشناسی گولون
خزانه میل ائیلهدی آلمادی وفا نظره
یتیشدی بولبوله چوخ - چوخ غم و جفاسی گولون
توکور سرشک عوضینده گوزوم اوزه آلقان
اولوبدو چونکه کونول زار و مبتلاسی گولون
یازیلسا نقطه به نقطه دئیله حرف به حرف
قورتارماز حشره قدر حالی ماجراسی گولون
عذار آییننه باخدیقجا قان اولور دیلر
ایلامی حددن آشیب محنتی بلاسی گولون
خطا یولونا دوشوب بولبوله جفا قیلدی
خطایه سالدی ئوزون عاقبت خطاسی گولون

جهاندا ذَرَه قَدَر اولماز ای کونول خندان
کی خون بولبول اگر اولماسا غذاسی گولون
توتاردی خون جگردن اولاییدی گر سیراب
گونش تک هر طرفی (ناتوان) ضیاسی گولون

«خورشید خاتون»

نفرین

گوروم عالمده گؤزل من کیمی بیمار اولاسان
گنجه گوندوز غمیلن همدم و غمخوار اولاسان
سرّیمی فاش ائلیین وقته سنین دیل دوداغون
قوروسون بلکه گولن وقته گوروم خوار اولاسان
زهری دولدوردون ایچم بیلمدین هئچ ناله نه دی
نوره گیم یاندی گوروم عشقده سربار اولاسان
ایسته دیم بلبل اولام صحن گلستانی گزه
گزمه میش ووردون اودی یاندی چمن زار اولاسان
ترک قیلدیم گولیمی گورودوم اودون شعله سینی
گوروم هج ایگله مه میش گلّری بیزار اولاسان
سعی قیلدیم که قاناد چالما قیلان شعله لری
سوندورم سونمه دی اود همدم اول نار اولاسان
نه روا بیلدین اوچام گل قالا همتاسیزاولا؟
دیلین آغزیندا کول اولسون غمیلن یار اولاسان

عشق سرگشته سیم یو خدی گناهیم گوره سن
غمیلن همدم اولام سویگومه دلداری اولاسان؟
الغرض سینی گولون شاخه سی بلبل ده گئدیب
خوشدور عالمده جفا نیله گرفتار اولاسان؟
دیگوروم نیله میشم ساحت گلشن نه ائدیب
بو سوزوم بسدی که هر لحظه گرفتار اولاسان
چکدی خجلت قلمیم آغلادی آغلادی منی
سینی «حیران» ثوره گی محتیلن یار اولاسان

زارع «حیران» ۱۳۷۲/۴/۱ تبریز

شانه سی مندن

سن زلفینی آج توک اوزونه شانه سی مندن
زنجیری نشان وئر منه دیوانه سی مندن
سن عاشیقی یانديرماقا من یانماقا مائیل
سن شمعینی گوستر منه پروانه سی مندن
زلفون قُدری عاشق اولان وار سناه ای گل
سن سویله او مجنونلاری افسانه سی مندن
سر مست گؤزون فتنه لبین نشه لی باده
ایچدیر منه اول باده نی پیمانه سی مندن
سن نازيله گول کی صدفین قیمتی آرتسین
گؤز یاشی کیمی اینجیسی دردانه سی مندن
هر دم گوتور اوزدن گوزه لیم افعی ی زلفین
چک ظاهره گنجینه نی ویرانه سی مندن
«واحد» می ی ترک ائتمک اوچون پیر مغانین
رنجیده اولوب بیر نئچه مستانه سی مندن
«واحد»

میخانه لرین

لبینه بنزه مه سیدی می ی میخانه لرین
لاله رنگ اولماز ایدی چهره سی پیمانه لرین
اولما سایدی گؤزه لیم شمع جمالین شوقی
بیری دوشمزدی یاخین آتسه پروانه لرین
توپلا زولفون کیمی ییق دورینه عاشق لرینی
قویما قالسین بئله اوز باشینا دیوانه لرین
سمت میخانهیه نفرتله اوزاخدان باخما
گل یاخیندان نظرائت زوقینا مستانه لرین
عاشقین دردینه بیر آزیئنه می دن دیر علاج
یوخسا کیم صبر قیلار جورینه بیگانه لرین
اهل عشقین بو قدر کونلونو اینجیتمه زایدی
روحی اولسایدی بو زلف ایچره گزن شانه لرین
«واحد» هج اولماسا درد یاردیر عالمده یئنه
بیزه رحم ائیه سه میندن بیری جانانه لرین
«واحد»

صاحب وجدان اولسون

گُرک عالمده بشر صاحب وجدان اولسون
خلقه شرّ ائيله مه سين قلییده ایمان اولسون
آنسنا خلقتدن مساوی ائده فقريله امیر
مگر او کسکه اونون عقلمده نقصان اولسون
وطنیم، سؤگیلیم، انسانه نه لازم دی حیات
بیله بی کس کی گُرک خاکيله یکسان اولسون
؟

نڄه اولسون

من مائلم اول ياره بس ايندى نڄه اولسون
قويموش منى آواره بس ايندى نڄه اولسون
بولبول كيى چوخ ائيله مه گل نامه دئيرلر
گل همدم اولوب خاره بس ايندى نڄه اولسون
سالميش منى گؤزدن گؤزه ليم نازلى طبييم
يوخ درديمه بيرچاره بس ايندى نڄه اولسون
قوى ائل منه ديوانه دئين من كى وورولدوم
اول طره - طراره پس ايندى نڄه اولسون
«واحد» اكر اوز شمعينه پروانه دير عاشق
منده رخ دلداره بس ايندى نڄه اولسون

واحد

دیوانه لی گیمدن

زنـجیره وورولدوم یئنه دیوانه لی گیمدن
باغلاندی بسیزیم مـ کده مستانه لی گیمدن
هر چند نگاریم منی بیگانه ساتدی
سـرین دئمه دیم هئچ کیمه مردانه لی گیمدن
ایلر بویى سـعی ائيله دیم آمالینه چاتسین
قاچقین دی نیه بولبولوم همدانه لی گیمدن
قاب ائيله دیم اوز سینه می من عکس نگاره
دیوانه کیمی قاچدی او فرزانه لی گیمدن
آچمیش گله لازم دی گرک بولبوله گولسون
سوندورمه یانان شمعوی پروانه لی گیمدن
هجرانی نه مشگلدی اگر ایریلا یاریم
لازم دی گدا اولماقی شاهانه لی گیمدن
دیوانه دئمه سؤیگوله انصافه یاخین لاش
وار حقی گه زه آیری بو بیگانه لی گیمدن

از بسکه قارا بختم و غم خوار زمانه
بیقوش دا رضا وئرمه دی همخانه لی گیمدن
چکدیکجه سنین درد و غمین آغلادی «حیران»
درس آل گؤزه‌لیم نازیله رندانه لی گیمدن

زارع متخلص به حیران ۷۲/۹/۶ تبریز

جوان عمروم هدر اولدی

افسوس کی قوجالدیدم جاوان عمروم هدر اولدو
وصلت گئجه سی تابیزه چاتدی سحر اولدو
یالواردوم عزیز دلیریمین وعده سین آلدیم
مطرب بیزی آلاتدی نیگاریم پکر اولدو
دولدوردو هوس جامینی مست ائیلدی ساقی
بیر وخت دا او یاندیم که اجل جلوه گر اولدو
هر کس کی جوان مردلیق ایله سوردو حیاتین
حورمت قازانیب جامعه ده بختور اولدو
دوستلوقدا خیانت ائله ن محرم اسرار
چوخ چکمه دی بیچاره اوزو خون جگر اولدو
پروانه نی یاندیردی تکبر اودونا شمع
آیدین سحری گورمه دی اوندان بتر اولدو
هر ذره آچیلسا ایچی بیر دنیادی ای گول
قطره ییغیشیب بسیریره بحر خزر اولدو
عرفان و ادب گزمه کونول فلسفه لردن
میدانی دولاندی «وجی» صاحب نظر اولدو
وجی

هجرانه دوندو

غمیندن غونچه تک ديل قانه دوندو
ایشیم بولبول کیمی افغانه دوندو
يامان گون ياخشى ده يدى وصل ياره
وصالیم محنتی هجرانه دوندو
پریشان تیره بخت آشفته حالم
گونوم اول زولفی موشک^(۱) افشانه دوندو
رقیبی بسوالهوس مقصوده یئئندی
دیلى سید جفادن قانه دوندو

سید

۱- موشک : همان مشک است.

ائله ديم اولدو

اوز کونلومي رسوای جهان ائيله ديم اولدو
گؤز ياشيمي عَمّانه روان ائيله ديم اولدو
اسراريمي فاش ائيله دی اغياره رقييم
صبريله دوزوب جورى نهان ائيله ديم اولدو
هر یرده قدم قويدوم انيسيم ده غم اولدی
تک قويميا غم ورد زبان ائيله ديم اولدو
آچميش گوله لازم دی قونا بلبل شيدا
داغ لاله سی تک کونلومي قان ائيله ديم اولدو
هر گون چيخارام سیره گوروم بلکه ده یاری
ياز فصليمي تبديل خزان ائيله ديم اولدو
غرق اولدی وجوديم يئنه دریای محنده
افسوس که مجاز عشقه گمان ائيلديم اولدو
فاش اولدی يئنه عشقده طوفان يارانيدی
اونچون گوزومون ياشين عمان ائيلديم اولدو

قویمام که وجودیم یانا پروانه لیقیمدان
 گؤز یاشیمی رخساره روان ائیلدیم اولدو
 هر چند که انسانی یالان بی ثمر ائیلر
 امانه ائدیم هر نه چاخان ائيله دیم اولدو
 تقصیریم اگر اولسادا اولسون نه دئمک کی
 آغزیمدا یئنه حبس زبان ائيله دیم اولدو
 آزاده اگر گزماقا وار راغبون «حیران»
 گل گؤر نئجه صحرانی مکان ائیلدیم اولدو

زارع (حیران) ۱۳۷۲/۶/۲۰ تبریز

گریزان آشیان اولدو

من اول مرغ سیه بختم گریزان آشیان اولدو
صدای آه و نالمدن پریشان آسمان اولدو
شراب لعل گلگونی دولاندير مست مستانه
خرابم وئرمه چوخ باده گؤزوم ياشی روان اولدو
تحمل وقتیدير صبر ائت نه دن میخانه سسلندی
گورونمور باده جاميمده عجب دور و زمان اولدو
غلام حلقه در گوشم گونوم آخ وای لان گئچدی
جفالر توسنين مين جک حقارت لر نهان اولدو
می و میخانه لر شاهي گرکدور تار و مار اولسون
گورونسون مست اولان ساقی نندن بی خانمان اولدو؟!
اگر صاف اولماسا باده می بین جامی مکدردور
شرار آه نالمدن دن سینم ده ناتوان اولدو
دولانام باشیوا ساقی اگر مستانه مست اولسام
ندیر عیبی دولانماقین حقیرین باغری قان اولدو؟

منی هجران ائدیب خسته سالیبیدیر فتنه لر جانہ
سر زلقون دوتان گوندن رقیبیم کؤنلوقان اولدو
صفای مجلس جانان نشان آدمیت دیر
نگاه مرغ خوشخوانه بو مجلس آشیان اولدو
خرابات اهلینه جانا خموش اولماق نه آساندیر
که اسراری نهان ائتمک بو دلخونه عیان اولدو
قدم آهسته قوی جانا تراب پاک «حیرانه»
خبر قیل یاره تعجیل ائت بهار عومروم خران اولدو

راج (حیران) ۱۳۷۲/۸/۳۰ تبریز

خاله ویرلیدیم

من ترک شراب لب یار ائیلدیم اولدو
زهر غم هجريله مدار ائیلدیم اولدو
ای شیخ بهشتی دئمه ترک ائیلین اولماز
من ترک سرکوی نگار ائیلدیم اولدو
اوز جانینی ترک ائیلین اولماز من اوزومدن
روحوم کیمی جانانی کنار ائیلدیم اولدو
ممکن دگی بیر محنته مین جان دوزه اما
من جانیمی مین درده دچار ائیلدیم اولدو
دانسته و فهمیده خط و خاله ویرلیدیم
اوز اوزگونومی تیره و تار ائیلدیم اولدو
هئچ کیمسه اوزون خوار و ذلیل ایسته مز اما
من اوز اوزومی دهرده خوار ائیلدیم اولدو
عرفان نظر بازی و رندی و ظریفی
عالمده خلاصه نه که وار ائیلدیم اولدو
«صرافه» دئدیم حکمتیلن یوخ وار اولانماز
گولدی دئدی باخ گور یوخی وار ائیلدیم اولدو
صراف

اشگی خونبار ائيله

باغبانون منم ای گل غم اغیار ائيله مه
سن منیم منده سنین ئوزگیه اقرار ائيله مه
قوی ووروم شانه صبا یئللری دگمز تلویه
دگسه ده شانه تک اولماز یئنه اصرار ائيله مه
قویما نامحرم الی زلفلریوه شانه وورا
بو دل غمزه ده نی دردیله آزار ائيله مه
آشکار اول بو گلستاندا نهان ائتمه اوزون
بوندان آرتیق گؤزومون اشگینی خونبار ائيله مه
حسن اخلاقی روا قیل چمنین گوللرینه
آتش قهریله گلزاری شرر بار ائيله مه
سویگون هر لحظه فغان ائيله سه قاجدیر دوداقون
بو تبسمله دانیشدیر داخی بیزار ائيله مه
چشم جادوئيله فتانه لری سحر ائیلیب
قویما چاره تاپالار فاتح گلزار ائيله مه
لیلی وش ناز ائيله «حیرانه» گوزل کونلونی آل
ممکن اولدوقجا اونا ناز ائيله بیزار ائيله مه
زارع (حیران)

غم ینمه (غم مخور حافظ)

ایتمیش اول یوسف گلر ای پیر کنعان غم یئمه
غمترین یوردو اولار بیرگون گولوستان غم یئمه
گر عومور یازی گله بیرده گولوستان سمتینه
باشه گول چترین چکرسن مرغ خوشخوان غم یئمه
گر دولانمیر روزگارین چرخسی بش گون کاموه
دائما بیر جور دولانماز دور دوران غم یئمه
کعبه شوقیله اگر چوللرده سن وورسان قدم
زحمته سالسا اگر خار مغیلان غم یئمه
ناامید اولما یوخوندور سر غیبتدن خبر
چوخلو گیزلین سرلر وار پرده داران غم یئمه
گر فنا سیلی قازا وارلیق کوکوم کونلوم سنین
ناخدا چون نوح دور گر اولسا طوفان غم یئمه
حافظا خلوت گئجه فقرین قرانلیق گوشه سی
تا دعا وردین ایشیندیر درس قرآن غم یئمه
شیوا

جگرخوار سَنه

غم‌دن ئولودوم دئمه‌دیم حال دل زار سَنه
ای گل تازه روا گور مه دیم آزار سَنه
ایچ می ناب کی باغ‌رین دان ائدر جمله کباب
آتش عشقیله عشاق جگر خوار سَنه
می گلگون دا دئیل نرگس مستین عکسی
قدح اولموش گوز آجیب عاشق دیدار سَنه
عارضین گل گل ائدیب دیرمی گلگون تابی
دِه که بیر گُلدن آچیلیمش نئجه گلزار سَنه
باغه سیر ائت بولب لعل ایله کیم غنچه و گل
گوستره خون دل و دیده خونبار سَنه
تا گرفتارینم آزاد اولا بیلیم غم‌دن
هیچ کیم اولماسین ای شوخ گرفتار سَنه
لعل نابین هوه‌سی باغ‌ریمی قان ائیلدی کن
آه کیم قانلی باشیم قیلمادی اظهار سَنه
ای «فضولی» فلکین واردی سنین له نظری
کیم غم و محتئینی وئردی نه کیم وار سَنه
فضولی

بهار ايله

گتور ساقى مى گلگون بو بزمى بير بهار ايله
او جام لعل فاميله بو خامى بير خمار ايله
ارم باغين تماشا ائيلديم دير مغان ايچره
او دار العيشى سن يارب هميشه لاله زار ايله
وَرع وفتى دگيل زاهد بو تسيحى قوى الدن بير
گتور سجاده نى وئر مى فروشه بير فرار ايله
لب ميگون ساقى ساغر ايله حلقه رندان
بو جمعين ايچره يارب سن منى بير ميگسار ايله
غرور روزه خشک ائتميش سنى زاهد نه غافلن
بو تزوير و ريادن گئچ خدادن بيرجه عار ايله
بحمدالله گوزون وار كور دگيلن جنت ايسترسن
قدم قوى بير خراباته سحردن بير نهار ايله
نباتى عاشقم من رندى بزمينده كى حاله
بلى، بالله بو قومون ايتلرينه جان نثار ايله
نباتى

مہیارہ بٹلہ

گنجدی مین نازیلہ اول دلبر مہیارہ بٹلہ
بیرده دونسه ووراجاق سینہ مه مین یاره بٹلہ
اینجیم عاشق لره جوور ائیلہسه بیگانه یانار
اوگولون بولبولہ نازی بٹلہ دیر خارہ بٹلہ
سویگوم آرتیراوی گویچکلری گوردو کجه گوزوم
هله پروانه اوزون وور مامیش اودلاره بٹلہ
هر کیمه سویله دیم عشقین ده اسیر اولماقیمی
دئدی کیم سالدی بو درده سنی بیچاره بٹلہ؟
گوزومون یاشینی کویینده گؤره نلر دئدیلر
سویگولوم تک نه گل اولماز نه ده فؤاره بٹلہ
(واحد) هر کیمسه ده کی عشق محبت یوخدور
آلمارام من اونسی بیر درهم و دیناره بٹلہ

واحد

زلفده کی شانہ لره

مرد اوغول ساتما اوزون دهرده بیگانه لره
 عاقل انسانه یاراشماز گوله دیوانه لره
 چیخسان آحادیله سئرائتمه گه باغ ایچره گلی
 قویما خندان اولا نامرد اوزی مستانه لره
 شمعہ باخدیقجا سوروش حکمت مجهولی ازل
 نه کی دمساز اولاسان گولمه گه پروانه لره
 دوشن عشق آتشینہ درک ائیلہمز یانماقینی
 یانسادا عیب ائیلہ مز مسلک جانانه لره
 قویما اغیارین الین زلف پریشانه دگه
 غمزہ وین تیرینی وور زلف ده کی شانہ لره
 گوروسن خوش گونوموز یوخدو دوداق لارداکؤسوب
 گؤزده حسرتله باخیرالده کی پیمانہ له ره
 مردی نامرده ساتیر گردش دورانه باخین
 آیریلیق مُهری وور ولدو یئنه میخانه لره

چمرانیب غارت الی صحن گلستانی پُوزا
بلبل حسرت قالا آوازیله گلخانه لره
آغلا «حیرانیم» اگر جسمده جان آغلا ماییب
فتح عیش ائیله قوشول عالم دیوانه لره

زارع «حیران» ۷۲/۱۰/۲ تبریز

گزمه بيله ديوانه

دوشسه بيرده نظريم مهر رخ جانانه
کافرم ميل ائيله سم سرو گل ريحانه
بونه سوز دور که منيم عشقیمی ترک ائيله ميسن
اله اله سوزده باخ سير ائيله بير بهتانه
توبه قيل تاريه باخ بيرده چوورمه بو سوزی
باخما دشمن سوزينه لعن ايله بير شیطانه
هانی زاهد که گهله بير گوره ترسا قیزی
اوزونسی ضبط ائیلیه طعنه وورا صنعانه
ایسته رم اطلس و دیباگیه سن قامتیه
مست طاووس کیمی چتر اوره سن هریانه
نظرینده دوزهله صف چکه خدام و کنیز
سن اوزون تخته چیخوب اگله شه سن خاقانه
یازیقیم گلدی (نباتی) سنه یاندی ئوره گیم
حیف سن چوخدو داخی گزمه بيله ديوانه

نباتی

کاشانه دن - کاشانه یه

سوگلیم عکسین دوشوب پیمانه دن پیمانیه
آرتسیریدی ذوقومو میخانه دن میخانیه
لیلی نین دیوانه سی مجنون اولویدور من سنین
فرق قویا عاقل گرک دیوانه دن دیوانیه
شمع ایله پروانه یاندی من جمال یار ایله
بیر تفاوت قویمالی پروانه دن پروانیه
سویله نیر دیلرده چوخ عاشقترین افسانه سی
دوشمه میشلر من کیمی افسانه دن افسانیه
یوسفی گوسترمک ایستردی زیلخا عالمه
چوخ گوزلر توپلادی کاشانه دن کاشانیه
کعبه دن بتخانه نی هرگز آیرماز حق پرست
عشق دیر یول گؤسته رن جانانه دن جانانیه
تاپمادی «واحد» هله هئچ کس بو خطین صاحبین
قالدی بو دنیا ائوی دیوانه دن دیوانیه
واحد

اشاره منه

من عارفم گۆزه لیم ائتمه گه ل اشاره منه
اورکده هر نه سۆزون وار دء آشکاره منه
اوزونده خالینی گۆردوکجه شاد اولور کونلوم
نه آی وئرر بو صفاتی نه ده ستاره منه
کتاب عشقینی بیر بیر وره قله دیم باخدیم
وصاله یئتمگه خوش گلدی استخاره منه
گوزهل که عاشیقین اینجیتمه دی بوراخ گئتسین
سئویتیم ائتسه جفا سئوگیلیم دوباره منه
دئدیم طبیبه منی قویما یخدی نشئه یئنه
لب نگاریمی یازدی بیرینجی چاره منه
شرابی وقف ائده ره م (واحد) اؤز ثوابیم ایچون
شراب خانه لهری وئرمسه لر اجاره منه

واحد

دوشسون محبته

هر کیم محبت اهلینی سالمیش اذیته
بوخ اوزگه قارقیشیم اونا دوشسون محبته
مندن نه بیر کناره قاچیر نه یاخین گهلیر
کیم اورگه دیب بو غمزه و نازی او آفته؟
آند ایچدیم آغلادیم دئدیم ای گول اسیریم
نه آندیمایا ایناندی نه گهلدی مررته
عاشق گره کدی ایسته دیگی یاره یالوارا
جانانی سالسادا اونو یوزلرجه ذله
یاریملا خوش گئچیدی حیاتیم بو عهدهیم
تاریمدا راضی دگیل گؤزه لیم بئله نیته
معجون و فاسیز اولدو قونو گوردی لیلی نین
ترک ائتدی اوز دیارینی اوز توتدو غربته
ساغلیقدا چوخ دئدیم سنه اینجیتمه (واحدی)
بیچاره حسرتینله سنین گئتدی رحمة
واحد

ملت ایچینده

مینلرجه گوزهل اولسادا هر ملت ایچینده
 اولماز سنه سنزر گوزه لیم خلقت ایچینده
 هجرینده نه لر چکدیگیمی وصلینه یئتم
 بیر بیر سنه عرض ائلییه رم صحبت ایچینده
 اول زولف پریشانه او گوندن کی اسیرم
 معجون دئیلیر آدی مه جمعیت ایچینده
 کویوندا صفا چکمه گه یول وئرمه رقیبه
 یوخدور یئری خائن آدامین جنت ایچینده
 بیگانه سوزون آچمانه غصّه دن اوللم
 بیماره ایچیرمه زهّری شربت ایچینده
 مین جاذبه واردیر گوزه لیم مست گوزونده
 انسان سنه باخدیقجا قالیر حیرت ایچینده
 (واحد) منی هر دم کی گؤروب دیندیرر اول گول
 کؤنلوم آچیلیر روحوم اوچور لذت ایچینده
 واحد

عشقینه

ای کونول بیر نامه یاز بیر گل‌عذارین عشقینه
جان ائویندن سیره‌چیخ بیر خوش گذارین عشقینه
هانسی رسامه ایله جانلانیر دنیا ائوی؟
هر چمن مین غنچه آچمیش نو بهارین عشقینه
گل گل ای سودالی بلبل گل گزه ک گلشنلری
سن گلین عشقیله دیللن . منده یارین عشقینه
گؤن گنجیر دوران گنجیر اوز حکیمینی وئرمیش زمان
نی توتولسون باده گل‌سین روزگارین عشقینه
انسان اوغلو جان وئرر پروانه تک آتشله ره
دوز سوزون دوز ایسلغارین دوز اعتبارین عشقینه
«وورغونون» ئوز عالمی ئوز قلبی ئوز الهامی وار
مهر الفتدن یارانمیش بیر دیارین عشقینه

«صمد وورغون»

میخانه لرایچره

هر کیم منه طعن ائيله سه میخانه لرایچره
قان اولسون اونون باده سی پیمانله لرایچره
اوز خلقینه هر کیم مئی ایچیب وئرسه اذیت
اولسون یئری بایقوش کیمی ویرانه لرایچره
ممکن سه فساد اهلی ایله هم قدح اولما
نقصان یئتیرر شأنسیوه بیگانه لرایچره
جهد ائيله اوکس لرله چالیش باده نی قالدیر
انسان کیمی ذوق آرتیرا مستانه لرایچره
پروانه اگر شمع یانیر آتش عشقه
من ده یانیرام هر گئجه پروانه لرایچره
بیر زولف سیه دلبره چو خداندی اسیرم
مشهورم او گوندن بری دیوانه لرایچره
«واحد» بیله جک قدرینی صراف اگر اولسا
ساخلا بو گوزله شعرینی دردانه لرایچره
واحد

تماشا قیل بو گلزاره

بهار اولدی گل ای دلبر تماشا قیل بو گلزاره
براخلدی غنچه لر پرده بشارت بلبل زاره
شقایق پرده دن چیخدی بویاندی باغله بستان
ایرشدی گلشن حسنون بویاندی رنگ ازهاره
منه منع ایتمه ای زاهد چونمه ذکره ای صوفی
کی سن مغور رسن ذکره منم مشتاق دیداره
عبیر و مشک و عنبر تک ریاحین دن چمن اولدی
سحرده طعن ائدر ساچین نسیم مشک تاتاره
کی چیخدی غنچه دن سونبول گریبان چاک ائده رسن تک
دلیندی غصه دن باغیریم سن ائتمه اورگیم یاره
چمنلر مختلف اولدی هزار الوان چیچک لردن
آچیلدی لاله نسرین شکوفه گلدی اشجاره
یخیلدی جانینه جانی دمی عیسی (نسیمی) نین
وصال دردینه درمان ایرشدی جان بیماره
نسیمی

بو گنجه

يشنه ميخانيه دوشموشدو گذاريم بو گنجه
کيمسيه چاتمادی هنج ناله و زاريم بو گنجه
بلکه ياتميشدی هامی می ساتان اصلاً یوخودی
یاکه من هنج نه ایدیم توتمادی کاریم بو گنجه
گنجه یاریدان ئوتوب بلکه بیر آز گچمیش ایدی
بیر حریف گوردی یانیر اودلارا واریم بو گنجه
دئدیم آچ قاپینی بیهوده دانیشما دئدی گئت
بوزمان محکم اولار بیل کی حصاریم بو گنجه
بورا مسجد دگیل هر لحظه آچیلین قاپیسی
گنج گلیب تز دئمه وار بوردا قراریم بو گنجه
بورا مست ائولریدی بوردا هامی مست دوشوب
وار شیرین نغمه شراب، شمع نگاریم بو گنجه
ایسته سن سنده مصاحب اولاسان اونلارا
هامی نین توپراقی اول ای دل زاریم بو گنجه
خدمت ائت دوغرو ایازانه نظامی دیبه سن
محمودون مجلسینه دوشدی گذاریم بو گنجه
نظامی

مستانه لر گولسون منه

آخر آغلان دین منی بیگانه لر گولسون منه
شمع تک یاخ دین منی پروانه لر گولسون منه
منده یالوازام گوزون یادیله پیر میکه ده
ائیله مست ائتسین منی مستانه لر گولسون منه
پرتو خورشید روئین جام می ایچره گوروب
آغلارام قوی دوریده پیمانه لر گولسون منه
قورخورام سر دهانین می ایچیب فاش ائیله یم
مست اولام کیم عارف میخانه لر گولسون منه
باغلا اول زنجیر زولفونله من سرگشته نی
قویما کیم صحرائشین دیوانه لر گولسون منه
لیللی وش زولفونله ن آیری ایستهرم مجنون اولام
قوی ائشیتسین بو سوزی فرزانه لر گولسون منه
بیخا بیلمزدی فلک اولسایدی ییخدی هجر یار
(واحدم) قوی ساکن ویرانه لر گولسون منه
واحد

شانه دگنده

اولور شکفته کونول زولف یاره شانه دگنده
نتجه کی او وچی اولور شاد اوخی نشانه دگنده
فرحله نیر اوره گیم هر زمان کی اول قاشی یارین
خدنگ غمزه سی بو چشم خونفشانه دگنده
زمانه اهلی اولور جمع خالنین نظاره سینه
باهار زمانی چیخار سئره دانه دگنده
ستاره لر یانار اول ماهه ذره جه اثر ائتمه ز
هاچانکی آهیم اودی طاق آسمانه دگنده
گه لهنده گرده الدن آلیر عنان طاقیمی
او شهسوارین الی هر زمان عنانه دگنده
دوباره جان وئریر انسانه (واحد) اول پری گویا
بیر ئوزگه نشئه سی وار تیر نازی جانه دگنده

«واحد»

شانه لره

او قارا زولف کی هر دم دولاشير شانه لره
گوسترير عشق کمندین دل دیوانه لره
مهر رخسارینی مندن کسوب اول ماه تمام
دوشدی فرصت یئنه بوندان بئله بیگانه لره
یوخسا ای گول بو قدر باده ناب ایچمه زیدیم
شوق لعلین منی جذب ائيله دی میخانه لره
قانا دونسون گوروم اول باده گولگون سنسیر
بیرده گر رغبت ائدیم ساغر و پیمانه لره
حسرت چشم خومارین لب لعلین هوه سی
گوسته ریر گوشه میخانه نی مستانه لره
شوق رخسارین ایله اودلارا یانمیش کونلوم
اویسه دیب شمعه یانماقلیغی پروانه لره
جورین آز ائت منه قورخوم بودو بیرآه چکیم
بیر یانار اود دوشه باشدان باشا کاشانه لره
(واحدم) شاعر آزاده پرستم نه غمیم
قیلما سام رغبت اگر مسجده بتخانه لره
واحد

بلبل شیدایه گوره

قاجدی صحرالرہ مجنون دئمہ لیلایه گوره
عشقہ دوشموش اودا بیر باشقا معمایه گوره
هره بیر دردیله آلوده دیر ائیلر ناله
من سنین حسنینه بلبل گل رعنائیه گوره
بو تمنا ایلیم وصلینہ ای گل یئتیشم
سیندی مندن اوره گین تزبو تمنایه گوره
یوسفین عشقی زلیخانن شرفدن سالدی
اودا زندانہ دچار اولدی زلیخا یه گوره
باشقا مه پاره لر عشقونده گوزیمدن دوشدی
قطره گوزدن دوشر البته کی دریایه گوره
گل ایچون بلبل شیدا گنچیر اوز جانیندان
گل نه ییندن گنچه جک بلبل شیدایه گوره
عمریمیز ایندی کی «واحد» بیلہ سرعتله گنچیر
ممکن اولدوقجا بوگون گور ایشی فردایه گوره
واحد

مجلس لرایچره

نوزون عشق آتشینه وورماغا دلشاد پروانه
بلی بیر دفعه یانماقدان اولور آزاد پروانه
گؤرور مجلس لرایچره شمی هر شب یار اغیاره
اونونچون یاناغین طرحین قیلیر بنیاد پروانه
سنه ای شمع تهمت لرقالیر معشوقه لرایچره
اگرچه خرمن عمرون قیلیر بر باد پروانه
دئمه معشوقه بی پروادیر شمع کیم ملامتدور
وئریب جان صبحه تک اولدو وفادان شاد پروانه
بیلیب شمعین وفاسین جسم و جانین آتسه یاندی
غم هجرون دم وصلینده ائتدی شاد پروانه
جفای هجردن جانه یئتیپ شوق وصالیه
یانیب شمعین ادونا ائتمدی فریاد پروانه
یانا چون ناتوان خسته مدام اول آتش غمدن
صبور اول ائیله عادت شیوه استاد پروانه
«خورشید ناتوان»

سنه نه

زاهدا من چكيرم بار ملامت سنه نه؟
كؤنلوم ايستير ائلييم ساقيا مئت سنه نه؟
سن اگر صاحب اعجاز و كرم سن منه نه
من گنهكارم اگر طالب ذلت سنه نه؟
منه نه معبد و محرابدا گنجير اوقاتين
قيلميشام ميخانا كنجيندا سكوت سنه نه؟
آغزيني باغلا يئمه ايچمه او روح دوت منه نه
من اگر اولماميشام اهل قناعت سنه نه؟
گنجه گوندوز باشيني تايدا يئره هي دور او تور
دگيلم اهل تظاهري عبادت سنه نه؟
سن هر ايل مگه يه گت يوز دفعه احرام باغلا
افتخاريمدي منيم خلقيمه خدمت سنه نه؟
مين كلک دير آچاسان بلکه بهشتين قابي سين
سن اولان يئرده ياپيشماز منه جنت سنه نه؟

آلتی دانک باغ جنان حوری قیلمان داسنین
 راضیم هر نه یازیب آننیمما قسمت سته نه؟
 سن گئت اؤز فکرینه قال منده بیلیم اوز عملیم
 داور آله دیسر اگر روز قیامت سته نه؟
 زندیقیم باده پرستم یارادان یاخشی بیلیر
 آخرای ظاهری خوش باطنی ظلمت سته نه؟
 «وجی» نی قویسالاکر قبرینه، سن اوندا دانیش
 من اگر طالب کفرم یا دیانت سته نه؟

«وجی»

احسان یار ائتمز منه

غم دیارینده اجل پیکی گذار ائتمز منه
یوخ سانیر واریم مگر کیم اعتبار ائتمز منه
یار جور ائتمز منه اغیار تعلیم ائتمه دن
بالله اغیار ایلین احسانی یار ائتمز منه
داغیدیر هر لحظه برگ عیشیمی آهیم یئلی
هانسی ناحق ظلم درکیم روزگار ائتمز منه
عشق دردیله خوشام ترک نصیحت قیل رفیق
منکه تریاکی مزاجم زهر کار ائتمز منه
چرخدن آشیرمادان یادین آه آتشین
قدر ائدیب گردون شردن زر نثار ائتمز منه
نقد جان تاراج غم دن ساخلماق دشوادریر
عشق تا سنگ ملامت دن حصار ائتمز منه
یاد لعلین له «فضولی» گوزله ییب راه عدم
واردی بیر تدبیری اما آشکار ائتمز منه

«فضولی»

یانان پروانه می

سن ازل گوندن خراب ائتدون منیم کاشانه می
مغتنم بیلدون داغیتدون بودل ویرانه می
قویمادون آهیمله یانسین بو کونول پروانه سین
ترک قیل ظالم داخی یاندرما ویران لانه می
هر گلی گلشنده من چشم تريله بسلدیم
من کنار اولجاق داغیتدون لاجرم گلخانه می
من ملاحه ملکنون سلطانیم گل سیر ایده ک
بلکه تقلید ایلیه ک شمع یانان پروانه می
بی خبرلر بیلمز هیچ مشاطه نین اندیشه سین
سالمیشام مجنون کیمی دنیایه من افسانه می
چکسه لر زنجیریلن داره تمنا ائتمرم
راز عشقی ساخلارام غرق ائسته ده دریا منی
نی کیمی جسمیم سز یلدار تیر آهیم داش دلر
منده مجنوندان فزون اولمام اوتا ندر ما منی

اشکیم آخدیقجا رقیبیم سیر اندر گلزاریمی
فخر اندر اهل نظر طعن ائيله مز بیجا منی
التماس ائيله صبايه گورسه گر جانانیمی
سویله سین «حیران» اولوب یانديرماسین کاشانه می
زارع (حیران)

رفاقت در سینی

اودلانسان پروانه دن او یرن صداقت در سینی
استقامت در سینی عشق و محبت در سینی
آغریسا هر عضو، گوزلر آغلایار احوالینا
مهربان گوزلردن اویرندیم رفاقت در سینی
یالوایردی شمع، ای پروانه مندن ال گوئتور
آمما پروانه قوتار میشدی شجاعت در سینی
مکتب و میخانه دن عرفان و ایمان ایستریق
ای مدرس باشلاما تفسیر و حکمت در سینی
عقل و استدلال چرخین سنیدیریب ایمانیمیز
پیریمیز اویرتدی عشاقه شهامت در سینی
حرمت ایستیرسن اگر اوول قدم قوی میدانا
تاکه سندن او یره نه همسایه حورمت در سینی
عرق و غیرت باشقا مطلب دیر جهالت آیریدیر
یازما غیرت دفتрінده بیر بریت در سینی
فرقی وار آزاده درویشی گدالاردان «وجی»
ترسه دوشسه طالعین اختار قناعت در سینی
وجی

لیلا دلیسی

اولدو کؤنلوم یئنه بیر زلف چلیپا دلیسی
دوشدو زنجیره نه خوش بیرده بو سودا دلیسی
عور و عریان باش آچیق اوز چووروب صحرايه
قویدو مجنوننی یاری یولدا بو صحرا دلیسی
عاشق سوخته دور بلبل شیدا که دگیل
که اولوبدور دییه سن بیرگل حمرا دلیسی
چوخلاری مست قلیب ساقی میخانه عشق
گورمه دی کیمسه منیم تک بيله رسوا دلیسی
دئمه فرهادیله مجنوننی دلی دور منه باخ
بیری شیرین دلیسی دیر بیری لیلا دلیسی
گور ایاقیندا سحر وقتی یخیمیشدیم مست
بیری سئلندی کسی ای نو گل رعنا دلیسی
بیر آیسیل گورکه نباتی نئجه اوراد ائیلر
نه یاتیبسان بيله ای بیر گوزو شهلا دلیسی
نباتی

مفلوک

باخدیقجا گوزوم باغیریمی قان ائیله دی گئندی
گوز یاشیمی رخساره روان ائیله دی گئندی
ایللر بوی من ناله جانسوزینه دوزدوم
بیرسوز دئمه میش قاشی کمان ائیله دی گئندی
یاندیرماق ایچون قلبیمی اغیاره قونوشدی
آخرده منی دل نگران ائیله دی گئندی
داغلاردا حمیل آهویا بنزردی یئریشده
سینم قفسین درده مکان ائیله دی گئندی
بیر لحظه دانیشمازدی باخیشدان سوز آلاردی
خوش گونله ریمی فصل خزان ائیله دی گئندی
آرام اولا بنیلم نه قه در جسمده جان وار
اسراریمی اغیاره عیان ائیله دی گئندی
مین درده دچار ائیله دی حیرانی قوجاتدی
ظالم منی مفلوک زمان ائیله دی گئندی
زارع «حیران»

میسر سوسنی

مهربانین باغ عشقی ای معطر سوسنی
قویما اوزسون گیز لیجه هر بولبول ددخوسنی
من سنین بی رحم دل صیادوم گل قوینوما
گل اوپوم گل اوخشاییم ای نازنین آهوسنی
سیزلایام آخرده من بیلمز اما من نچون
هر سیخان آغوشینه گه او سنی گه بو سنی
چرخ دورانیم معلّا التفاتیندان بودور
جام عومرون گورمه دیم هئج بیر زمان من بو سنی
عشق صحراسیندا سرگردان گزهن بیر تشنه ام
سؤگولوم بیلسم نولوب شهره دولانان بو سنی
(مشفق) اقلیم سؤدادن زیانین یوخ فقط
تیر مژگانیه بیخدی بیر کمان ابرو سنی

مشفق

صد پاره منی

قویموسان حسینه حسرت ای اوز و قاره منی
اؤتمیسین عشقین اوجاندان نئجه آواره منی
وورموسان بیر ایله اوخ قلبیمه ای شوخ منیم
یوخ گمانیم ساغلام اولدورو بو یاره منی
تکجه بیر جانہ عزیزیم کی جفادیر بو بلا
بیلیمیم هئج بو گونه سالدی او مه پاره منی
گولونی بولبوله بیلدیر چمنی باغ ایچره
چک مه ییب عشق اودونی اول شب یلدایه منی
بسی چکدین بو قدر هجریمی ای قاشی کمان
طعنۀ دشمن ائدیب آخری صد پاره منی
بی سوادین جانینی آماقابیر قصدیم وار
او منم بیره پری چک گوزه لیم داره منی

بلبلر کیمی

چوخ دولان دیم کی گوروم اول چشم جادولار کیمی
گورمه دیم سیر ائيله دیم دنیانی هندولار کیمی
بخت ناسازیم منی تا ائتدی کوییندن جدا
داد و فریاد ائیلرم چوللرده بولبوللر کیمی
کنج مخفی اولدوقون تا بیلیمشم زلفونده دیر
اولموشام ویرانه لر سلطانی بایقولار^(۱) کیمی
سنسیر ای مه طلعت شکر لب حوری لقا
تلخ اولوب آب نبات آغزوندا آغولار کیمی
محنت هجرونده عومروم باشه گلدی ای صنم
حیف کیم قول سالمادیم بوینوا گیسولار کیمی
تا مگر وئرسون (نباتی) بوی زلفوندن خبر
هر طرف جولان ائدر صحرا ده آهولار کیمی
نباتی

۱- بایقو: بیقوش - جغد

ایسته میر منی

بیللم نه ائتمیشم یسئه یار ایسته میر منی
اویموش رقیبه نازلی نگار ایسته میر منی
یاندیردی داغی حسرتیله خسته کونلمو
بیلدی رقیب اولاله عذار ایسته میر منی
اوز یاریم ایسته سین تکی بیگانه سئومه سین
گول ایسته سین جهنمه خار ایسته میر منی
بیللم نه سز دیر او قارا گوزلو دلبریم
هر دم اولاندا مست و خمار ایسته میر منی
اغیاره ناز ائدیر منی دیندیرمه بیر اوگول
گویا خزان یئٹیشدی بهار ایسته میر منی
(واحد) اگر چه وار بیزده ناز ائدن گوزل
من سؤدیگیم او چشم خمار ایسته میر منی

واحد

يار هانی

آج گۆزل معرفتین دفتربنی یار هانی؟
ایکی دیدم کیمی عالمده وفادا هانی؟
مردلر مردلیقی نامرده ساتیب داد آی امان
قره قوشلار دوتورو کهلیگی دادار هانی؟
فره لر داش دؤشینه قاچدیلار پنهان اولالار
حرم آهولرینه داشدا پرستار هانی؟
بوتون عالم قونوشوب جنگ و جدل عرصه سینه
شمع و پروانه نولوب گلشن و گلزار هانی؟
فخریدیر گر یارادام عشقده طوفان اودونو
منده منصور اولام اهدافیمه غمخوار هانی
یازما «حیران» سوزووی ساخلا گیلان قبریده یاز
قلبدن شعله له نیر اود سته تیمار هانی؟

زارع (حیران)

نوره گیم

نوره گیم قانه دونوب باده و پیمانه کیمی
پوزولوبدور جگرم خانه دیوانه کیمی
یا دوتون بنده ورون یا که دا زندانه سالون
باغلیون قولاریمی خانه ده دیوانه کیمی
منی زنجیره سالیب خانه ده دیوانه کیمی
اذن ویر بیر دولانیم باشیوا پروانه کیمی
بیر اطاق خلوت اولاییدی سنبله بیر منچون
شاهیلن صحبت ائدردیک تا که او باشدانه کیمی

؟

فاش ائیلیم اسرایمی

دادگاهه عشقه یول تاپدیم گۆره‌م دلداریمی
آخرین دیدارده فاش ائیلیم اسرایمی
یوخدو ممکن حاکمه پرونده باغلانجاق گرک
سالماقا تأخیره حکمی، باشیلیام اسرایمی
مکتب عشاقیده درس محبت آلماقی
یاده دوشدوکجه . مشوش ائیلدی افکاریمی
فارغ اولجاق حکمت مجهوله داداریدن
پوزودو ویران ائیلهدی بیلم نیه پرگاریمی
کاروان عومروموز طی ائیلهدی چوخ مرحله
دهر دون آزاره سالدی قافله سالاریمی
شرحه شرحه جسمیمی گرد و غراسا پاک ائيله مز
بیر باخیشدا درک ائدر سینمده کی پنداریمی
بوندان آرتیق دوزمه‌گه صبر و قراریم قالمادی
راضیم داره وورولسامدا ائدم اظهاریمی

قوی محبت چشمه سی لبریز اولا خونابیلن
بلکه فاش ائتسین جهانہ مطلب و گفتاریمی
لی لی نین مجنونینہ ہمتالیقی ممکن دئیل
بو ہمین بسکہ دوشونسون جور سیز گفتاریمی
چوخ دولاندیم عرصہ عشاقی مست اولماخلیقا
تاپمادیم مست اولماقا میخانہ خمّاریمی
من محبت چشمہ سیندن ایچمیشم آب حیات
قویمارام بیگانه اودوورسون یانا گلزاریمی

زارع متخلص بہ حیران

نالان منی

سن سیزم سن سیزلیگیم ائتمیش یئنه نالان منی
بیلیمیرم نهچون بیر آن ترک ائتمه ییر بیر آن منی
لحظه لحظه یاش توکن کونلوم سیزیلدار نی کیمی
گل ترخم ائیله قویما گوزلری گریان منی
جهد ائدیپ چوخ ایسته رم غمسیز کدرسیز عمر ائدم
هارد اولسام اوز دوتوب غملر تاپار پنهان منی
من محبت عاشقی قلییم سنه پیوسته دیر
ای نگاریم قویما تنز محوائیلیه طوفان منی

۹.

بھانہ «تضمین ترکی»

دلبر منہ یتیشدی جفانی بھانہ ائیلہدی
سالدی باشین اشاقہ حیانی بھانہ ائیلہدی
گلدی بزمہ من تیرہ روزی گورماقا
اوتورمامیش گئندی تنگی جانی بھانہ ائیلہدی
بویانمیشدی پسنجہسی عاشققرین قانونہ
باغلامیشدی اللرینہ حنانی بھانہ ائیلہدی
گئندیم مسجدہ عذارون گورماق ایچون
الین دوتدی ئوزینہ دعانی بھانہ ائیلہدی
زاهسد یوخودی تاب تماشای مہوشان
بیرگوشہدہ اگلشیب ترس خدانسی بھانہ ائیلہدی
بیرگون گنجیردی «حیران» اونون کوئیندن
اگلشدی یئرہ ایاق یومانی بھانہ ائیلہدی

زارع (حیران)

ترکی بھانہ کرد شاطر عباس صبوحو

ماه نو

قدیمی پیوسته قاشون اگدی چوگان ائیلهدی
کوکلومی همواره زولفون ییخدی ویران ائیلهدی
ایسته دی چکسین فلک هر آی باشیندا ماه نو
قاشلارون طرحین گوتوردی الله عنوان ائیلهدی
گوردی چون کوکلوم خدنگون همدم جانسوز دور
جان کیمی باغرینا باسدی مونس جان ائیلهدی
جانیمی آماقدا عشقون قانیمه قیلدی کرم
قانیمی توکمکده غمزون جانه احسان ائیلهدی
تیر عشقون سینهدن چیخماز مگر جانیم چیخا
جانیلن اولده بیله عهد و پیمان ائیلهدی
چکمه زحمت دردیمون درمانی یوخدی ای طبیب
کیم مریض عشقه بو عالمده درمان ائیلهدی؟
بیلمدیم یارین ایکی صورته بیر تک خالی وار
اوینادیم خالیه یانددیم من او تالان ائیلهدی
چیخمامیش جانیم دیون «صرافه» تیز گلوسین منی
بیر کمان ابرو نشان تیر مژگان ائیلهدی
صراف

بونه می دیر

بونه می دیرکه ایچرکن منی بیهوش ائتدی
خاطریمدن غم و اندوهی فراموش ائتدی
تاپمادیم چاره یانان کونولمه می دن غیری
منی عشقین نه قَدَر درد و غمه توش ائتدی
گر الیم یئتسه ایاقیندان اوپردیم ساقی
خیم می تک می ایچرکن بدنیم جوش ائتدی
جنت اهلی او آدام دیرکی دونوب واعظه دن
پیر میخانه نصیحت لرینی گوش ائتدی
می اگر لعل و لب دلبره آسوده دگیل
بس ایاغینه صراحی یئنه کورنوش ائتدی
عشق بیر شعله چکیب یاندی وجودیم یکسر
گورکی بیر آه بو شمع می نئجه خاموش ائتدی
توکدو «واحد» یئنه یاریم اوزونه تلله رینی
جمع کن خاطر محزونیمی مغشوش ائتدی
واحد

چگیننده شانه لر یاندی

شرار شمع آهیمدن منیم پروانه لر یاندی
اوزوم یاندیم نول اولدوم سهلیدور بیگانه لر یاندی
تجالدی جمال جام غملن بیله سرگرم
دوتوب اود یاندی جانیم بیلمدیم اما نه لر یاندی
دیون مجنونه بول بی خانمان اولماخلیقین قدرین
شعاع حسن لیلادن سراسر خانه لر یاندی
یانارسان ای کونول گل طره جانانه چنگ وورما
سئچون مشاطه لر چگیننده گوردوم شانه لر یاندی
بلا صحراسی اولجاق مسکنیم، بیر آه چکدیم کی
دوتوب صحرالراود جانا دل دیوانه لر یاندی
بو غم کنجینده سنسیر ای منیم شمع شب افروزیم
پیایی آهمیلن مشعل شاهانه لر یاندی
محبت بوته سینده یانمادی بیر نقدی «صرافون»
بو سوز عشقینلن چوخ فرزانه لر یاندی
صراف

شربت هجران

چوخ گلیب ناز ائله مه ائله مه دیوانه منی
 شمعہ مایل دگیلم بیل مه ده پروانه منی
 سنکه تقلید ائدین عشقده ترسا قیزی
 ولی اوخشادم گیلان عشقده صنّعانه منی
 دولدور ایچ شربت هجرانیوی مست ائله ئوزون
 بیلمه همتا گؤزلیم یوسف کنعانه منی
 بسکه قلیلم یارادور سن کیمی یار ایسته مرم
 نه به لازم دیبه سن عاشق مستانه منی
 گل صفا وئر گؤزه لیم مجلس وکاشانه میزه
 قویما زنجیر ائلیه زلف پریشانه منی
 من اگر درس محبتده وفا گورمه میشم
 نه روا گونده ره سن سوی دبستانه^(۱) منی؟

۱- منظور محل تأدیب می باشد.

ایستین گورمه سن بیرده منیم پیکریمی
سن گرک دفن ایده سن کوه و بیابانه منی
هرگون آخشام یول آچیب قبریمه قان آغلیسان
دئمه «حیران» آدینی بیل یئنه بیگانه منی

زارع (حیران)

۱- منظور از داستان محل تأدیب و ادب می باشد.

حاصل ائندی کاممی

باده نوریله ایشیلدا سا قیا بیر جاممی
بیر اوخو مطرب زمانه حاصل ائندی کاممی
یارین عکسین گۆرموشوق بیر می ایچینه جامده
ای خبر سیز بیلمه یین لذت بو شرب دائمی
هئچواق اولمز بیر اوره ک کیم زنده عشقیله اول
ثبت ائدیپ دست قضا لوح جهاندا ناممی
چو خدو نازی سرو بویلو نازنین لر بیر داها
جلوه لنمک فکره سالمیش یار سرو انداممی
گولشن احبابه گئچسن ای صبا بیر لطف قیل
عرضیه حتما" یتیر جانانه وئر پیغاممی
عرض ایله عمدا" نیه یاددان چیخاردیرسان بیزی
دیللره بیرگون دوشر سنده اونودسان ناممی
مست لیک اول نرگس مستانیه چوخ یاخشی دیر
او جهتدن تاپشیریلار بیر بیانه جانمی

قورخورام صرف ائتمه سین روز قیامتده داها
بیر چۆرک شیخدن حلال مندن حرام می جاممی
حافظا افشان ائله گوزدانه سین (شیوا) کیمی
بلکه تاپسین دلبرین وصلت قوشوبو داممی

ترکی حافظ شیوا

عمریمی بر باد ایلدی

غمی تفسیر ائلیین اولسا گؤرردی نه قدر
سینه می تنگه سالوب عمریمی بر باد ائیلدی
آه او گوندن که سینم تنگ اولا نالم اوجالا
گوره لر غم نئجه غمخانه نی آباد ائیلدی
اغلیان وقته گوزوم یاشی قوتولسانه غمیم
گویده کی قاره بولودلار منه امداد ائیلدی
غمی خلق ائلیه نین سینه سی چاک اولسا اگر
گورر عالنده نقدر غم بیزی ناشاد ائیلدی
یاندیریب غم بونون اجزاعیمی پروانه سایاق
ئوره دیب راه عدم جوردا بیداد ائیلدی
بیلدیکی خاک ره عشقه جان قویمالیام
چاتا آهیم فلکه غم یولون آباد ائیلدی
دئمگ اولماز ئوره گین سزینی غم خانقینه
بیر عومور چگدیگیم آلامیمی بر باد ائیلدی

گلّه نقل ائیلدیم اسراریمی بلبل ائشیدیب
شوق پروازدن ال چکمه گینی یاد ائیله دی
قویدی مجنون کیمی باش باشه گولون بسترینه
غنچه ایله سئویشیب شاد اولا فریاد ائیله دی
یئنه «حیران» اوخوسان غم سوزونی غملی له ره؟
نیه درک ائیله مه دین دردلی سینهن داد ائیله دی؟

زارع (حیران) ۱۳۷۲/۴/۲ تبریز

سیگار

چکمه سیگاری جوان ترک ائله فی‌القوری اماندی
کیمسه چکدی اونو مطرود گوزل هر دو جهانندی
گر جوان بیلسه کی سرچشمه‌دی هر فسق و فساده
چکمز اصلاً" اونو درک ائیله‌سه هر لحظه زیانندی
هر کیم انساندی ارادیله گؤرر هر عملی
بیرده چکمه داخی سیگاری داداش ترک ائت اماندی
سن نه لر گؤرموسن اوندامنه فاش ائیله بولوم
بیرزمان درک ائده چکسن که نهان ایشلر عیانندی
نه آتاندان اوتانیرسان نه ده قارداش باجی‌دان
پرده یی‌رتیلدی داخی حرمت و تقوا آزالانندی
وئرر ازلسده ده‌سنه بیردانا سیگار وینستون
صونرا ره‌لرسنه هموار پس پرده عیانندی
هر کیم ئورگتدی سنه بیرده یاخین لاشما اونا
اوسنین مالیوی هم جانیوی چنگین دن آلانندی

بَنگ و تریاک و حشیش هر اوچو سیگاره دایاق
سنده یار اولموسان اونلاره وجودون نگراندی
سن بیر انسان اوزووه رحم ائیله درک ائیله اوزون
آت یثره جیب ده کی سیگاریوی ترک ائیله اماندی
چکجه گین کبریتی سیگاره اوزونده یانیسان
خبرین یوخدوکی هر شعله سی مین درده سالاندی
چوخ تلاش ائیله دی دشمن بیزی اغفال ائیلله
گُوردو ممکن دگیلی نار ریا کاریله یاندی
سن جوان سان گره ک عالم ده گُهریار اولاسان
بیر گذر گهدی بو عالم بوتون افسانه یالاندی
قویما عومرون گشچه عالمده بطالنده جوان
چون قالان عالم عَقباده نیک آدلاردی قالاندی
کیمسه قویدو ایاقین عرصه اعمال به ده
لاجرم داردا قالیب نیمه راهینده دایاندی

زارع متخلص به حیران ۱۳۷۶/۹/۲۷ تبریز

منیم نغمه له ریم

حیات شیرین عومور جوان آرزو مین مین
سن ای نغمه م یولون بعضاً اولسا چتین
سَسین گلسین مجلسلردن متین متین
قیمت اومما هر ناشی دان سیخیلما هیچ
سن ائللرین سینا غیندان اینانما گئچ
سن بیر قارتال^(۱) یا بیر ترلان اولماسان دا
اوجا داغلار اوسته قاناد چالما سان دا
چینار اولوب یئره گولگه سالماسان دا
کوریه قوش اول اوز قانادین اولسون آنجاق
کونلومده کی محبتدن اولما اوزاق
اوزگوجونله سن اوجالسان تورپاق اوسته
سانارام کی قویدوم داغی من داغ اوسته

۱- قارتال : عقاب

مین زحمتله اوشاق قالخار ایاق اوسته
 یاد ائلردن دیلمه مه دیم اصلا کومک
 یاخین دوستوم بیر قلم دیر بیرده امک
 گاه جبهه ده هارای چکدین عسگر کیمی
 گاهدا آچدین قاپیلاری سحر کیمی
 یولار گئچن داغلار آشان کهنه کیمی
 قوی بو وطن تورپا غینلا ایزین قالسین
 اوز نفسین اوز آهنگین سوزون قالسین
 اوره گیمین میوه سی دیر هر اثریم
 آز آخمادی وراق اوسته آیین تیریم
 قاناد لانیب گزیه سه ایدی نغمه له ریم
 یاد ائتمزدی اوباما منی اویماق منی
 اونو داری وطن منی تورپاق منی

مدینه گلگون

ترياکي غزلي

ترياکي چکنر بيله گر آفت جاندي
هئچ وقت چکه بيلمز اونو دنيايه عياندی
تير ياکيده آثار مروّت اولا بيلمز
گر اولسادا يوخ غيرتي مطرود زماندي
بیر لحظه عيان اولسا چکن وقتده خلقه
حقا که داخی نیله سه رسوای جهاندي
هر کیمسه کی ترک ائندی بو افیونی خوش اولسون
هئچ کس دوزه بيلمز اونا چون خرجی کلاندي
مین جور سنه گر نشئه ویره فايداسی یو خودور
آخر گؤره جک سن که گؤزل قاتل جاندي
هرکیم سنه اورگتدی گوروم آتسه یانسين
هم مبدعی هم آخری بیر شیندی چاخاندي
سویمور بيله بیر آفتی بازار شرافت
هر کیمسه کی آلوده دی پامال جهاندي

بيلم نسيه بسند اولدوم او زنجير جفايه
 باخ گور نئجه ترياك لرين مالي تالاندي
 اگنينده اولان رخت جفا پيشه دن ال چك
 واللهم عومور باده وئرن قاتل جاندي
 غيرتليدي هر كيمسه كي ترياك كي گورنده
 في القوري قاچا درك ائليه آفت جاندي
 انسانه ياراشماز گنده بيراهه يولوندان
 بسيراهه گئدنلر ديه بيلم كه ناداندي
 بير بيله طبيعت يارانيب بيزلره خاطر
 عبرتله باخين عالمه چوخ ياخشي ياماندي
 ترياك كي له مانوس اولانين غيرتي اولسا
 وور ماز اليني بيله كي رسواي جهاندي
 ترك ائيله بو افیونی داداش آفت جاندي
 هر كيمسه اونو ترك ائده محبوب جهاندي

زارع متخلص به «حیران»

حقیقت

ازدن حقیقت عاشیقیم من
باشقا جور یاراتمیش طبیعت منی
اسه رم جوشارام دریا تک آنجاق
یاشاتماز کین منی کودوروت منی
نه مرادا یئتدی نه گاما چاتدی
اوزگه قاپسینا کیم کسی داش اتدی
عومرون یولوندا مغرور یاشاتدی
عهدیمه سوزومه صداقت منی
بولانیر دورولور داغلاردا سئلر
ده ییشیر نسیل لر دونور نسیل لر
قورخورام ایللردن قوی اؤتسون ایلر
قوجاتماز دونیادا مسحت منی

؟

سنى گۆرەندە شادام

سنى گۆرۈندە شادام گۆرمىندە ناشاد
يىقىن كىمىندە ياتىب گۈزلىرىن كىيىرىگى
چىراغ آرزوم سىن سىن
اگر قاش گۆزۈن اخىم ئىلە سە
ھىجر آتشىن آرايى سەلما
تاپشورمى قارا توپراقە ياخشى راحت ساخلاسىن
شەرحىن فراواندى دىمەگ اولماز
اگر گۈل پىرىشان اولسا بولبول نە ايلەسىن
نە مەن اولايىدىم نە بو عالم
آختاردىم عطرىن تاپماقا گۈلزارە گىتىدىم
چىخارام بو تەمرىفدن كىنار؟

۹.

فهرست ماهنی غزللری

مطلع غزل	صفحه	نام شاعر
عنوان کتاب	۱	
مشخصات کتاب	۲	
مقدمه	۳	
کۆنول وفاسیز اولان نازلی یاره یالوارما	۵	واحد
بیر نغمه اوخودوم ترجمان اولدو	۶	مدینه گلگون
منه همدم گۆرونور شمعيله پروانه طیب	۷	زارع متخلص به حیران
پای بند اولدوم سر زلف پریشانین گۆروب	۹	فضولی
ثوره گیم اولدو غم یاريله دیوانه طیب	۱۰	زارع متخلص به حیران
مرده جسمیم التفاتوندان بولور دائم حیات	۱۱	فضولی
صباغیار دانال چک غمیم دلداره اظهارث	۱۲	فضولی
سن زلیخاسن اگر دیده گریانیمه باخ	۱۳	زارع متخلص به حیران
قسم جمالینه سندن صورنا شاهیم یوخ	۱۵	نسیمی
مطربا چالما سازین دیده گریانیمه باخ	۱۶	زارع متخلص به حیران
سن سیزی گل کونلومون بیردم فراری یوخدویوخ	۱۸	نباتی
عریان و زار اولدوم یتنه مجنوناباخ	۱۹	نباتی
نالهدن دیرینی کیمی آوازه عشقیم بلند	۲۰	فضولی
باغلا زولفونله منی گوشه زندانه آپار	۲۱	زارع متخلص به حیران
آفتاب طلعتیندن ماه تابان رود و تار	۲۳	نسیمی
تیر غمزون قانیمه باتماز دئدیم یاندان گنچر	۲۴	صراف
لبینه اهل نظر چشمه حیوان دئدیله	۲۶	نسیمی

میرمهدی	۲۷	گوزله‌لیم گوزله ریتین صحتی هریاندا اولار
سلیمان	۲۸	یئر اوزونده هره‌نین اوزایشی اوز صحتی وار
نباتی	۲۹	بیله مستم بیلیم کیم می نه دیرمینا ندیر
واحد	۳۰	عشقین تمام نشه‌سی دیوانه لیک ده دیر
صراف	۳۱	پری وشلر همیشه رسمیدیر عشاقه نازائیلر
زرگری	۳۲	وطنین عشق اودونا بولد دیوانه یانار
نسیمی	۳۳	هامی گون منتظریم منکه بو پرگار ندیر؟
زارع متخلص به حیران	۳۴	اولدورمه منی ظالمیم اگر جسمده جان وار
زارع متخلص به حیران	۳۵	چشم مستندیر منی کوه و بیابانه سالان
؟	۳۷	پریان خاطریم بیر طره پرپیچ و تاب ایستر
زارع متخلص به حیران	۳۸	گل ایگی گولدن قابق گلشنده بیداد ائیلیر
نسیمی	۴۰	ساقیادولندور قدح چون یتدی فصل نوبهار
؟	۴۱	بووقت که جان تیکن اوخلارین نگاره‌سالی
واحد	۴۲	موسیقی نشه‌سی مین شوگیلی جانانه دگر
صراف	۴۴	پریان ائیلین احوالیمی آشفته کیسودور
زارع متخلص به حیران	۴۵	وصال یاره صبرائتمک نشانی عشق وصلت دیر
زارع متخلص به حیران	۴۷	محبت باغچاسنین پروانه‌سی آنام دور
مدینه گلگون	۴۹	قاناد چالین گوی اوزونده یتنه دور نالار
زارع متخلص به حیران	۵۱	خوش باهار اولدو یتنه باغچامیزالوان گورونور
صراف	۵۲	دیردیم قامت سحرورن قیامتدن علامت دیر
صراف	۵۳	اگر رسمدیر گل عندلیبه ناز ائیلر
فضولی	۵۴	لانه تک قلبیم منیم ای نازنین یوز پاره‌دیر
فضولی	۵۵	صبحه تک یاتما بیرام یوخدی قراریم گجه‌لر
فضولی	۵۶	منده مجنوندان فزون عاشقلی استعدادی وار

۵۷	سلیمان	یثر اوزونده هره‌نین اوزایشی اوز صحبتی وار
۵۸	صمد وورغون	آروزم دیله بیم شوگیلی یاریم وطنمدیر
۵۹	فضولی	جلوه عکس رخون آئینه‌دن دیر رشک جور
۶۰	واحد	حیات باغچاسنین باغبانی بیزیک
۶۱	فضولی	خوشام کیم دم بدم گریان گوزوم
۶۲	فضولی	جان وئرمه غم عشقه
۶۳	نظامی	دئدیم عشقیمده وفا گؤستره چک نازلی نگار
۶۴	خورشید بانو	سحرگاه ناگهان گوردوم دل زاریم نهان آغلار
۶۶	زارع متخلص به حیران	عالمده آچان گللره پروانه آنام دور
۶۸	واحد	کیمده وار دیر گوزه‌لیم سنده اولان جاذبه لر
۶۹	فضولی	آشیان مرغ دل زلف پریشانین ده دیر
۷۰	زارع متخلص به حیران	موسیقی مجلسینن آیری علامت‌لری وار
۷۲	وحی	انسانلار حورمت ائده‌نین قیمی یوخدور
۷۴	وحی	ساقیا سن سیز دوشوب‌دور خاصیتدن باده‌لر
۷۵	واحد	دئمه مجنونه دلی بلکه ده لیلا دلی دیر
۷۶	زارع متخلص به حیران	بنزر گؤزه‌لیم روضه رضوانه عجب شیر
۷۹	زارع متخلص به حیران	دئمه‌ای یار ئولورم روحوم اومه پاره ده دیر
۸۰	وحی	یوگنجه مجلسین ای ساقی عجب شوکتی وار
۸۲	واحد	سن سیز ای شوخ منیم خوشگذرانیم یوخدور
۸۳	وحی	کمال بوستانین حاصلی شرافت دیر
۸۵	زارع متخلص به حیران	هر کیمسه ائدر ناله خریدار تا پولمور
۸۷	صراف	چشم سیه یار دل پیریلن اوینار
۸۹	واحد	گرچه محبت عالمین چوخ صفاسی وار
۹۰	نباتی	منیم بو طبع مجنونیم یتنه بزم شراب ایستر

هر باغین هر باغچانین	۹۱	صمد وورغون
بیر نفر اهل وفامین بی وفادان باخشیدیر	۹۲	واحد
اوسر زلفوه مشاطه پری شانه وورار	۹۳	صراف
منیم احوالیمه یارب نهدن خردوکلان آغلار	۹۴	زارع متخلص به حیران
منه باد صبا اول سروگل رخدن خبر وئرمز	۹۵	فضولی
تشنه جام وصالین آب حیوان ایسته مز	۹۶	فضولی
گللدی مسجدن دؤنن میخانیه چون پیریمیز	۹۷	شیوا
کونولده مین غمیم واردیر	۹۸	فضولی
تورکین دیلی تک سوگیلی ایستکلی دبل اولماز	۹۹	شهریار
زولفون نیه بیر آن گؤزه لیم شانه سیز اولماز	۱۰۱	واحد
می سیز مزه سیز جامیله جانان اولایلمز	۱۰۲	وورغون
نهدن اول بت پری وش داخی بوبیانه گلمز	۱۰۳	محمد امین
سن منه یار اول	۱۰۴	نسیمی
عشق اهلی نندن اتندیگی پیمانه یتیشمز	۱۰۵	محمد امین
میخانه گؤزه ل باده و پیمانه سیز اولماز	۱۰۷	زارع متخلص به حیران
معشوقده چون عشوه و ناز اولماسا اولماز	۱۰۹	صراف
نیه لازم گنجیب عمر و زوالیم سن سیز	۱۱۱	فضولی
سوگی لین قدرینی بو عصریده هرکس بیلمز	۱۱۲	رستم اف
دائیم بو گؤزه للیک اوجفا پیشه ده قالماز	۱۱۳	واحد
قویبدو انتظاریندا	۱۱۴	خورشید بانو
عالمده گؤزه ل هر قوزو قربان اولایلمز	۱۱۵	زارع متخلص به حیران
نسبت سنه ای شوخ زلیخا اولایلمز	۱۱۸	واقف
درک ائيله داداش گردش دورانیده تبریز	۱۱۹	زارع متخلص به حیران
هر گول آچیلار اول گول رعنا اولایلمز	۱۲۱	واحد

۱۲۲	و جی	یاریم منه یار اولسا سۆزوم دن پکر اولماز
۱۲۴	واحد	عشقین منی دؤندردی گولوم بولوبه سنسیز
۱۲۵	زارع متخلص به حیران	مرید عشق اولان عاشق جهاندا بی نشان اولماز
۱۲۸	واحد	بولبولون ناله جانسوزینه باعث گول ایمیش
۱۲۹	صراف	بو عشقه پرده چلمگه چوخ ائیلد دیم تلاش
۱۳۰	صمد و ورغون	عاشق باغرینا باس صدقلی سازی
۱۳۱	واحد	بیزخرابات اهلی ئیک میخانه لردن چیخیشیق
۱۳۲	زارع متخلص به حیران	چال سازین غم داغیلا
۱۳۴	واحد	نه قدر عشقمیزای گولی بله پنهان اولاجاق
۱۳۵	و جی	عهد و پیمان اوسته ای گول باوفا اولماق کرک
۱۳۶	صراف	صبا اغیاردن ال چک
۱۳۷	زارع متخلص به حیران	کونلوم آچیلیر زلف پریشانینی گؤرجک
۱۳۸	واحد	بیز بیر قطار طوطی شیرین سخن له ریک
۱۳۹	واحد	دیل بیلن سؤز آنلیان بیر نازلی یار ایستر کونول
۱۴۰	مدینه گلگون	گل باشینا دونوم سنین ای مه لقاء گؤزل
۱۴۲	نسیمی	فرقتیندن یاندی باغیریم
۱۴۳	نسیمی	فرقتیندن دلبراکونلوم پریشان اولدو گل
۱۴۴	زارع متخلص به حیران	درد هجرانه دؤزن لر دلی دیوانه دگیل
۱۴۵	زارع متخلص به حیران	ای جوانلیق هاردا سان جسمیم تواندان دوشدی گل
۱۴۷	نسیمی	اوزونی مندن نهان ائتمک دیلرسن ائمه گل
۱۴۸	صراف	بیر عمریدیر سالیبیدیر منی آه زاره دل
۱۵۰	و جی	ساده دیر دوست تاپماق
۱۵۱	زارع متخلص به حیران	وئر اجازه گؤزه لیم تابع فرمانین اولوم
۱۵۳	واحد	بیر زمان من ده اسیرره میخانه ایدیم

واحد	۱۵۴	گوزلهرین قاره‌سینه بیرنچه قوربان دئمیشم
بختیار	۱۵۵	داش‌ئوره ک‌لرده یانیب داشلاری سیندیردی مقام
نسیمی	۱۵۶	دلبرین لبلرینه چشمه حیوان دئمیشم
شهریار	۱۵۷	اذن‌وثر طوی گنج‌جسه‌سی منده سنه دایه گلیم
صراف	۱۵۹	فصل بهار ایسته‌مهرم بلبل اولمارام
زارع متخلص به حیران	۱۶۰	باغلا زنجیره منی
زارع متخلص به حیران	۱۶۱	بیر لحظه گۆزل عکسوی پیمانه‌ده گۆردوم
واحد	۱۶۲	دون دلبریمی مجلس میخانه‌ده گۆردوم
نظامی	۱۶۳	بونه سئو داد یرآدوستدار من ئیله‌زار اولمیشام
نظامی	۱۶۴	من کیم‌کی سویله‌ییم اول یاری مہمان ائیلہ دیم
واحد	۱۶۵	گت گولوم گت سنی من جان اولاسان ایسته‌میرم
زارع متخلص به حیران	۱۶۶	رؤیا‌ده گۆزل عکس رخون جامیده گۆردوم
واحد	۱۶۸	کونلومی زولفون خیالیه پریشان ائتمیشم
واحد	۱۶۹	من سؤگلیم عشقینده گره‌ک بولبول اولایدیم
وحی	۱۷۰	قصه پروانه‌دن شیرین حکایت گۆرمه‌دیم
واحد	۱۷۱	گولدن آرتیق سنی‌ای جسمیمه جان ایسته‌ییرم
نباتی	۱۷۲	جاناود ووردوم اوزوم پروانه لردن کؤسمیشم
زارع متخلص به حیران	۱۷۳	گلدی قوربان آیی قوی من قوزوقوربانین اولدم
مشفق	۱۷۵	بولمچ نیچون آتمیش اونو تمیش
نباتی	۱۷۷	یوخسادیر سیزمن اولموشام خلوت نشین
واحد	۱۷۸	گۆزه‌لیم سن گۆره‌ن اول عاشق نالان دگلیم
زارع متخلص به حیران	۱۷۹	آنامین حسنینه ئوزجانیمی قربان دئمیشم
صراف	۱۸۰	گۆزیاشین کونول قانیله مرجان ائتمه یم‌نیلیم
واحد	۱۸۲	قوجالیق سالدی ایاقدان منی‌ای دادئولورم

دهنن شوقنا جانسوز گمان ائتمزدیم	۱۸۴	فضولی
عقل یار اوسیدی ترک عشق یار ائتمزدیم	۱۸۵	فضولی
تا اوزونی گؤرمیشم حسنینده حیران اولمیشام	۱۸۶	نسیمی
باغ ایچره گئدیپ یاریمی اغیاريله گؤردوم	۱۸۷	سید
قارامیش گئتدی سراسریزه نیپ گولدی جهان	۱۸۸	علی نشانی
اگلش گؤزه لیم نازایله مشاطه ده گولسون	۱۸۹	زارع متخلص به حیران
ایستی سن کونلوم کیمی زولفون پریشان اولماسین	۱۹۰	صابر
چال بیر موغام کی سازدا آه آسمانه گکتسین	۱۹۱	شیوا
من کی جانندان گنجرم سوگیلی جانانیم ایچون	۱۹۲	واحد
دنیای جفا پیشه دن عصیان گرک اولسون	۱۹۳	زارع متخلص به حیران
دئدیم ای غنچه دهن کونلومی قان ائيله میسن	۱۹۵	واحد
بی نوا کؤنلوم محبت سودا سیندانیله سین	۱۹۷	وجی
زولفونده نه لازم گوزه لیم شانه دولانسین	۱۹۸	واحد
هر زمان آرزوم بودور بیر لاله زار اولسون وطن	۱۹۹	زرگر
ای خوش اول گونلر کی	۲۰۰	فضولی
خدنگ نازایله گویوم قوشون شکار ائيله دیم	۲۰۱	صراف
ایسته رم انصافلی بیر قاضی محبت ائيله سین	۲۰۲	وجی
صفای مجلس جانانی کیم گوروب او دئسین	۲۰۳	واحد
چو خلار اینجیکدی که سن اولار انا نازایله میسن	۲۰۴	شهریار
بیلمدین سن قدریمی ای نازلی جانان بیلمه دین	۲۰۶	سلیمان
سویله ای دل هانتسی باغین سن گل رعناسی سن	۲۰۷	واحد
ائل دوشدی بوتون حیره دیوانه لی گیمدن	۲۰۸	واحد
نه اوچون حسینه ای گل بيله مغرور اولدون	۲۰۹	واحد
هر گلن جؤروا دوزدوم که منه یارا اولاسان	۲۱۰	زارع متخلص به حیران

اله بیر تارمو آلمیش دل دیوانه زولفوندن	۲۱۱	صراف
گل گلدی گلمدی خبر اول گلغذاریدن	۲۱۳	وفا
دلا مئت چکینجه بووفاسیز آشنالردن	۲۱۵	واحد
اولموشام دردو بلا ایچره بوگون دیوانه من	۲۱۶	خورشید ناتوان
ای فراق مه جانان جگریم خون ائتدین	۲۱۷	فضولی
میخانه مجلسینده گره ک صحبت اولماسین	۲۱۸	واحد
یاندیردی شوقون جانیم	۲۲۰	نسیمی
دؤشمیشم تاکی سبب سیز	۲۲۰	نسیمی
گؤروم عالمده سنی من کیمی بیماراولاسان	۲۲۱	زارع متخلص به حیران
اگر خوشدورمنه عطری هم صفاسی گولون	۲۲۲	خورشید ناتوان
گؤروم عالمده گؤزل من کیمی بیماراولاسان	۲۲۴	زارع متخلص به حیران
سن زولفونی آج توک اوزونه شانه سی مندن	۲۲۶	واحد
لیینه بنزه مه سیدی می می میخانه لرین	۲۲۷	واحد
گره ک عالمده بشر صاحب وجدان اولسون	۲۲۸	؟
من ماعلم اول یاره سن ایندی نتیجه اولسون	۲۲۹	واحد
زنحیره وورولدوم یتنه دیوانه لی گیمدن	۲۳۰	زارع متخلص به حیران
افسوس کی قوجالدیدم جوان عومروم هدر اولدو	۲۳۲	وحی
غمیندن غنچه گل تک قانه دوندور	۲۳۳	سید
اوز کونلومی رسوای جهان ائيله دیم اولدو	۲۳۴	زارع متخلص به حیران
من اول مرغ سیه بختم گریزان آشیانه اولدو	۲۳۶	زارع متخلص به حیران
من ترک شراب لب یارائيله دیم اولدو	۲۳۸	صراف
باغبونون منم ای گل غم اغیار ائيله مه	۲۳۹	زارع متخلص به حیران
ایتمیش اول یوسف گلر ای پیرکنعان غم یشمه	۲۴۰	شیوا
غمدن اولدوم دئمه دیم حال دل زار سنه	۲۴۱	فضولی

گنور ساقی می گلگون بو بزمی بیر بهار ائيله	۲۴۲	نباتی
گنچدی مین نازیله اول دلبیر مهپاره بئله	۲۴۳	واحد
مرد اوغول ساتما اوزون دهرده بیگانه لره	۲۴۴	زارع متخلص به حیران
دوشسه بیرده نظریم مهر رخ جانانه	۲۴۶	نباتی
سؤگیلیم عکسین دوشوب پیمانه دن پیمانیه	۲۴۷	واحد
من عارقم گوژلیم ائتمه گل اشاره منه	۲۴۸	واحد
هرکیم محبت اهلینی سالمیش اذیته	۲۴۹	واحد
مین لرحه گوژهل اولسادا هر ملت ایچینده	۲۵۰	واحد
ای کونول بیر نامه یاز بیر گلملدارین عشقینه	۲۵۱	صمد وورغون
هرکیم منه طعن ائيله سه میخانه لر ایچره	۲۵۲	واحد
بهار اولدو گل ای دلبیر تماشا قیل بو گلزاره	۲۵۳	نسیمی
یئته میخانه دوشموشدو گذاریم بو گنجه	۲۵۴	نظامی
آخر آغلادتین منی بیگانه لر گولسون منه	۲۵۵	واحد
اولور شکفته کونول زلف یاده شانه دکنده	۲۵۶	واحد
او قارا زلف کی هر دم دولاشیر شانه لره	۲۵۷	واحد
قاجدی صحرا له رمجنون دئمه لیلایه گوره	۲۵۸	واحد
ئوزون عشق آتشی نه وورماغا دلشاد پروانه	۲۵۹	خورشید ناتوان
زاهدا من چکیریم بار ملامت سنه نه	۲۶۰	وحی
غم دیارینده اجل پیکی گذار ائتمز منه	۲۶۲	فضولی
سن ازهل گوندن خراب ائتدون منیم کاشانه می	۲۶۳	زارع متخلص به حیران
اودلانان پروانه دن اویرن صداقت در سینی	۲۶۵	وحی
اولدو کونلوم یئته بیر زلف چلییا دلیسی	۲۶۶	نباتی
باخدی قجا گوزوم باغری می قان ائيله دی گنشدی	۲۶۷	زارع متخلص به حیران
مهربانین باغ عشقی ای معطر سوسنی	۲۶۸	مشفق

۲	۲۶۹	قویوسان حسینه حسرت آی اوزو قاره منی
نباتی	۲۷۰	چوخ دولاندیم کی گوروم اول چشم جادولار کیمی
واحد	۲۷۱	بیلیم نه ائتمیشم یئنه بار ایسته میر منی
زارع متخلص به حیران	۲۷۲	آج گوزل معرفتین دفتزینی یار هانی
۲	۲۷۳	نوره گیم قانه دونوب داده و پیمانه کیمی
زارع (حیران)	۲۷۴	دادگاهه عشقه یول سالدیم گورم دلداریمی
۲	۲۷۶	سر سیزم سن سیزلیگیم ائتمیش یئنه نالان منی
زارع (حیران)	۲۷۷	دلبر منه پتیشدی جفانی بهانه ائلدی
صراف	۲۷۸	قدیمی پیوسته قاشون اگدی چوگان ائیلدی
واحد	۲۷۹	بونه می دیرکی ایچرکن منی بیهوش ائندی
صراف	۲۸۰	شرار شمع آهمیدن منیم پروانه لر یاندی
زارع (حیران)	۲۸۱	چوخ گلیب ناز ائله مه ائله مه دیوانه منی
شیوا	۲۸۳	باده نوريله ایشیلدات ساقیا بیر جامیمی
زارع (حیران)	۲۸۵	غمی تفسیر ائلین اولسا گورردی نه قدر
زارع (حیران)	۲۸۷	چکمه سیگاری جوان ترک ائله
مدینه گلگون	۲۸۹	حیات شیرین غومور جوان آرزومین مین
زارع (حیران)	۲۹۱	تریاکی چکنلر بیله گر آفت جاندی
۲	۲۹۳	اره دل حقیقت عاشیقیم من
۲	۲۹۴	سی گورن ده شادام گورمین ناشاد

۱۵۰۰ تومن



خیابان امین، انتشارات یاران تلفن ۶۷۹۲۵

شابک ۹۶۴-۶۰۰۹-۳۹-۵

ISBN- 964-6009-39-5